



BIBLIOTHECA
UNIV. JAGELL.
CRACOVENSIS


591774

Barbours

Mag. St. Dr.

I

Biblioteka Jagiellońska




stdr0001954



591774 I

6. VIII. 4.







Epitome
RERVM
GERMANI-
CARVM,
ab
ANNO MDCXVII.
ad XLIII.
GESTARVM.

ANNO ÆRÆ CHRIS T.
M D CXLIII.

5) From his discovery in the
T. G. Ann. con. to the name of the
high to the name of the
T. G. & T. 1 day

6) From his discovery in the
T. G. Ann. con. to the name of the
high to the name of the

815 1000 14
VNI. 1000 14
CRABV 1000 14

591774
I

LECTORI.

Rerum Germanicarum immensa
 moles brevi compendio inclusa si
 quem lectorem nanciscatur, brevitatem
 se commendabit, obscuritatis excusa-
 tione non necessariâ, quando adhuc
 res ipsæ in luce versantur, quas non
 tate, non explicare necessum sit.

Ex Libris Calvinianis A. H.
 Annus à Christo nato
 M. DC. XVII,

MAthia Imperatore,
 fuit is à Lutheri
 primis initiis cente-
 simus, non tam sæ-
 culari celebritate
 Protestantium, quam eo ad
 memoriam insignis, quod tum
 primum fata Germaniæ quibus
 nunc quoque exercetur, jam diu
 intestinis discordiis provocata se
 aperuerint, quarum una haud du-
 bia

bia causa, præter ea quæ populos
 nimia libertate luxuriantes in mu-
 tuas dissensiones agere solent, Re-
 ligio fuit recens repertis opinionibus,
 quarum sæculare anniversarium agebatur,
 in contrarias nova vel vetera defendentium factiones
 divisa, & jam antea quoque ad iusti
 belli vim progressa: sed tùm
 Passaviensi pacificatione concessum
 in conditiones fuerat, resque intra
 pactæ, dubiæ licet & sæpe sollicitatæ,
 pacis terminos usque eo manserunt,
 dum hoc demum anno Calvinistarum factio,
 quæ quamvis pace illa excepta, tamen
 usurpatâ illius licentiâ immensis
 opibus succreverat, longa belli
 meditata proferre incepit. Otium
 Germaniâ totâ & à Turcicis,
 & ab externis aliis armis erat,
 id illi augendo instruendoque
 fœderi impendentes, quod ante
 paucos annos Protestantium
 aliqui

aliqui eis auctoribus contraxerant, multis suâ sponte, aliis ut in re ambiguâ aliorum persuasione nomina dantibus jam novam animis Imperii Romani formam, quæ ipsorum arbitrio ordinaretur, destinabant. Saxonem multosque veterum Protestantium, qui media præ abruptis, quieta præ turbidis malebant, res illa à principio non leviter perturbavit, præsertim cum ex adverso pari animorum ardore à Catholicis consilia resque sui propugnandi causa consociari viderent, ancipiti eventu quæcunque pars vicisset, cum etiam illorum victoria, quibus studio Religionis proventum cupiebant, media casuum amplexis timenda foret. Ac nemo non videbat Germaniam bellis civilibus in exitium ruituram, idipsum agentibus externis, qui partium studia callidè promovebant, ut gens po-

A 3 ten-

6 E P I T O M E R E R U M

tentissima intestinis motibus di-
 visa obnoxium proximis latus ape-
 rirer, longæque libertatis licentiâ
 concideret, quando ejus modum
 quivis usurparet perinde atque
 opum copia suppetebat, id juris
 in alium postulando, quod in se
 ipsum concedebat nemini, cum il-
 lis ipsis legibus fatigaret adversa-
 rium, quarum vim in se versam
 facile esset potentiori eludere per
 Appellationum Revisionumque
 ambages, vado omni & ingressu,
 ne dum exitu carentium. Quid
 enim superfuturum nisi ut tandem
 discordiâ illâ, cui nullum à jure
 remedium, in apertum bellum pro-
 latâ Germania fieret intestini fu-
 roris laniena, & exteri domina-
 tus præmium & accessio? aut à
 quo res semel impulsas sustentari
 posse, cum in mortem adacto Ger-
 manici Imperii regimine, ut cum
 summæ potestatis nudum nomen
 penes

penes Cæsarem esse appareret, rebus opibusque Imperii in Principes Civitatesque inveteratâ jam possessione distractis, is cui precario jure parendi ea solum, quæ quivis spontè faciat, imperare promptum sit, magis unius factionis pars, quàm ambarum arbiter, aut adversus externos Dux futurus esse videretur? In eo animorum motu Mathias Cæsar ætate cruique fractus, quarum tædio jam olim succubuerat, cum sobole careret, spe successionis in Ferdinandum Archiducem patruelem suum inclinata, fratre Alberto, quem itidem ætas spesque prolis defecerat, & Hispanis qualicunque jure suo ultro concedentibus illum Regno Bohemiæ inaugurandum curat.

An. M. DC. XVIII.

Iam Ferdinandus Hungariæ quoque successor declaratus erat, cum Bohemi & propria levitate (sed Religio obtendebatur tanquam sine periculo stare non posset, nisi in ipsa pericula propelleretur) & haud dubio Calvinistarum impulsu, qui eam tempestatem cui imminebant, quacunque ex parte erumpere cupiebant, arma capiunt in Cæsarem, Duce Mathia Comite Turriano, qui ut effervescentem primo impetu rebellionem per atrox aliquod facinus eo præcipitem ageret, unde se ipsam revocare non posset, auctor fuit ut tres ex Primariis Cæsariis Ministris ex summa Pragensi arce raptim præcipitarentur. Miraculi instar fuit eos calu illo quamvis summa locorum altitudine nihil læsos. Primo motus illos
Cæsar

Cæsar per legatos, sed frustra sedare conatus tandem aperto bello Bohemos aggredi jubet Henricum Tamperium, magno armorum usu & rebus nuper contra Venetos non inprosperè gestis inclytum ducem, qui cum aliquot eis clades nullo tamen ad summam rerum facto momento intulisset, amplioribus copiis & summa imperii potestate submissus est à Cæsare Comes Bucquoius vetus à Belgio miles ab Hispanis Cæsari traditus. Huic Bohemi opponunt Ernestum Mansfeldium clarissimâ familiâ, sed à pellicatu editum, qui veteranæ militiæ legione, quam paulo ante Dux Sabaudix haud dubie Bohemicis motibus obstrictari creditus, tantum ut hunc sequeretur, exauctoraverat, ad eorum copias adjuncta Pilsenam urbem constantis in Cæsarem fidei armis expugnat, editis in victos

A 5 ejus

IO EPITOME RERUM

ejus crudelitatis exemplis, quâ illis quæ postea in reliqua Germania editurus foret, prælusisse videretur. Budavicensis documentum fidei à Pilsnensibus exceptum feliciter peregerunt, vi illata strenuè defensa opportunis à Bucquoio subsidiis confirmati, qui cum se hosti imparem cerneret, suis se locis continebat, prælii discrimen tentare non ausus. Ergo Bohemi jam latius, & in Austriam ipsam vim belli porrigere, resque novas ibi molientibus fiduciam è propinquo ostentare cœperunt, quam illi nondum matura defectione in annum insequentem distulerunt, sed Silesii, Lusatii, & utraque Moravia confestim accepit palam initâ cum Bohemis societate, quippe ejusdem ab antiquo corporis, & consilia jam olim sociaverant, frustra obnitentibus Catholicis, quorum honores bonaque inter promississimos

GERMANICARUM. II

tissimos rebellium distributa jam perduellionis pretium esse cœperant, satis ostentata fortuna quam ab universi belli eventu expectarent.

An. M. D C. XIX.

M Athias Cæsar proscripto Mansfeldio moritur, cum paulo ante Ferdinandus patruelis Cardinalem Clefelium impotentius quam ministro potentiâ non suâ nixo aut consanguineis Principis tutum videretur, Imperii arcanis incubantem ab aulâ removisset, ignaro Cæsare, sed post factum quod jam mutare non posset, approbante. Austriacæ Provinciæ sacramentum Ferdinando successorî cunctantius dixere, ut à novo Principe exprimerent, quæ coalita dominatione sperare vanum foret, sed Bohemi soluti reverentiâ, omni Regnum apertè abro-

12 EPITOME RERUM

abrogant, substituto Friderico Electore Palatino Calvinistici fœderis Duce, ut appareretibi tumultum Bohemicorum mercedem esse ubi causa fuisset. Eadem contagio Ungaros invadit, accersito in spem Regni Bethlemo Gaborio Transilvaniæ Principe, qui Presburgo primaria urbe poritus, protinus in ipsam Austriam se victor effudit, plenusque populationum Turcico more (quorum ille fiducia Transilvaniam possidebat, & tunc auxiliis juvabatur) exercitarum, ipsis Viennæ mœnibus institit, sed trepidis nuntiis acceptæ domi cladis, quam Humanajus Cæsarium partium Dux intulerat, urbem deserit, quam paulo ante Turrianus quoque Bohemorum ductor, cum Ferdinandus ipse intus esset, spe proditiōis cum nonnullis civium seu compositæ seu creditæ tentare ausus fuerat, cum
 magnam

magnam Austriæ partem vel vi,
 vel sponte, eorumque defectione
 subegisset. quos eadem cum Bo-
 hemis consiliorum libido armave-
 rat. Vix unquam Ferdinandi res
 propius summum discrimen fue-
 runt, sed major humanâ vis pro-
 ditionem internam discussisse visa,
 & Bohemi auditâ domesticâ cla-
 de, quam à Bucquojo Mansfeldius
 acceperat, obsidionem omiserunt.
 Interea Confœderati Catholici
 Germananiâ tota aut aperto bello
 aut belli timore implicita & ipsi
 militem conscribunt, summa fœ-
 deris Maximiliano Bavariz Ducis
 permissa, eo majore animo, quod
 Ferdinandus Archidux omnibus
 Electorum suffragiis Rom. Imper-
 ator renunciatus spem eorum elu-
 serat, qui alium Comitiorum even-
 tum aut moras interregni longio-
 res semper magnis rerum muta-
 tionibus obnoxias operiebantur.

An. M. D C. X X.

V Ariatum interea prælüs minutis in Bohemia, sine discrimine summæ rerum, cui scilicet major belli expectatio se inferuerat in Germania ipsa emergentis, nam cum Unio (id confœderatis Protestantibus nomen) propè Ulmam coactum exercitum sub signis haberet, Bavarus quoque productis Catholicorum copiis castra castris contulerat, sed neutrà partium illic fortunam, quam fata alibi locorum transactura erant, experiri ausa, reque pro tempore conditionibus composita, Bavarus receptis ad se auxiliis quæ à Leopoldo Cæsaris fratre in Alsatia conscripta erant, jam apertè Cæsaris miles movet in Bohemiam, & Austria superiore exitinere ad obsequium, redacta, cum obvium semel hostem secundo equestri prælio

lio profligasset, tandem sub ipsis
 Pragæ urbis mænibus fiducia loci
 resistere ausum memorabili pugna
 fundit, & Palatino in Silesiam pro-
 fugiente paucis exceptis urbibus
 Bohemiam totam in fidem Impe-
 ratoris restituit, cum paulo antè
 Saxo quoque cui neutrarum par-
 tium esse licuerat, ut suam Cæsari
 fidem cum illius fortuna obliga-
 ret, Lusatiam armis invasisset. Ex-
 ercitus Vnionis Palatinatum infe-
 riorem, in quem Spinula promo-
 tis è Belgio Hispanicis copiis Cæ-
 saris mandatu irruperat, frustra
 defendere conatus, majore ejus
 parte hosti concessa, inglorius di-
 mittitur, seu dux novus Joach. Er-
 nestus Brandenburgicus Duci ve-
 terano Spinulæ, quanquam lectæ
 è Bataviâ suppetiæ huic milita-
 rent, virtute cessit, seu affirmata
 successu suspicio, plura tum auro
 quam ferro administrata. Ita bre-
 vi post

16 E P I T O M E R E R U M

vi post fœderis ipsius nomen senesciente partium concordia ex rerum inprospere cœptarum tædio extinctum est, & Palatinus propriarum rerum versura adventitii Regni iacturæ & perturbatæ patriæ pœnæ satisfecit, solititialis Rex, quo cum nomine temeritas fortunaque sua ad inimicorum ludibrium insignivit. Dum Bucquojus Pragentis victoriæ, cujus periculum magis cum eo quam gloria communicata, terrore Moravos ad obsequium cogit, Tamperius Hungaros palam adscito in Regium nomen Gaborio desciscentes aggressus, Presburgo obsessus, dum incautius sub muris versatur, non digno in tanto Duce temeritatis exitu glande ictus occubuit. Eodem tempore intestinum in Rhætia bellum erumpit, initio per Vallis-tellinæ incolas ab improvisa cade eorum facta, qui contrariæ

Reli-

Religionis factionisque studio vindicandæ à Cisalpinis Rhætis, in quorum ditione erant, libertati, aut in initio rem dominum transferendæ obstare crediti. Res ea favorabilis apud confines Italiæ Principes, sed auxilia ab Hispanis lata invisa fuere, suspectis magnæ potentiæ quibusvis molimentis, cui nihil quamvis modicum ad crescere posset, quod non proxima traheret. Fuitque postea magnorum motuum seminarium non tam sui pretio Vallis illa, quam situ jungendis Cisalpinis Transalpinisque viribus opportuno, & periculoso, si possideret, qui uti posset.

An. M. D. C. XXI.

Spinula à Palatinatu ovans confectâ Provinciâ redit in Belgium armorum Hispanicorum ducatu penes Consulvum Cordubam

B 3

relieto

18 EPITONE RERUM

relieto qui illius laudem vanè
 æmulatus Franckentalio frustra
 tentato magni ducis nomen po-
 stea temperantius insectari didi-
 cit, cum Spinula jam novum glo-
 riæ gradum impleret Juliaco sub
 exitum Belgicarum induciarum
 prosperiori fama oblesso. Palati-
 nus interea turbatæ publicæ pacis
 reus decreto Cæsaris proscribitur
 unâ cum Christiano Anhaltino in-
 timorum conciliorum arbitro; sed
 huic deindè deprecanti venia con-
 cessa, utpotè nec delicto, nec pœ-
 næ emolumento, nec pertinaciâ
 pari, cui Palatinus usque ad ex-
 tremum incubuit, & tunc ad Ol-
 landos concessit, abituque suo Si-
 lesiis omnem reconciliandæ cum
 Cæsare gratiæ deliberationem ex-
 emit, quibus Saxone deprecatore
 confirmata Religionis libertas.
 Unus ibi Jegerndortius pacem mo-
 rabatur, execrans supplicii atro-
 citatem

citatem à nonnullis tumultus Bo-
 hemici auctoribus Pragæ exacti,
 sed hic proscriptionem pro vecti-
 gali amplexus est, & prædarum
 impunè agendarum licentia sibi
 fortasse aliquid & hæredibus, nam
 brevi extinctus est, partium cau-
 sæ nihil profuit. Bohemia à reli-
 quis rebellium ad Mansfeldium
 conglobatis purgatur, qui Tillio
 Bavarico Duce, à quo undique
 constrictus tenebatur, per simula-
 tionem deditiois eluso repente
 è superiore Palatinatu in Inferio-
 rem transgressus, indè Alsatiam
 depopulando prædatoria arma
 magna quocunque advenit clade
 & nominis sui terrore nobilitat.
 Tillius vestigia fugientis necquid-
 quam secutus aliquot Palatinatus
 inferioris oppida cis Rhenum ex-
 pugnat, nam superior omni auxi-
 lio destitutus ultro in Bavari po-
 testatem venerat, confirmata po-
 stea

20 E P I T O M E R E R U M

stea à Cæsare pro navaræ operæ
 præmio possessione, quo merito
 & Saxoni Lusatia concessa, sed
 hoc proprii, illa alieni patrimonii
 largitio fuit. Leopoldus Archidux
 Rhætos, recuperatis aliquot ab in-
 termortuæ possessionis jure in di-
 tionem Austriacam pagis, armis
 victor pacat. In Hungaria Buc-
 quojus multis pugnis secundis &
 Presburgo recepto elatus, dum
 Neohaufaliam obsidet, fortè ab
 erumpentibus hostibus occidatur,
 paricum Tamperio fato, cum fe-
 rale magnis Ducibus Ungariæ so-
 lum etiam hos omnibus prioribus
 bellis inoffensos hic demum ver-
 tenti præbuisse fortunę Galliarum
 Rex & ipse ab Hugonortis ad ar-
 ma impulsus, ut omnium hoc tem-
 pore bellorum classicum esset Re-
 ligio, Bearniam primæ originis a-
 sylum eis adimit, parique progres-
 su munitis aliquot arcibus captis
 ran-

tandem ad Rupellæ mænia infecta
 re hæsit, longioris molimenti, non
 expeditionis tumultuario apparatu
 properatæ opus. Rex alter Hispaniarum
 Philippus III. rebus humanis excedit,
 hac extrema voce usus, satius sibi futurum fuisse si ignoti
 potius, nominis Monachus, quam tantatum opum
 Rex decederet, Regnum quod tam facile
 fertur, gravissimum expertus cum
 deponitur. Alber. Mathiæ Cæsaris frater
 pari fato absumtus. Extrema anni Christianus
 Brunsvicensis conscripto pro Palatino milite no-
 varum turbarum metu sollicita reddidit,
 Dux ætate & nobilitate ferox, congruenti
 hisce temporibus ingenio, cum parata magnis
 ausis materies etiam segnes animos excitare
 posset. Hic ut pretium nascendi exsolveret,
 iis factis innotescere cupiebat, quæ etiam
 natum ubique loquerentur.

An. M. DC. XXII.

GAborius cum Cæsare paciscitur, & ungariam abdicato Regio nomine in fidem ejus restituit. Leopoldus Archidux Hagenojam Alsatix urbem à Mansfeldio captam recuperare gestiens, improviso ejus adventu. quem Bavaricis armis destineri credebatur, alienæ victoriæ fiduciam suâ clade luit Mansfeldio & alia jactandi materia præbita, quod Hispanicum pecunia ad transeundum sollicitassent, specioso argumento fidei suæ Palatino, qui ad relegenda amissi patrimonii naufragia ex Ollandia advenerat, quam auro vendere nollet, verbis venditandæ, cum majoris oblato pretio faceret, quod rogaretur, trinamque proscriptionem, qua cum Cæsar hoc anno notavit, in armorum suorum famam traheret, quippe quibus

quibus ipse fideret, cum hostes
 minis precibusve niterentur. Til-
 lius quoque ignominia aliquid ei
 debuit accepta ad Mingelshe-
 mium clade, sed mox confœde-
 rato ipsius Georgio Friderico
 Marchioni Badensi majori cum
 fœnore redditam exsolvit, quam
 raptim conscripto non contem-
 nendi roboris exercitu novum è
 latere exortum hostem, & jam
 hostilium spoliolum sectionem in
 ipsis Bavariae visceribus vanâ spe
 despondentem sibi junctis cum
 Corduba Hispanis copiis pro-
 pè oppidum Winphenam castris
 exutum profligavit, & post ex ipsa
 conditionis suæ provincia solum ver-
 tere coëgit. Christianus interea
 Brunsvicensis subactò Paderbor-
 nensi, & Monasteriensi Episcopa-
 tu exactiombus exhausto dum
 militem ex partæ prædæ manu-
 biis jam legitimis armis ornatum
 per

24 EPITOME RERUM

per Fuldensem & Darmstadiæ
 ditionis agrum, omnia quæ tran-
 sibat rapinis agendo ferendoque,
 ad majoris spei momentum in Pa-
 latinatum trahit, in victorem in-
 currit Tillium, à quo prope Hoë-
 stum oppidum ad mœni ripas
 brevi pugna victus, reliquias ta-
 men cæsi exercitus cum Mansfel-
 dio conjungit, qui cum jactare
 Palatino fidei majus experimen-
 tum vicinis vexandis (in quibus
 fuit Ludovicus Hassiæ Landgra-
 vius, Darmstadiæ cum filio Saxo-
 nis genero, illata causa quod ho-
 stibus studeret, captus, & magna
 pecuniæ vi libertatem pacisci coa-
 ctus) quam ad sua recuperanda
 dedisset (qua ille desperatione,
 cum eum auxilia quoque à focero
 Angliæ Rege frustrarentur ad
 Hollandos redit,) Tillio ingruenti
 cedens Alsatiam & Metensem
 Diocesem ferro quantum fugien-
 ti li-

ti licebat, depopulatus, in finibus
 Brabantiae Cordubæ Hispanico
 Duci, qui se opportunè venienti
 objecerat, pœnas dat, magna ex-
 ercitus parte amissa, ita tamen ut
 cum Brusuicensi dextro brachio
 in illa pugna mutilato, & cum
 flore equitatus effugeret, operam-
 que non inutilem Hollandis ad sol-
 vendam Bergæ urbis Brabantiae
 ad Zonam fluvium obsidionem,
 quam victor capto Juliaco Spi-
 gula arctissima oppugnatione ur-
 gebat, navaret, qua cum successu
 defunctus inopem exercitum in
 Frisia Orientali, quam indicta
 causa invaserat, rapinis & vicino-
 rum spoliis reficit, primusque
 exemplum hoc prodidit Provin-
 cialium copiis sustentandi mili-
 tem, quod postea in justis prope
 horis imitationem acceptum non
 avitis Principibus si bellum se-
 sum alere posset, eo rem mili-
 tare

tarem quæ hodiè obtinet, adduxit, ut legitimum bellum à latrocinio nil nisi amorum causa distinguat, stipendiisque ex præscripto solvi desitis statim quoque disciplina belli soluta Germania primum sui, post exteri militis præda fieret, eo discrimine quod hic spolia, alter & imperium rapiat, eoque successu ut causa quantumvis iusta, sed non iisdem artibus administrata in ejus potestatem recideret, qui non tam suis opibus quàm hostium vitiis in occasionem suam versis præliorum quidem plerumque dubiam, sed belli jam ferè certam victoriam consecutus esse videtur. Tillius Palatinatum ab hoste vacuum per otium subigit, Haidelberga vi, Manhemio munitissima arte deditione capta. E Bohemia ejiciuntur Protestantium Religionis Concionatores, frustra deprecante

te Saxone, ne victoriæ præmium fieret Religio, sed Cæsar omnium turbarum causas ibi stare causatus propositum tenuit.

An. M. DC. XXIII.

CUM à Cæsare Electorum conventus, qui tamen à Saxone & Brandenburgico per legatos duntaxat obitus, Ratisbonæ perageretur, Friderico Palatino lege Majestatis abrogatâ septemvirali dignitate Maximilianus Dux Bavarix sufficitur. Variè ea res accepta, prout favor aut odium animos occupaverat, quanquam uterque & præmium & pœnam commeritis videbatur, tamen apud multos studio Religionis alioversum versa interpretatio & plaga uni inflicta partium connexu terrorem in omnes vulgaverat: nec deerant externi qui suspiciones intenderent, recta detorquerent,

rem tantum sine consensu Ordinum novo, aut à nimia vetustate exoleto summæ potestatis exemplo peractam altius spectare, si fortunarum everſio pœnam ſequatur, has in ejus arbitrio fore, penes quem pœnæ modus ſit; nec deſore reos, ubi factio imperet, accuſatio pretium habeat, & lex Majeſtatis nullis jam exceptionibus unius familiæ ſit futura auctoritas. Hæc à Saxone & Brandenburgico non obſcurè jactata, ſed alterum Luſatia tenebat, alter erat potentioris acceſſio, ita res non ultra queſtus progreſſa, Imperatoris beneficium Bavaro ratum fuit, licet & Hiſpanis id faſtigii alteri, qui exinde non tam alte emereret, adſtrui malentibus. Frankenthalium ſola in Palatinatu Tranſrhenano civitas adhuc Hiſpanis auſa reſiſtere pacto, ſe dedit, cum eodem tempore Angliæ

Regis

Regis Filius in Hispanias trajicens
 sororem Regis matrimonio jun-
 cturus, Palatinatus restitutio dotis
 accessio futura crederetur, sed res
 jam tot Principum quos illa resti-
 tutio tactura esset, ad diversa ten-
 dentium rationibus & petitioni-
 bus implicita successu in unius ar-
 bitrium collato caruit, & Anglus
 conditionem in Gallias transtulit,
 ducta inde Galliarum Regis so-
 rore. Interea cum Saxoniae Infe-
 rioris Principes conscripto finium
 tutandorum causâ milite Christia-
 num Brunsvicensem Ducem le-
 gissent, sed mox offensionem Cæ-
 saris veriti exautorassent, ille ar-
 mis haud secius retentis, cum â
 Cæsare pacem petere quam habe-
 re mallet, jam copias suas ad tri-
 ginta pœnè millium numerum re-
 fecisset, Tillius tergiversantem &
 Mansfeldio qui in Phrisiæ finibus
 & ipse bellum instaurabat, se jun-

30 EPI TOM E R E R U M

gere parantem propè Statlohum
 Westfaliæ ex itinere aggressus tu-
 multuatio certamine cum primi
 tantum agminis coactores à parte
 Tillii rem totam transegisset, sed
 memorabili clade sternit, ut ple-
 risque in acie cæsis Dux cum pau-
 cis equitibus fugam tenuerit,
 Mansfeldius victorem Tillium pro-
 vinciaæ frequentibus paludibus æ-
 stuariisque impeditæ pontibus om-
 nibus aditibus abruptis frustra tus
 est, sed Provinciales tandē ipsi cap-
 tis armis, quā vi, quā pactis condi-
 tionibus illū exegerunt. Cum Ga-
 borius diversa è parte ingens ex
 improvviso bellum in Ungaria con-
 citasset, Turcicisq; auxiliis adjun-
 ctis deletis ad internecionem Cæ-
 saris exercitu quem Montenerius
 ducebat, jam in Moravia pedem fi-
 xisset, novis Cæsaris copiis adven-
 tantibus suisque dilabentibus cur
 in prædaram antea impunè acta-
 rum

rum vicem jam vera belli pericula succederent, pacem componit tempori inserviens, quod illi solenne erat, effeceratque ut licet intelligerentur artes, tamen vindicari non possent Turcarum metu, quos turbatis inducere rebus Germaniæ non intererat.

An. M. DC. XXIV.

TIllius cum subactas, quæque illis proximæ provincias, interque illas Hassiam victoris militis steteris contineret, Wilhelmus Landgravius agnato suo Ludovico Darmstadenſi controversæ hæreditatis jure condemnatus Marpurgensem cum urbe agrum restituere cogitur cum paulo antè Marchio Durlacensis agnatis suis Badensibus Eduardi Filiis paterna bona, quorum successione eos ut materno genere impares arcebat, pari judico victus reddidisset Til-

32 E P I T O M E R E R U M

lio armorum ostentatione sententiam exequente, tantum ab armato hoste otii erat ut post sexennes belli calamitates Germania iam non ad immaturam pacem adspiraret, si aut victi quiescere, aut victores armis parata aliter quam armis retinere potuissent. Mansfeldius Phrisia expulsus, cum venalem malis alienis operam frustra aliquandiu & apud Batavos & Gallos circumtulisset, non defuit tamen quærenti bellum, qui idem quærens reciperet. Magnæ Britanniae Rex qui quietis ad id tempus consiliis placitam ab initio novi & adventitii Regni administrationem nullis temerè bellis miscere constituisset, fractus generi nepotumque exilio, armis eos restituere deliberabat, quibus adhuc frustra apud Cæsarem deprecando se opitulatum esse putabat,

cum

eum magis ipse gener deprecandus esset, ut posita tandem injustè, præterquam quod & infauستè appetiti Regii nominis contumacia errorem suum, beneficiique potentiam in Cæsare agnosceret, desineretque velle quæ fecisset, pro æquo & justo, quæ nomina victoris sunt, videri fecisse. De bello ergo agiranti gratus Mansfeldii comitisque ejus Brunsvicensis pari fidere afflati adventus fuit, & jam in reliquis quoque Christiani orbis partibus novorum ingens bellorum moles struebatur, fœdere inter Galliæ, Daniæ, Angliæque Reges, & Venetos, Hollandos, Ducemque Sabaudia & Rhætos contracto. Junxerat eos præter privatas cujusque causas commune potentia Austriacæ odium, quam ut altius suspicerent, umbra quoque sua ad incrementum invidia elevabant, ad-

34 E P I T O M E R E R U M

jiciendo quæ illa nec haberet , af-
 fingendoque , quæ nec concupif-
 ceret. Gallos armabat ſolemne
 Imperii arcanum , ut veterem æ-
 mulum non propriis ſolum , ſed
 jam aliorum quoque odiis matu-
 rum cum quam plurimis hoſtibus
 colliderent. Anglum generi mi-
 ſerebat , Danum affinis , & in tan-
 to rerum motu quieſcere haud
 Regium videbatur. Venetos Val-
 lis Tellina premebat , Alpesque in-
 viſis ſibi clientelis clauſæ , & erep-
 ta externa bella emendi facultas
 bello recuperanda videbatur Ol-
 landos grave Palatinæ ſtirpis exu-
 lantis hoſpitium , à qua prima eo-
 rum libertas tam liberaliter culta,
 reddendi vicem beneficii poſce-
 bat. Sabaudus volebat videri Ge-
 nuenſes Hiſpanorum nomine o-
 diſſe , cum odiſſet ſuo gentem pe-
 cuniis opulentam , & odii mer-
 cedem inopi eidem at ferrum ha-
 benti

benti è propinquo ostentantem. Rhæti pro servitute sua interpretabantur restitutam Valletelliniis libertatem, itaque primus apud eos belli impetus erupit, junctisque Coëverio duce Gallicis auxiliis opertas jam nivibus Alpes ruinæ instar in defectores quondam suos provolverunt, nec apud infensos valuit Pontificii sequestri quo vallis jam à tribus annis tenebatur, reverentia, & quod militem depositi præsidem non occiderint ultro imputavere. Jamque valle tota potiti summam destinati sibi belli non ingloriè perfecerant, nisi ad unum Lary lacus angulum, Riviæ nomen est, irritò conatu ætassent, cauponamque ignobilem (ea loco nomen dabat, sed eum in legitimi formam præsidii Hispani emunierant, loca quoque propinqua opere complexi) magnis cladibus nequicquam oppugnan-

nando inexpugnabilium arcium
famæ æquassent.

An. M. DC. XXV.

INsignis insignium morte viro-
rum annus fuit, Jacobi M. Bri-
tanniæ Regis Carolo filio succes-
sore. Mauritiæ Nassovici qui alter
Belgicæ libertatis Camillus, cujus
pater primus vindex fuerat, poten-
tiæ hæredem reliquit fratrem Fri-
dericum, gloriæ vivo fratre mo-
deratæ, extincto haud imparem,
hos secutus Joachimus Branden-
burgicus, Dux olim Unionis Pro-
testantium, dignus eo imperio, ni-
si imperassët, & Carolus Austria-
cus Imp. frater in medio hono-
rum, ad quos in Hispaniam evo-
catus fuerat, cursu abreptus Leo-
poldo alteri fratri causam dedit,
quo successio Austriaca pluribus
munimentis insisteret, abdicato
cœlibatu nuptias cum Claudia Mc-
diceâ

diceâ, M. Ducis Hettruriæ amitâ
 contrahendi. Ferdinandus Cæs.
 major natu Filius Hungarici Re-
 ni Successor declaratur, & ex Au-
 striâ Lutherani Religionis præ-
 cones proscribuntur, victoriarum
 fiducia id Cæsare Protestantibus
 facere viso, cum faceret illorum
 ipsorum exemplo qui Religio-
 nem & ditionem juxta æstimant,
 sed in se jus, in aliis licentiam vo-
 cant. In Italiâ Sabaudus auctus
 Gallicis copiis Duce Aldigherio
 viro sibi & in contrariis & in eisdē
 castris semper cum admiratione
 virtutis cognito, cum Genuenses
 bellum expertos eoque ferociore
 insignibus cladibus affectos parte
 meliori territorii exuisset, & urbē
 subitâ trepidatione pæne apertam
 interceptisset, in tempore conflu-
 entibus eò Hispanicis auxiliis &
 hinc à tergo prementibus, cum
 illum quoque victoriæ aut com-

meatuum inopia, aut discors ei
 opitulator corrupisset, dedit hosti-
 bus facultatem amissa eadem fa-
 cilitate recuperandi, cum gens illa
 tum demum postquam victa est
 sese, opesque suas rectè intellige-
 ret, & adversæ fortunæ admonitu
 sedem Reip. ita permuniret, ut
 supra vetera orbis oracula maria
 & montes inædificando, & illic
 urbis spatia prolatando non exi-
 guam Apennini partem mœnium
 pomæriique sui partem faceret, &
 Naturam hinc apertis fluctibus,
 illinc rupibus periculosè imminen-
 tibus antea minitantem jam liber-
 tati suæ quasi injectis compedi-
 bus ultro servire cogeret Hispani
 florentissimis è Germaniâ supple-
 mentis ad veteres Insulæ copias,
 additis cum Ducis Feriæ ductu
 magnis in Sabaudum apparatus
 movissent, Veruâ non digni no-
 minis urbe frustra per totam æsta-
 tem

tem obsessâ demonstrarunt tanti
 esse exercitum quanti ducem, &
 multum interesse armane inferas,
 an illata defendas, nam Sabaudo
 quod tam formidandæ belli moli
 exiguis ipse copiis par fuit ad
 affectam Genuensi bello veterem
 gloriam recuperandam, uti & Pa-
 penhemio ad novæ incrementum
 suffecit Rivæ obscurus, ut memo-
 ravi, locus contra multiplices ho-
 stes, Rhætos, Gallos, Venetos non
 magno militum numero egregiè
 defensus. Anglis Hispaniam classe
 invadentibus idem qui cæteris
 aliena oppugnantibus hoc anno
 proventus fuit, nam exscensione
 Gadibus factâ multis amissis ad
 naves redacti cœptum infeliciter
 bellum in Piraticam, quod cum
 hominibus non cum hostibus bel-
 lum est, verterunt. Indidē Mans-
 feldius socio Brunsvicensi trajectis
 in Belgium Anglicis delectibus

Colonienſem Diœceſem & pro-
 ximas regiones depopulando no-
 vis Tillium tumultibus excitat, qui
 in diverſam ſuſpecti à Dano bell
 partem intentus, Anholdium e
 opponit. Inter quos, cum ſe variis
 belli aſtibus invicem eluderent
 nullo momento extracta æſtas Pa-
 latino ſpem ſua Anglicis auxiliis
 recuperandi irritam fecit, cum
 Hollandos quoq; velut majus in ei
 momentum foret Spinola diſtine-
 ret Bredâ validâ urbe ab integr
 pæne anni ſpatio apparatiſſim
 obſidione potitus, magna nomi-
 nis gloriâ, quæ tamen argueret il-
 lum eis belli artibus præſtitiffe
 quibus ad integræ victoriæ emo-
 lumentum unius hominis ætas no
 ſufficiat. Gallus ut externis bell
 otioſe frueretur, Religionem bel-
 li cauſis exemit, & Hugonotti
 rebellibus pacem dedit. Rex Da-
 niæ Saxonici Circuli inferiori
 Du

Dux per factionem creatus, diffidente Georgio Lunenburgico, & Cæsarias partas in iusti militis formam amplexo [verebatur agnati sui Vdalrici Brunswicensis, cujus ipse inter proximos hæredes esset, orbitati Regem imminere] tantum Cæsari sollicitudinis iniecerat, ut veteres exercitus tot hostibus neutiquam pares indicaret, & Walfsteinium novis delectibus præficeret, hominem paulo post inusitatum fortunæ exemplum iturum, quæ tamen ad extremum ejus temeritati, quæ ei pro sapientia fuit, non suffecit. Hic coacto ad signa valido Legionum numero Halberstadiensem & Magdenburgensem Diœceses, ut Albium fluvium in potestate haberet, præfidiis firmat, alterâ ex parte Tillio Visurgim Huxterio oppido & propinquis locis occupatis insidente Rex in Brunswicensi agro sub-

42 EPILOGE RERUM

stiterat, itaque in tantâ propinquitate brevis committendi belli mora fuit minutis primum præliis expertâ re, inde a Tillio Hamela ac Mynda validæ ad Visurgim occupatæ urbes: Sed ad Nienburgum non idem eventus respondit. nam cum clade inde repulsus occiso tamen Obentrautio & Friderico Saxone Altenburgensi strenuis hostium ducibus extra summæ rerum detrimentum fuit. Matura jam hyems utramque partem à gerendo ad apparandum bellum revocavit.

An. M. D C. XXVI.

MAnsfieldius in Bremensium finibus relictis per hyemem viribus munitissimum Albis Delaviensem pontem ut Cæsarianos fluminis usu privaret, ad ortus magnam exercitus partem Waltheinio à tergo invadente amittit.

Non

Non tamen vel toties victo miles
 defuit quem raptim in Silesiam,
 Moraviam, & ad ipsos Ungariæ
 fines more suo populabundus du-
 cit, Ernesto Vinmariensi comite,
 quem propriæ copię sequeban-
 tur spe novi belli, vel per tumef-
 centes adhuc ibi Rebellium reli-
 quias, vel per Gaborium, vel Tur-
 cas ipsos concitandi. Sed Walste-
 nius rebellionem nondum adul-
 tam in tempore adveniens com-
 pescuit, Gaborius ita laudabat bel-
 lum, ut pacis tamen cum non pœ-
 niteret. Turcis magnâ à Persis hoc
 anno clade affectis ad externa
 molienda nil domotii supererat,
 itaque ad artes suas redactus
 Mansfeldius quum bellatoris, no-
 men implere non posset, popula-
 tor esse perseverans fœdis cladi-
 bus Silesiam Moraviamque de-
 vastat, sed à Waltenio tota ex-
 actus Germaniâ ad Turcas pro-
 fugus,

44 E P I T O M E R E R U M

fugus, ibique peste extinctus ne
 Christianorum quidem manibus
 nedum lacrimis compositus est:
 cum illis exemplis, quorum con-
 tagio victores pariter ac victos
 postea invasit, nunc etiam laci-
 mabilem patriæ statum fecerit
 Christiano Brunsvicensi hic idem
 annus extremus fuit, quem pulsi
 Northemii obsidione Tillii copii
 hand ingloriè auspicatus fuerat
 sed à fratre Vdalrico ad capeffen-
 dam patriam hæreditatem avoca-
 tus, mox decedens incertum reli-
 quit an si patrimonii jam sui com-
 pos diutius vixisset, injuriæ poten-
 tiam vel in ipso Avunculo Dania
 Rege, qui potiozem Brunsvicensi
 Ducatus partem, ipsamque pena-
 tium sedem Wolfenbutteliam præ-
 fidiis obtinebat, laturus fuisset
 Tillius interea veterano exercitu
 suo fidens Danum frustra ad ren-
 uno prælio decernendam provo-

can

cans operam dabat si quo pacto
ad urbium expugnationem cir-
cumferendo bellum Regi cuncta-
tionis suæ tædium injiceret. Er-
go Osnabruggensem cum Episco-
patu civitatem paulè antè à Rege
subactam per Anholdium armis
recipit, Mundam in confinio
Hasslæ munitam urbem ductu
Ludovici Furstenbergii internecio-
ne cæso Regio præsidio expu-
gnat, quo terrore Gottingæ ur-
bis omnium rerum provisu instru-
tæ maturata deditio, & Calen-
berga arx idem pacta, cum exi-
nias Danici equitatus turmas ob-
cessis opitulaturas idem Fursten-
bergius antea profligasset, inde
Northemium iterum à Tillio cir-
cumvallatum; hæc tandem Re-
gem obsidio cautis illis quibus ad
tam diem usus fuerat, consilii
volvitur, itaque totis viribus sub-
sidio profectus urbem quidem

D 5. obfi-

46 EPITOME RERUM

obsidione exemit, sed cum se in
 ditionis Moguntinæ agrum Eifel-
 densen longius effudisset, præ-
 buit Tillio id quod quærebat, ut
 receptu intercluso necessario illi
 prælio experiendum foret: triduo
 toto perpetuis in agmine assulti-
 bus lacessitus hostis ad Luteram
 tandem vicum Tillio in manibus
 fuit, ibi memorabili pugna victus
 Rex castris impedimentisque
 omnibus & peditatu pœne uni-
 verso amisso, cum delectis equi-
 tum effugit. Tum major Saxo-
 niæ Inferioris pars Bremâ tenus
 in victoris fidem venit, Hassiæ
 Landgravius adactus, quod adhuc
 constanter recusaverat, ut eosdem
 quos Cæsar haberet, habiturum
 se hostes profiteretur. Cum hic
 locorum inter milites & non in-
 digna belli nomina Mars armâ
 exerceret, in Austriâ superiori
 Rustici repentino quodam furore
 perci-

G E

perciti a
 rerum m
 libertate
 rendi an
 Bavaro,
 tibus ad
 erat, tan
 prios, tri
 quereban
 minum i
 sed barba
 cendendi
 Monaster
 nec sem
 casique
 ctus, do
 penhem
 armis ag
 dam (q
 menta m
 quam vult
 tios, sed
 non fure
 ut domito

perciti ausi sunt & ipsi præsentibus
 rerum motibus sese inserere, &
 libertatem credendi, mox & pa-
 rendi armis quærere. Nam se à
 Bavaro, cui exolvendis belli sum-
 tibus ad tempus dedita Regio
 erat, tam adstrictè regi ut pro-
 prios, tributis exhauriri ut alienos
 querebantur. Res autem pro ho-
 minum ingenio non belli instar
 sed barbaria fuit devastandis in-
 cendendisque villis, arcibus &
 Monasteriis expilandis desævians,
 nec semel tamen fugati ab illis
 cæsiq; Cæsarii Bavaricq; dele-
 ctus, donec pudorem militiæ Pa-
 penhemius vindicavit justis eos
 armis aggressus, amuletis quibus-
 dam (quæ ipsa nunc dehonestam-
 enta militiæ esse cœperunt) tan-
 quam vulneribus non pervii, con-
 tiosos, sed triplici in eos & nullâ
 non funestissimâ clade opus fuit
 ut domitos captorum tæderet,
 non

48 EPI TOME RERUM

nondum ut pœniteret ; multi etiam ex nobilitate factioni huic favisse crediti, nec ultra quæsitum, ne pœna conspectior illustraret culpam facildè in exemplum ituram. Hoc eodem anno pace Monzonensi inter Gallos Hispanosque compositæ Italiæ turbæ, & libertas Valletelliniis imaginario Rhætis Magistratuum confirmandorum jure relicto, perpetuata. Suspectum Gallo domi bellum à Rohanensi Hugonotatum duce & aperta cum Anglo affine similtas erat, quod uxorem sororem suam arctiori Religionis usu haberet, quam ab initio convenisset, itaque ad res sibi propiores intentus, quippe & in caput suum conflatas domesticas insidias ab ipso vestiariæ rei præfecto eodem tempore detexerat, cætera pacata, solos Germanicos gratuitifuroribus suis immerfos reliquit

An

GE

ERnet
fatis
& res
usurpare
milie se
gram an
votoque
gunt, ni
relascire
cremus cu
bat, Wal
mitur, u
toto pass
effusos Pe
quo pro
struere a
tar, Bauc
cum alter
isset. D
Morganio
Gallia vol
tus cum M
obidi

An. M. DC. XXVII.

ERnestus Vinnariensis in Silesia
fatis concedit magni vir animi,
& res novas jure quodam suo
usurpare visus, cum ereptum fa-
miliz septemvirale fastigium æ-
grum animi angeret, nec cum spe
votoque avita recuperandi transli-
gitur, nisi aut reperere amissa aut
resarcire liceat; partem ejus ex-
ercitus quam Carpenzanius duce-
bat, Walsteinus deditam sibi di-
mittit, in reliquos Baudisio duce
toto passim Brandenburgico agro
effusos Peckmannum immittit, à
quo prope Krenzinum aciem
truere ausi internecione delen-
tur, Baudisio tamen superstitè,
cum alterius capite victoria ste-
sser. Danus interea Anglicis
Morganio ductore & multis è
Gallia voluntariis auctus delecti-
bus cum Nienburgum ad longio-
ris obsidionis vim illato iterum

E

com-

50 EPITOME, RERUM

commeatu firmasset, inter Albi
 & Visurgim fluvios, quem utrum-
 que exstructis quâ res monebat
 munitionibus hosti se clausisse re-
 batur, ita consedit, ut ad vim bel-
 li prohibendam locum maximè
 idoneum delegisse videretur, Lu-
 neburgicum subinde Ducatum
 emissis cohortibus fœdè devastans.
 Accensus illis injuriis Dux Georg-
 gius maturavit reddere quam ar-
 cere non posset cladem, & Albi ex
 improvise trajecto Havelbergam
 urbem à Regiis desertam occupat
 cum illis templum urbi appositum
 quod arcis instar situ manuque
 munitum eminebat, conservari
 satis esset, sed mox Tillius ipsi
 cui superasse flumen pro victori
 fuit, acrior incumbens primum e
 ipso loco, deinceps reliquisque
 Rex Albi inædificarat munitioni-
 bus potius fluvium totum Havel-
 burgo tenus suæ fecit potestati
 cur

GE

cum al-
 eundem
 tunâ suâ
 morem
 nusquam
 terum in
 belli mole
 infestius i
 habuit i
 agmina e
 pacarat, P
 cui in ip
 chio Dur
 præfectus
 dione co
 tiam sine
 fecit, in
 gressio no
 Carolo L
 victoria
 Supplemen
 participat
 in tanto
 dit, quare

GERMANICARUM. SI

cum alterâ ex parte ad Visurgim
eundem Anholdio successum for-
tunâ suâ præberet, & torrentis in-
morem omnia obrueret. At Rex
nusquam prope congregi ausus al-
terum insuper hostem duplicatâ
belli mole & partæ jam victoriæ
infestius ingruentem Walsteinium
habuit ingentium exercituum
agmina ex Austriacis, quas victor
pacarat, Provinciis unâ trahentem,
cui in ipso adventu obuius Mar-
chio Durlacensis Equitum Regis
præfectus stratis à Schlikio occi-
sione copiis quas ducebat Olsa-
miam sine reliquo certamine pare-
fecit, inde in Jutlandiam trans-
gresso novi militum delectus à
Carolo Lauenburgico conscripti
victoriæ appendix & exercitus
supplementum fuerunt. Tillius
participatâ cum Walsteinio glo-
riâ tanto suam auctiorem reddi-
dit, quanto amplius est bella vin-

cere quam triumphare, & debellatis hostibus non demum & invidiæ succumbere, & Danus ambobus ducibus suffecit, cum alter quâ Visurgis, alter quâ Albis fluit immensis exercitibus inundarent illum extremum Germaniæ angulum, qui exiguo freto à reliquâ Daniâ dirimitur, quo sine tamen & victorum impetus, & fuga Regis stetit, cismarinis omnibus Provinciis hosti permissis, Stadiao, Crempenâ & Gluchstadio tribus validis urbibus exceptis. Injecta & in medio armorum ardore pacis mentio, sed à Rege, qui nondum se victi mensurâ æstimaret ne auditæ quidem in eam imaginem nuncuparæ leges, magnâ animo, cum hosti victoriam non posset, desperationem negando. Reliquæ erant in victâ Germaniæ urbes Nienburgum, Northemium & Wolfenbuttelia quæ possessio

nen

nem vic
non di
minus ob
fluyii al
egit ne
contra
jacturan
Northem
dum à p
nullas m
admittit
mœnibus
nullam
spem hab
cedere,
ter & si
corrupta
holdio o
recepto p
periculo
emia in
cessionem
lio (cum
gumi id

GERMANICARUM. 53

nem victoriæ interpellarent, sed non diutius quam hanc Papenheimius obstructo qui eam interfuit fluvii alveo aquarum periculo coegit nec quidquam conservatæ contra ferrum ignesq; libertatis jacturam facere. Furstenbergius Northemio expugnando delectus dum à præsidio deditio parato nullas nisi sui arbitrii condiciones admittit, bis vi ab oppugnandis mœnibus repulsus, cum illi intus nullam jam nisi in desperatione spem haberent, coactus est ea concedere, quæ prius negando, pariter & sibi negavit maturæ & incorruptæ victoriæ, & quale Anholdio obvenit Nienburgo pactis recepto plenum & egregium sine periculo decus. In Austria & Bohemia inaugurato in Regni successorem Ferdinando Cæsaris filio (cum nemo jam quæreret sanguini id juris deberetur an Ele-

54 E P I T O M E R E R U M

ctioni)reperitis Edictis Protestan-
 tium Religio proſcribitur dato
 annuo ſpatio ad canvasandum de-
 liberandumve qui ſanctionibus te-
 neri nollent. Mulhuſiæ Electores
 conſilia conferunt quâ ratione res
 Imperii ordinandæ , Pax compo-
 nenda, ac ſi obtineri nequeat, ſum-
 tus bello ſuppeditari poſſent : nul-
 lius earum rerû perficiendæ tem-
 pus erat, itaque quod conſilio ex-
 plicari non poſſet, forti permiſſum:
 eodem advenerat legatus Gallicus
 qui ad pacem hortaretur : honeſta
 oratio , ſi aut tempus , aut aucto-
 ritas, aut alii quibus ſuaderetur ad-
 fuiſſent ; tunc res accepta intelle-
 ctaque magis ut erat, quam ut di-
 ceretur. Colmaria quoque per
 miſſu Cæſaris per Lotharingi &
 Wirtenbergici Ducum legatos de
 Palatini reſtitutione , ſed irritum
 effectum actum , cum hinc appare-
 ret pacem peti potius quam ac-
 cip

G E

cipi, iſti
 dem off
 Belgio
 munitan
 gnant, q
 fuit, niſi
 tur, inte
 nationi
 compere
 quo inte
 cos diſce
 troverſa
 rant eod
 vam è M
 ut interp
 quoque
 acri ut o
 languid
 cum nec
 ſamibus
 yus, quod
 re intern
 eſſet. In
 cens ſm

cipi, isthinc excusatum esset eandem offerre magis quam dare. In Belgio absente Spinula Grollam munitam urbem Hollandi expugnant, quam servari potuisse fama fuit, nisi exorto, cum subsidio iretur, inter Italos Hispanosque utri nationi priores vincendi partes competerent, dissidio id ipsum de quo intempestiva erat inter amicos disceptatio hostibus sine controversia concessum fuisset. Duxerant eodem tempore, fossam novam è Mosâ in Rhenum Hispani, ut interpellandæ navigationi aquâ quoque si possent hosti eriperent, acri ut omnia ejusmodi, initio, sine languido, ad postremum & irritò, cum nec spes emolumenti parsumtibus & iustis exercitibus opus, quod hostes nunquam turbare intermitterent, protegendum esset. Inter Gallos Anglosque recens simulas vetera Nationum

56 EPITOME RERUM

odia & factiosorum in Gallia hominum studia confestim ad arma impulit: Angli cum Rupellenses aut ipsorum, aut illi Rupellensium partium essent, classe missa Rhodensem Insulam invadunt; non cunctatus est Rex ipse interna externoque hoste imminente in expeditionem ire, ergo Insula in ore Regis magnâ Anglis clade expulsi Torralii virtute recuperata, & exemplum reliquis si imitari velint, Principibus præbitum quanto ad Imperii custodiam tutius sit, si qui rebus regendis præfuerint, iisdem & gerendis adfuerint potius, quam ut aliorum ductu commissis armis ipsi otiosis donatis suam alienamque fortunam inter spem metumque anxie vellent, & prospera ut alienâ, adversa ut sua expectent.

T Illi
osti
expugn
fendebat
robore in
fortune
abstulit v
post lon
partæ lab
tem fecit
Cremper
(Panum
ab hoc
spem
fuerat,
diutissim
stratis de
Wallenste
licitatequ
vixæ fran
haberet,
piceret.

An. M. DC. XXVIII.

Tillius Stadium prope Albis
 ostia munitissimum oppidum
 expugnat, quod Morganius de-
 fendebat vetus miles, & animi
 robore in omne experimentum
 fortunæ suffecturus; sed fames
 abstulit virtutis usum, & Tillium
 post longam obsidionem multis
 partæ laboribus victoriæ compo-
 tem fecit, secuta idem exemplum
 Crempena, sola Gluchstadium
 (Fanum Fortunæ latinè appelles)
 ab hoc ipso Rege condita urbs
 spem ominis in quod ædificata
 fuerat, conditori suo affirmavit,
 diutissimâ obsidione feliciter fru-
 stratis defuncta hostibus. Interea
 Wallenstenius rerum successu fe-
 licitateque sua ebrius omnes For-
 tunæ frænos effudit, ut cum omnia
 haberet, nihil esset quin concu-
 pisceret. Iam Dictatorem se Im-
 perii

perii etsi nomine non ferret re
ostendebat nullo Cæsaris manda-
to, sed certus non prohibiturum
permissione pro imperio usus est:
tum ille universa in se trahere,
omnes exercitus suæ potestatis fa-
cere, relictis Tillio aut sterilibus belli
reliquiis, aut uno ad hybernand-
um Phrysiæ angulo, in quo (licet
vicinis Hollandis non incustodi-
tus) gloriæ suæ insenescebat, om-
nia novæ hominis felicitati inclina-
ta cernens, cui soli concessum tan-
tarum victoriarum emolumentis
incubare. Legionum tantum sub
signis erat quæ armatæ toti Ger-
maniæ pares esse possent; non fa-
tis id vilum novæ conscribuntur, &
tum primum multiplicari cæptus
ille Tribunorum, Centurionum, &
ordinibus ducendis præpositorum
numerus [quo postea nunquam
laborari delitum] ut ex solis Du-
cibus justæ legiones effici possent
& ne deesset unde alerentur, hasta

addicta
solutione
victores
stes, eâ
sumeret.
torqueret
in militib
præmioru
tis permit
speciem h
celique ip
cere debu
eo habitu
nominis
luxus ad
men cum
habere in
solum div
bant.
exactionu
et priore
tum reli
travendun
um vita
(17)

addicta & publicata in stipendii
 solutionem universa Germania,
 victores victique, socii atque ho-
 stes, eâ lege ut miles suo arbitrio
 sumeret, post raperet, denique ex-
 torqueret. Satis gratuitæ licentiæ
 in militibus per se ipsis est, tunc
 præmiorum ad libidinem usurpan-
 tis permissa rapina, nihil quod lucri
 speciem haberet, illicitum fecit, Du-
 cesque ipsi ac præpositi, qui coër-
 cere debuerant, exemplo præibant
 eo habitu cultuque vitæ, qui iusti
 nominis Principes magnitudine
 luxus ad inopiam redigeret, & ta-
 men cum tam effusè prodigerent,
 habere insuper & possidere, nec
 solum divites esse, sed manere vo-
 lebant. Cum ergo tributorum,
 exactionumque & lucri opima
 ipsi priores defæcarent, militi id
 solum relinquebant quod vi ex-
 torimendum esset: hinc Provincia-
 rum vita ipsa stipendio assignari
 capta,

CRV. MRS

cæpta, ut novorum cruciatorum
 ingeniis in quæstum versis sævitia
 militis auro redimenda esset: Hinc
 quotidie novi sinus & nova præ-
 dandi vocabula, insigne militiæ
 specimen, cum Commissarii qui
 fata, fortunas, vitasque omnium
 in manu habebant, & jure suo tam
 militem quam Provinciales depe-
 culabantur adversus utrosq; odio
 publico ruti, licentiæ autoritatem
 darent, Cæsaris servitium, patria
 utilitatem, & commune bonum
 vocando quod commune & per-
 missum latrocinium erat. Hi
 Walsteinii artibus initiatus hi
 annus [utinam exempla non ultra
 fastos ivissent] ut constaret illi
 aut Cæsari, aut sibi Imperium
 ejusmodi quæsisse, quo pluribus
 urbibus quam hominibus impe-
 raretur. Hæc unquam in Germa-
 nia videri quis non pro miraculo
 habuisset? nunc trium ferè lustro

rum spari-
 saculum,
 hac uno
 Non des-
 Dania t
 bellum, n
 tius, quia
 pia. Ru
 copis Ca
 ne evagar
 circumdar
 mitt. ill
 otio Wol
 in contin
 Walstein
 de expul
 dicit, id e
 rum fuit,
 habuit S
 auxiliis si
 præsidium
 et litter
 nere W
 cupere c
 rum

um spatio tolerari talia extra mi-
 aculum, propiusque maraculo est,
 æc unquam desitura sperare.
 Non desinebat inter hæc Rex
 Daniae terra marique reparare
 bellum, maritimis viribus fiden-
 tius, quia nulla hosti ejusmodi co-
 ia. Rugiam Insulam magnis
 opibus Cæsariani obtinebant, his
 ne evagari possent, classe undique
 circumdata in Pomeraniam trans-
 iisit, illapsusque Oderæ fluvii
 ostio Wolgastum expugnat. Visus
 in continenti hostis statim excivit
 Walssteinium, qui magna inde cla-
 le expulsus Regem ad naves re-
 ligit, id ei ultimum ejus belli ope-
 um fuit, domumq; regressus satis
 habuit Stralsundenses submissis
 auxiliis sustentare, ne hostium
 præsidium, quod ut reliquis Bal-
 tici littoris urbibus summa vi im-
 ponere Walssteinus contendebat,
 recipere cogerentur, pertæsus bel-

lum quod pecuniæ ad ordinata
 stipendia exsolvenda defectu non
 suis artibus gerere posset, exper-
 tus labente inde disciplinâ mili-
 tari similitudines insuper inter suos
 duces ex tam variis nationibus
 quarum una alteram æmulatione
 laudis impediatur, mixtos exitisse,
 & cum penes se nec pœnæ ex-
 postoscendæ, nec mercedis depen-
 dendæ facultas esset, rerum regi-
 men jam non suo, sed cujusvis in-
 genio permitti debuisse: His er-
 go vitiis in propinquam perni-
 ciam ituris hostes potius relinque-
 re, ipse eis honesta si posset pace
 absolvi maturabat, sumto ad eam
 componendâ interprete Schaum-
 burgio vigiliarum summo apud
 Cæsarianos Prefecto, quem Gluch-
 stadienses præsidarii improvisè
 eruptione oppressum intercepe-
 rant, certus uti se bello, ita adver-
 sarios victoriâ perituros. At con-
 cessar

cessam
 citatem,
 onerare
 imperio,
 appellare
 civitates
 commuta
 mercium
 mæ nego
 sed illæ
 perpetuar
 nem excu
 hominum
 cum exce
 essent,
 naves ne
 opus long
 omiffum
 quæ conc
 men octo
 id visum
 imperii ti
 Architala
 nico, qu

cessam Walsteinus lubricam felicitatem, quo maturius procideret, onerare insuper affectando maris imperio, & ut navium copia esset, appellare de fœdere Hanseaticas civitates spe objectâ solas illas commutandarum ex Hispaniâ mercium & brevi omnis maritimæ negotiationis arbitras fore, sed illæ salubri temperamento perpetuam majorum consuetudinem excusarunt, ut omnium æquè hominum amici, nullius unius cum exceptione reliquorum socii essent. Eâ spe dejectus ipsemet naves novas ædificare parabat, opus longum, & tædio temporis omissum non assueto expectare quæ concupisceret; effectus tamen octo navium numerus, satisq; id visum ad occupandum novi imperii titulum, ut maris Balthici Architalassus audiret. Freto Danico, quo brevis ex Rugiâ Insula

64 EPI TOME RERUM

trajectus, omnes qui eo utuntur po-
 puli Angli, Sueci, Batavi illum im-
 minere credebant, actum ergo ut
 illud tot gentium claustrum occu-
 panti pro compede futurum com-
 muni ope defenderetur cauto ma-
 gis quam necessario consilio, nam
 una urbs Stralsundia repetitis ab eo
 acerrimis oppugnationibus magna
 cum iactura exercitus necquidqua-
 tentata, cum mari libero à Suetia
 Rege cuius clientelæ se postea de-
 didit, subsidia reciperet, avertit re-
 tinuitque suspectæ felicitatis cur-
 sum, odii tamen causis in immen-
 sum procedentibus, maxime quo
 jam ex Fridlandiæ Duce Megapo-
 litanus Dux evaserat, præcipua su-
 per cætera omnia invidiâ, cū prio-
 res Duces quasi hostilium confi-
 liorum participes Majestatis ac-
 cusati vix inter reos, & jam inter
 damnatos fuissent. Extare jam illi
 in Palatino prætentata exempla
 hur

GE

hunc Sa
 addi à q
 ret; quo
 prima.
 fremebat
 riculis tan
 diaerat o
 suas astin
 tamen C
 gicum M
 nistrator
 natum ci
 stientes
 successe
 uterq; su
 le trahere
 stativoru
 ple quida
 Religio
 unitatis
 ademque
 petaret.
 teriam pr
 in urbibus

hunc Saxoniam in Inferiori custodē
 addi à quo victa & servire disce-
 ret; quod nunc actū ut non inter
 prima, ita nec inter ultima fore
 fremebant vulgo omnes quos pe-
 riculis suis effingendis anxios red-
 diderat odium, metus, & ubi vires
 suas aestimabant, securitas. Idem
 tamen Christianum Brandenbur-
 gicum Magdenburgensem Admi-
 nistratorem eadem lege condem-
 natum diverso affectu & ultro ge-
 stientes tulere, cum Cæsar ac Saxo
 successionem Episcopatus pro filio
 uterq; suo contentissimis studiis ad
 se traheret, ut tandem Saxo super
 stativorum militarium, a quibus ne
 ipse quidē immunis, insolens onus
 Religionis proprięq; jam immixte
 utilitatis respectu eisdem metus,
 eademque secum discrimina ca-
 pesseret. Multam sermonibus ma-
 teriam præbuerunt frequentia quæ
 in urbibus Imperii edicta pepend-
 erunt,

runt , quibus Religionis usus ad præscripta legis eâ de re conditæ severius exigi cœptus, quam æquū videretur eis qui omnia quocunq; modo tolerata pro immutabili jure observari volebant : Major vero & suo cuique periculo æstimando propior inde data , quod passim lege Majestatis eorum bona publicabantur , qui superiorum rebellibus consociasse consilia insimulabantur. Per multa non obscuri nominis capita pervagata hæc quæstio rem invidiosam ad omnes fecerat , quod bona vacua non illis qui jure proximi, sed hominibus ab aulâ Cæsaris immisistraderentur , acerrimo horum criminum quæsitore Rudolpho ab Ossa Commissario , quem nuper Comitum Hanavensium rerum familiarium curatorem ipsi nunc domini dominisque similes metuere cogebantur. Geinebat ac

hæc Ge
lerabili
onere &
tuata be
las tam
testantiu
aulâ Cæ
qui in mi
terent ,
giones, se
& seu vo
certam,
citra effe
regeretur
Provinci
immenta
dependen
bat terre
ratis hiat
tur undiq
ruiquam
animorum
tu finest
lam Vine
hæc

hæc Germania universa sub intolerabili exactionum militarium onere & bello profligato perpetuata belli mala concivere querelas tam Catholicor. quam Protestantium, ablegati quidem ab aulâ Cæsaris specie quæstorum qui in militum scelera animadverterent, exauctoratæ aliquot legiones, sed parum inde levamenti & seu voluntas, seu facultas incertum, remedium certe ipsum citra effectum fuit, & quamvis regeretur ipsarum Austriacarum Provinciarum exemplum, quæ immensa hoc anno Cæsari tributa dependerunt, tanto magis patebat terrebatque magnæ necessitatis hiatus, cum quantum daretur undiq; quorsum insumeretur, nusquam appareret. Hoc rerum animorumque in Germania habitu funestum in Italiâ exarsit bellum Vincentio Mantuæ & Mont-

68 E P I T O M E R E R U M

tisferrati Duce sine liberis mortuo, cum proximus ex agnatis hæres Carolus Niverniensis in Galliâ natus invisus Hispanis accola futurus additâ inconsulto Cæsare tanquam supremo domino hæreditate causam dedisset eandem armis controvertendi. Nihil hoc bello ad ferendos rumores fecundius, nec perinde dijudicari potest quid rectum factu fuerit, quâ pessimum fuisse quod factum est. Germaniæ intererat aut semper aut nunquam id bellum omissum fuisse. Hispani mandato Cæsaris (seu idem quod Wallensteinus permissionem pro imperio usurparunt) Monferratum sequestro possessuri Casale primarium oppidum spe proditiōnis armis invadunt, eaque detecta in justæ modum obsidionis oppugnant, magnâ adversæ invidiæ famâ cum metus ex novo accola ideo fictus crederetur, ut eo magis
hoc

hoc ipsum concupiscerent: sed illis
ibi res erant, ut aut Sabaudus cum
Gallis simul, aut Niverniensis, aut
uterq; hostis habendus esset. fatum
haud dubiè Italiæ ut novis moti-
bus perturbaretur, sed Hispanis
imputatum, quod Gallorum timo-
re, Gallis irritatis, cum utrumque
non possent, Sabaudum amicum,
Niverniensem hostem fecissent.
Hic idem annus longâ & pœne in-
tegrum spacium anni extractâ
Rupellæ Urbis obsidione Regem
Galliar. absolvit, tot ibi exhaustis
laboribus operibusque emolitis,
quæ binæ Anglorum classes subsidio
adventantes frustra perrumpere
conatæ, ut nunc quoque re tam
recenti Annalium fides labore:
sed transegit denique victor Rex
cum belli intestini longis expedi-
tionibus, imposuitque tot annis,
quibus urbs illa Reges suos aut
erruit aut timuit, sollicitæ curæ

magnum hunc diem, ut deinceps Imperii sui suo arbitrio potens excisâ hac vomicâ neminem subditorum nec metuere nec amare cogatur. Paulo ante deditionem Buchingamius Angliæ Sejanus à gregario milite confossus reddidit eum quem Regiæ amicitia odio publicarat inultus sanguinem, Rege nihil ultra percussoris supplicium inquirere auso. Eodem tempore Holladi classem Hispanicam, quæ vectigale ex Indiis aurum advehebat, interceperunt, diu prædæ huic insidiati, sed hoc solo anno eis eventus respondit, major in privatos Indicæ Societatis affines, quam in rem publicam emolumento, quæ validius bonis consiliis quam auro viget, eâdem Hispanis damni æstimatione præsentia & domi nascitura malint agnoscere & exercere quam longinquis & incertis niti, quæ ma

ri hostib
alisque o
sulta sæp
destituunt

L Ubec
niaqu
Legatos
tentionib
quam vic
pro victis
ad repe
& jam
oram in
pressa pa
venit, qu
tunæ exp
poneret
contra Po
mine flor
legatos m
rendæ i
Catariani

ti hostibus, fortunæ, temporis,
aliisque casibus exposita benè con-
sulta sæpè evertunt, plerumque
restituunt, semper morantur.

An. M.DC.XXIX.

Lubecæ inter Cæsarem Da-
niæque Regem de pace per
Legatos longis & acerrimis con-
tentionibus disceptatur, cū hi plus
quam victores, illi minus quam
pro victis se agnoscerent. Rex
id repetenda arma spectabat,
& jam instructâ classe Olsariæ
oram invaserat, bello igitur ex-
pressa pax in eas condiciones con-
venit, quas utraque pars novæ for-
tunæ experimento merito ante-
poneret. Suetiæ Rex perpetuis
contra Polonos victoriis tum ma-
xime florens eodem suos quoque
legatos miserat, qui paci compo-
nendæ interessent: intellexere
Cæsariani quorsum sese ille osten-
taret,

72 EPITOME RERUM

taret, itaque eos non admifere hoc
 ipfum, ut poſtea apparuit, volen-
 tes, ut Rex jam diu Germaniæ
 diſcordiis infidiatus hanc acceptæ
 injuriæ ſpeciem quam armis re-
 torqueret, haberet, cum Stralſun-
 dienſes iterum à Walenſtenio op-
 pugnatī injuſti formulam imperii
 ſacramentum jam ejus accepiſ-
 ſent, & totā vulgarentur Germa-
 niā epiſtolæ, quibus oppreſſæ Re-
 ligionis libertatiſque periclitantiſ
 patrocinium profitebatur, conſue-
 to Regibus lenocinio, ut pro pri-
 mo ſervitutis inſtrumento liber-
 tatem habeant. Sed re immatura
 inter ipſa bella bellum ei exſpe-
 ctandum erat nondum deſuncto
 rebus contra Polonos gerendi
 quibus juſſu Cæſaris cum validiſ
 hoc anno copiis ſubſidio proſectu
 Arnheimius parum tamen eis a-
 ſummam rei momenti attulit, e-
 odio inter ſe & æmulatione Na-
 tionum

GER

tionum
 vinceren
 ficium de
 & laram
 hac Imp
 & in cui
 verſæ Ger
 ve erecti
 aſticis deſ
 ctione, c
 Pacem Re
 apparet
 Magnis e
 mulgatio
 rata tor
 modicā h
 reſtantibu
 ullus ab eo
 immunis
 quā ſe
 ſi promiſc
 fuſſent q
 re victori
 tos & ami

tionum cum Germani ne ingratis
 vincerent, Poloni ne invisis bene-
 ficium deberent, vanam fecissent
 & latam & acceptam opem. Sub
 hæc Imperator rem diu agitatam,
 & in cujus expectationem uni-
 versæ Germaniæ animi spe metu-
 ve erecti erant, de Bonis Ecclesi-
 asticis definire ausus publicâ san-
 ctione, quidquid eorum contra
 Pacem Religionis occupatum esse
 appareret, restituendum edicit.
 Magnis ea motibus excepta pro-
 mulgatio Catholicis, ut ad diu spe-
 rata tot victoriarum præmia im-
 modicâ lætitiâ gestientibus; Pro-
 testantibus contrâ, quorum vix
 nullus ab eorum bonorum contactu
 communis, in universum non aliter
 quàm se pro victis æstimantibus,
 promiscuè ab iis qui armis usi
 fuissent quique abstinuissent, ju-
 ste victoriæ etiam inquietos, mul-
 tos & amicos vulgato ea reddenda
 essent,

essent, quæ à majoribus accepta
 sine ulla legum sollicitudine ac
 conscientia pro suis ita possedis-
 sent facilius ut ea à se auferri
 quam repeti paterentur. Ergo
 commotis eodem tempore simul
 omnium patrimoniiis cum rei fa-
 miliari trepidatio Religionis pe-
 riculo insuper augeretur, aboli-
 rumque Augustæ confessionis Au-
 gustanæ exercitium in reliquos
 omnes qui idem nomen profite-
 bantur, anxii ominis exemplum
 faceret, apparebat novor. ingen-
 rem discriminū molem ad res jam
 antea turbatas accessuram, eoque
 magis quod arma Cæsaria sub-
 missis hinc Polono, hinc Hispano
 in Italiā & Belgium subsidiis ex-
 tra Germaniam peregrinantia nu-
 dato invicem metu audaciam
 aperuissent palam conquerendi, &
 summum jus pro summā jam in-
 terpretandi injuriā Boscoducur

Bra

Brabant
 bus suis i
 quo exp
 ab eis h
 ætatis ta
 rant, ut ac
 que hoste
 spanis nu
 ipem relic
 quod am
 vulnus era
 agredi a
 Impetrat
 sti simis
 cuculas
 proviso
 fundunt
 primo im
 rem ipi
 In arcto
 rescant,
 gentia eo
 ne in pra
 nica urbi

Brabantiae urbem Hollandi finibus suis ita innexam, ut è propinquo exprobari servitutum, sæpe ab eis frustra tentata, principio ætatis tam arctè circumvallaverant, ut adversus adventantes quoque hostes castris permunitis, Hispanis nullam nisi in diversione spem reliquerint, cum auri inopiâ, quod amissæ nuper Indicæ classis vulnus erat, nihil tempore suo aut aggredi aut prohibere potuissent. Impetratis itaque à Cæsare robustissimis legionibus quas Montecucculus ducebat, Isalâ fluvio improviso trajecto in viscera se effundunt Hollandiæ, Amorsfortio primo impetu capto jam terrorem ipsi inferentes Amsterdamio. In arcto haud dubiè Hollandis reserant, sed ipsa hostium negligentia eos explicavit, quæ tanta fuit in præsidiariis Vesaliæ Hispanicæ urbis, in quam omnes suas

76 EPITOME RERUM

opes totiusque belli subsidia proficiscentes ad Isalam exercitus deposuerant, ut illa omnia incustodita hosti prodiderint, qui compertâ socordiâ contracto ex proximis præfidiis una nocte idoneo numero, urbe sine ullo suorum vulnere potitus Hispanis repente ex tantâ gerendarum rerum spe necessitatem iniecit magis quàm evaderent, quàm quo progredirentur consultandi, Boscoducenses verò desperatis suppetiis ad deditionem coëgit, magna Frederici Nassovici gloriâ, cui hic unus annus simul patriis fraternisque decoribus exæquandis suffecit Cæsari præterquam quod sua inter tot suspecta discrimina necessariis præfidiis nudasset, ea latius auxilii merces fuit, ut præter jacturam validi exercitus novis se inimicitiis oneraret, sed nihil Hispanis negari poterat, quod & in
 Italiâ

G
 Italiâ pa
 cum An
 Rupella
 odiquo
 ratus Ni
 mine qu
 armis op
 victrices
 perato P
 profligat
 do potit
 apertas,
 victor It
 tur, Sa
 conditio
 compuls
 ræque C
 nescentes
 petus de
 summâ cu
 coactis.
 patefact
 illoque
 al. rulle,

Italiâ patuit. Rex Galliæ renovatis cum Anglo fœderibus, cū excidio Rupellæ quæ odii pretium fuerat, odii quoq; causa cessasset, indignū ratus Niverniensem hoc uno nomine quod Gallus esset, Hispanicis armis opprimi, raptim in Italiam victrices ipse copias duxit, & superato Pennino jugo, Sabaudo profligato, Susis subalpino oppido potitus, Alpes mediâ hyeme apertas, totamque Regni molem victor Italiæ immissurus credebatur, Sabaudo jam ad eas pacis conditiones quas ipse imposuerat, compulso, Hispanis ne longæ irritæque Casalensi obsidioni infenscentes recentis victoriæ impetus deprehenderet, eandem summâ cum trepidatione solvere coactis. At Regi satis visum in patefactam detronuisse Italiam, belloque jus clientis sublevatione afferuisse, contra Hispanis intole-

randum erat stare legibus ab hoste
 datis, nulla vero nisi in Cæsare fi-
 ducia. impetratu ergo illorum ex-
 exercitus Cæsarius Collalto duce
 improvise Rhæticas Alpes occu-
 pat, bellum utique in Italiam
 transmissurus, si idem Gallis ani-
 mi esse perseveraret: neutra gen-
 tium detrectavit arenam, quam-
 quam communis utriusque se-
 pultura Italia sit. Tum Sabau-
 dus eas quas acceperat, Gallo
 conditiones renunciat, & Spi-
 nul a ab Hispanis suffectus Cor-
 dubæ Mediolanensi Præfidi, à
 quo bellum quia improspere ge-
 stum, conflatum dolebant, id
 ipsum tamen, quod damnabant
 prosequentes, Monferratum denuo
 invadit, magnum haud dubie se-
 cum nomen afferens, si expertæ
 in Belgio virtuti par in Italiâ for-
 tuna respondisset. Germani cum
 tribus prope mensibus in sum-

mis

mis Alp
 expecta
 ipsis cu
 cistitudo
 propria
 do, nec
 nec quæ
 ant, disce
 per Cren
 tis instar
 provolvu
 præfidi
 ita ut ver
 unque h
 unius M
 gant, se
 mania a
 quod su
 commear
 que hyer
 naque in
 quæ eis
 perlio si
 annus Ga

mis Alpium jugis pependissent
 expectati remoratique ab eis
 ipsis qui evocârunt (tantâ vi-
 cissitudo est in hominibus quos
 propriæ gloriæ anxia sollicitu-
 do, nec quantum ipsi capiant,
 nec quid aliis concedere debe-
 ant, discernere patitur) tandem
 per Cremonensium fines torren-
 tis instar in mantuanum agrum
 provolvuntur, omnibusque ejus
 prædiis primo impetu potiti,
 ita ut venerant viderantque, victo
 ubique hoste, totum bellum intra
 unius Mantuæ urbis mœnia redi-
 gunt, sed illos proinde ut in Ger-
 maniâ assueverant agentes, cum
 quod sumere licebat, raperent,
 commeatus statim defecit, jam-
 que hyems quoque supervenerat,
 itaque in hyberna deducti sunt,
 quæ eis & pro annonâ & pro sti-
 pendio sufficere jussit. Hic idem
 annus Gaborium humanis rebus

exemit, ut omnibus vitæ actibus,
ita ipse supremo judicio mirum
variumque, qui insigni legato in
Ferdinandum Cæsaris filium col-
lato, quam familiam vivens inju-
riâ persecutus est, in ejus benefi-
cium morte suâ vi voluit, ut nec
pro hoste nec pro amico deflere-
tur.

An. M. DC. xxx.

EDicto Cæsaris passim res Ec-
clesiasticæ Catholicis restitu-
untur invitis Protestantibus, sed
tam frustra renitentibus quam
olim Catholicis Dux Wirtenber-
giæ inter omnes unus erat, à quo
plura cæteris repeterentur, quippe
providérant majores, ut ea bona
adventitia non minora essent pa-
triiis avitisque Proximæ Inferioris
Saxonici Circuli querelæ post tot
annis tolerata bella sæviora ar-
mis jura sibi imaginantis: in ur-

5550 72 bibus

bibus Imperii idem animorum
 habitus, quamquam validiores ac-
 cusarent magis edictum, quam
 timerent: dolebant in universum
 se inauditos, indefensos velut pro
 innoxiiis condemnari. provoca-
 bant ad Imperatorem, ad Impe-
 rium, ad Comitia, ad semetipsos,
 una omnium vox leges invocan-
 tium, surdum auxilium, dudum
 & mutum quod ipsi fecerant, sed
 sua in se exempla recidere etsi
 sentirent, fateri nolebant Saxo &
 quidquid inter Protestantes præ-
 teritis moribus Cæsariarum sine-
 re partium fuerat, idem orabant,
 quos Cæsar Ratisbonam, quo jam
 tum Septemviralia comitia in-
 dicta essent distulit: non longum
 id visum, & pari sensu æstimatum
 inter eâne temporis Catholici ea
 bona an miles haberet, qui cætera
 haberet omnia. In Germaniâ er-
 go leges, alibi locorum arma stre-
 pebant

pebant. Rex Galliae ex Italicâ expeditione redux reliquias Hugonottarum ita domuerat, ut jam à domestico metu otiosas Regni curas omnes in bellum Italicum transferre posset: Sabaudus iniuriæ proximus fuit, qui ejusdem & auctor credebatur, binique in eum emissi exercitus, à quorum altero nullo negotio ereptum ei quidquid cis Alpes Provinciarum possidebat, Transalpinas res gessit ipse Richelius arcanor.

Regiorum arbiter, quem Gallia juxta, atque etiam supra Regem adorat, vir ingentium unus historiarum capax, nunc etiam dum vivus & superstes est, quanto magis cum absolverit fortunæ miraculum & res mortales relinquet, quas ille universas nunc vastissimo mentis conceptu ventilans, humani generis aut fortunam stabiliturus creditur, aut infortunium.

nium. Summa expeditionis fuit Pinerolum oppidum munitissimâ cum arce vicarium, sufficereque id temporis visum omnem Alpium Gallicarum tractum in potestate habere, unde in Monferratum, cujus salus in conservandâ Casalensi urbe stabat, semper quas res postularer traducendi copias facultas esset: nec enim leve negotium arcis illius expugnationem, quamquam summus eâ scientiâ dux Spinula expeditioni delectus, nec Torrasium, cui præsidii Gallici tutela à Rege commissâ facilem eidem adversarium fore. Et profecto æstas rota inefficaci obsidione à Spinula absumpta destinatis hac in parte Gallorum consiliis feliciter respondit, sed alibi Venetos qui fœdere cum Gallis initio res Mantuanas defendendas susceperant, in totum frustrata est, qui præter insignem exer-

84 EPI TOM E R E R U M

exercitus sui cladem, quem urbi
 obsessæ auxilio adducebat Sagre-
 dus dux novus, sed quid in se o-
 pus esset probè sibi conscius (un-
 de eadem facilitate excusavit
 ignominiam, quàm antea magistra-
 tum recusaverat) non multo post
 urbem ipsam, quam situs natu-
 raque inexpugnabilem faciebat,
 vel socordiâ vel paucitate præsi-
 diariorum, quorum immensam
 stragem pestis hoc anno ut in aliis
 Italiæ locis ediderat, à Germanis
 nocturnâ vi captam viderunt, Du-
 ce ipso Niverniensi, qui fugam in
 arcem præceperat, ibi quoque
 vix liberum abitum pacisci co-
 acto. Ingemuit Italia omnis an-
 tiquissimæ urbis, & quæ veteres
 quoque Barbarorum ruinas eva-
 serat, excidium Cæsarque ipse
 infortunium quod intulit misera-
 tus est, dolens se existimationis
 conservandæ causâ, quæ una to-

tius

GE

tus hujus
 contra
 fuit, co
 conjugis
 umphos
 litarem in
 cinore G
 consilio
 utilis fuit
 cum post
 tamen pr
 venisset.
 Inverate
 tendit,
 conventu
 eventus
 rum cur
 traxerat.
 meranian
 multis p
 ns locis p
 tibus Cæs
 magnus u
 is alibi,

ius hujus belli merces, rerumque
 contra propius sitarum jactura
 fuit, eo adductum ut everfam
 conjugis suæ patriam inter tri-
 umphos numerare cogeretur. Mi-
 litarem insignem gloriam eo fa-
 cinore Gallasius meruit, cujus
 consilio res confecta: Collalto
 utilius fuit absente se urbem capi,
 cum post patrati operis invidiam
 tamen prædæ in tempore super-
 venisset. Victoriæ hujus nuntius
 Imperatorem jam Ratisbonæ of-
 fendit, indicto illuc Electorum
 conventui præidentem, cujus
 eventus aliarum in se omnium re-
 rum curam sui exspectatione
 traxerat. Jam Rex Suetiæ Po-
 meraniam aperto invaserat bello,
 multis primo adventu opportu-
 nis locis potitus, frustra resisten-
 tibus Cæsariis legionibus, quarum
 magnus ubique numerus sed mi-
 les alibi, aut nusquam erat. Jam

H

Chri-

86 EPI TOM E RERUM

Christianus Magdenburgicus ab
 exilio redux urbe illâ ad arina
 coacta in ipsis Germaniæ visceri-
 bus arcem aperuerat rerum ve-
 terum, novarumq; aut etiam nun-
 quam futurarum cupidis : jam
 Carolus Lauenburgicus idem au-
 sus, quanquam in flore à Papen-
 hemio oppressus, jam in reliqua
 Germaniâ omnia pariter ægra ac
 valida, composita ac coercita
 intumuerant, cum nec spes, nec
 metus cuiquam certus, sed utra-
 que immodica essent, & ingrata
 quies dulce movendi qualecun-
 que pretium faceret, bellumque
 victis in voto, victoribus indul-
 gentiâ fortunæ ad omnia speranda
 solutis etiam voti fiducia esset
 nec tamen perinde agerent, ut
 militiæ flagitia, quæ neutiquam
 secundos bonæ spei eventus pro-
 mitterent corrigerentur. Unicum
 malis remedium Ratisbonâ ex-
 specta-

GERM

pectabatur
 tio fuit,
 ibi inter
 concellere
 controver
 posita, u
 dabaudo c
 Nivernien
 Rom. ber
 tæteri Du
 beret. lato
 patuit, an
 cum ura
 rant Hipe
 & quod a
 montium
 in medio
 ur se ge
 cturis cup
 alitum &
 alterâ pei
 as alterâ
 coru Rati
 clasticis

spectabatur, ubi prima de pace
 stio fuit, sed cum eam Germani
 oi inter se inviderent, Italiae
 oncessere, in qua Mantuana
 ontroversia cum Gallo ita com-
 osita, ut parte Montisferrati
 abando cedente, reliqua omnia
 Jiverniensis Cæsaris imperiique
 om. beneficio ut antiquitus
 æteri Duces possedissent, ha-
 beret. læto in præsens, sed ut post
 atuit, ancipiti Italiae gaudio,
 um utrumq; & quod concupie-
 ant Hispani, Casalensem arcem,
 & quod adversati fuerant claustra
 montium Galli tenerent, ipsaque
 n medio posita infensarum in-
 ter se gentium nunquam suffe-
 cturis cupiditatibus duplicem &
 aditum & sedem præbuisset, ab
 alterâ pessumdanda ut propria,
 ab alterâ ut aliena. Secunda in
 coetu Ratisbonensi de bonis Ec-
 clestasticis fuit consulatio, quæ

more Germaniæ in alium dilata-
 cœtum, tempusque componendæ
 huic causæ in annum proximum
 Francofordiam definitum, Pro-
 testantibus ipsis diem de industria
 proferentibus ut ex Sueci pro-
 gressibus consilia caperent, Ca-
 tholicis abundè ratis, si in præsens
 fruerentur, in futurum cum for-
 tunâ consultari. Tertium caput de
 bello porro administrando, quan-
 do pacem desperatam esse appa-
 reret, fuit. Et hæc actio optimis
 nobilitata consiliis: stipendio dis-
 ciplinâ militarem stare & suspen-
 dio, tot legionum tribunorumque
 numerum etiamsi summâ mode-
 stiâ regantur, inhabilem ad pa-
 rendum, tributorum rationes per
 ambitiosos Commissariorum &
 Ducum sinus ambulantes publi-
 candas, & veteri more ut consta-
 re, ut reddi possint, Imperii Or-
 dinibus permittendas, sed totius

rei effectus
 Walfteini
 succeden-
 tibus, o-
 licentia
 irvalaerun-
 quam ha-
 Miraculo
 sponte in-
 sum, sed
 cessitatem
 vel ex de-
 esset. In
 de Regi-
 tio, Ca-
 ostentab-
 natio tam-
 suspectis
 providere
 is tam-
 sa salub-
 et non n-
 tam pot-
 tam grat-

GERMANICARUM. 89

rei effectus ibi stetit, ut invisum
Waltsteinii imperium abrogaretur
succeedentibus magis aliis homi-
nibus, quam aliis moribus, qui
licentia temporum eo usque
invaluerunt ut leges magis illis,
quam hi legibus aprandi essent.
Miraculo fuit Waltsteinium se
sponte in ordinem redigi pas-
sum, sed sciebat se eam sui ne-
cessitatem fecisse ut brevi ad se
vel ex desperatione redeundum
esset. Injecta ad extremum &
de Rege Rom. creando men-
tio, Cæsarque huic spei filium
ostentabat, non inutilis delibe-
ratio tam affecto corpori, tot
suspectis calibus saltem de capite
providere: sed pars libertatis, cu-
jus tum intempestivo studio &
alia salubria corrupta consilia, visa
est non negare, sed differre suffra-
gium post in idem caput, sed non
pari gratiâ reediturum. tunc po-

tentia Austriaca urebat etiam eos quos illustrarat. Finis Comitiorum talis fuit, ut Rom. Imp. vulnera patefierent quidem, sed neutiquam curarentur, & pœne ipso Imperii fine consecuto, ni Deus desertas humanis consiliis res sustentasset, hæc ultima in Germania comitia fuissent. Hunc annum præter cætera insignem reddiderunt continuata Sabaudi, Spinulæ, Collalti funera, quorum interitum Itali uti trium perturbatæ patriæ Ducum in omen traxerunt, tanquam solæ superis res Italiæ curæ essent.

An. M. DC. XXXI.

E piscopatibus, Abbatiis, cæterisque rebus Deo dicatis Catholico nomini restitutis inter ipsos Ecclesiasticos de bonis partiendis lis oritur: nondum victoria, jamque discordia

erat

erat aliis novis concessio apud intra ha proximi versura e iam illis poris pr nunquam Rex Sue totam ea fecerat, gâ mari raneâ m Stetinun cæ, olt terrore missas, c videretur na Cæla ribus Ita causam l pore imp

erat aliis veteri Ordinum jure,
aliis novis à Cæsare & Pontifice
concessionibus nitentibus, nul-
lo apud utrosque proventu: nam
intra haud longum tempus ad
proximi temporis possessores re-
versura erant, simul involutis et-
iam illis bonis, quæ ad id tem-
poris propria Catholicorum &
nunquam controversa fuerunt.
Rex Suetiæ Pomeraniæ illatus
totam eam oram suæ potestatis
fecerat, Gripvaldiâ, Colber-
gâ maritimis, Damino mediter-
raneâ munitissima urbe exceptis,
Stetinum, quod caput Provin-
ciæ, ostentato quidem armorum
terrore promptius tamen ad-
missus, quam ut in metu fuisse
videretur. Præpositus ei regio-
ni a Cæsare Torquatus de Comi-
tibus Italus, morbo correptus
causam habuit missionis in tem-
pore impetrandæ, ut salvis prio-
ris

92 E P I T O M E R E R U M

ris fortunæ præmiis felicem eam
 valetudinem rebus postea subse-
 cutis, quibus eo casu subtractus
 est, sibi fuisse agnosceret, quum
 Ferdinandus Capuanus alter no-
 bilis Italici generis dux Garzio ac
 Griffenhagio fortissimis Oderæ
 fluvii claustris quibus præerat me-
 diâ hyeme à Rege expugnatis in-
 faustam remanendi necessitatem
 morte exolvisset, quam tamen
 Fridericus Sabellius ejusdem na-
 tionis properatâ Damini deditio-
 ne, cui urbi cum Tillius Walltei-
 nio exauctorato in summam mi-
 litaris Imperii restitutus præfeca-
 rat, prævenire maluit, adductis
 in aula Cæsaris hujusmodi ratio-
 nibus, ut non solum ignominia
 excusata, sed etiam deinceps pa-
 ris operæ navandæ facultas præ-
 bita ei fuerit, extrema Tillii in-
 dignatione (sed hominum in aula
 probatorum virtutes magis quam
 vitia.

G E

vitia in
 oppidum
 & haud
 hostis pro
 batur, se
 belli ratio
 sena Gri
 interseptu
 tem Pom
 tensam p
 cum Col
 sed ad ex
 ne nec q
 ad magn
 nunc hil
 etius no
 fieri, om
 mis milit
 numerum
 docuerat
 debantur
 bus tem
 Cæsaris p
 etatus

itia intelligenda erant) qui id oppidum pro arce belli habiturus, & haud dubie intra eas regiones hostis progressus retenturus videbatur, sed ab eo eventu totam belli rationem commutare, & obessæ Gripsvaldiæ à ferendâ ope interseptus deditioem, Regi autem Pomeraniam omnem indeiensem permittere coactus est, cum Colberga diurnâ quidem, sed ad extremum irritâ defensione nec quidquam resisteret. Jam ad magnum per se Sueci nomen nunc hisce successibus multo auctius novæ in dies accessiones fieri, omniaque sub manu, imprimis milites, in quibus solum ut numerum spectaret, Wallsteinus docuerat, nasci adeo, non legi videbantur, cum eis qui superiori- bus temporibus aliarum quam Cæsaris partium fuerant, ultro expectatus, multis Cæsarianis ex

94 E P I T O M E R E R U M

stipendii commeatusque inopi,
 quam ipsi sibi per caedes & raptus
 (quæ ad id tempus stipendii no-
 men impleverant) exhaustis Pro-
 vinciiis fecerant, gratus acceptus-
 que adventus esset novi cuiuscun-
 que domini, qui meliora promit-
 teret, nulla an promissa præsta-
 re posset curâ: nam Provinciales
 qui sedibus patriis expulsi, nil
 jam quod amitterent habebant,
 ad ea castra tanquam ad penates
 confluebant rapturi & ipsi ex alie-
 no ubicunque aliquid & esset &
 non esset, quæ sola eo tempore
 vivendi conditio. At Tillio pro-
 cul ab aula, è qua consilia aut
 nulla aut post res afferebantur,
 procul à dominis, qui prospera
 sibi, adversa illi imputaturi erant,
 procul à subsidiis & auspiciis eo-
 rum quorum nomine & fortuna
 ad omnia sufficere iussu bellum
 gerebatur, nihil ad explicanda
 vere-

G E

retera
 cum in
 divitiar
 summa
 mnes n
 parendu
 cisset,
 aperisul
 re, & in
 rur, ut
 gravior
 capite re
 cessarium
 faceret
 pejus ho
 pererar
 virtute
 cere, &
 cernere p
 cum mar
 paelium
 principio
 nam, ubi
 do cum

vetera consilia in manu erat,
 cum in exercitu ipsius summæ
 divitiæ quæ apud paucos, &
 summa paupertas quæ apud omnes
 nihil mediæ nec ad bene
 parendum nec imperandum fecisset,
 & contra infiniti hostes
 aperti suspectiq; à fronte, à latere,
 & in ipsis visceribus exorirentur,
 ut tantarum rerum moles,
 gravior utique quam quæ unius
 capite regeretur, focium ei necessarium
 vel ipsum Wallsteinium faceret,
 quem pleriq; Sueco ipso pejus horrebant.
 Unum illud supererat
 ut exercitum præliorum virtute
 expertum in aciem deducere,
 & rem uno certamine decernere
 posset; ad id Regi nondum
 maturum erat, bellum quam prælium
 malenti. Et sane Veris principio
 Francosurtum ad Oderam, ubi
 Schaumburgius tam valido cum
 præsidio inerat, ut æquo

quo-

quoque loco hosti par esse possideretur, ita interceperat, ut asperatam committendæ ibi · re occasionem advolanti Tillio profugi milites urbem captam exercitumq; deletum prius pœne nunciarent, quàm ille Regem eo advenisse crederet: eâdem consilii destinatione Brandenburgum oppidum sub oculis suis omni bellicade à Tillio devastari, & Magdeburgum ipsum obsideri, expugnari atque excindi passus est, quæ celeberrima Germaniæ urbs paucorum horarum spatio incertum hostili an fortuito incendio (verius intestino, cum cives quatenus urbem hosti non possent, triumphum prædamque eriperent,) incineres subsedit, multis millibus mortalium ferro flammâque haustis. Eâ victoriâ Tillii gloria iteluxit, ut hanc inter postrema muneraret, cum interea Sueco fa-

esse

GE
esset foc
manis,
permisi
& expe
bim Oc
otiosè si
tura, in
expugna
operibus
nie firm
quam pr
tus erat,
quibus ar
to fuerit
in aper
nullas à
deusufat
eandem f
picio nov
aus inera
vita dici
interent
a daturi
conscripto

esse posse
at, ut ad
ibi re
illio pro
tam exer
cene nun
em eo ad
m consili
gum op
mini belli
Magde
xpugnar
quæ ce
bs pauc
incertum
ndio (ve
quatenus
t, trium
rent,) i
s millib
que hau
gloria it
postrema
Succo fat
esset

esset socordiam exprobrare Ger
manis, quod Magdeburgum capi
permisissent, ipsi vero promptum
& expeditum quidquid inter Al
bim Oderamque est regionum
otiosè subigere, locaque oppor
tuna, in quibus Sterinum fuit in
expugnabilem ab eo munitionum
operibus cinctum, sibi & victo
riæ firmare majore futurorum
quam præsentium curâ, nam cer
tus erat, si hæc desperata fierent,
quibus antea adventus suus in vo
to fuerit, tunc societatem suam
in apertæ necessitatis vim quæ
nullas à potentiore condiciones
recusat venturam. Jam pridem
quidem Protestantes Saxonis au
spicio novum inter se Lipsiæ fœ
dus inierant (Francofurdiensi con
ventu dicis magis causâ ne deesse
viderentur quam quod quidquam
ibi daturi admissuriq; erant obito)
conscriptoque milite Edicti Ec
clesi-

cleſtaſtici tributorumq; militariū
 abolitionem ab Imperatore, quem
 exarmatum volebant minitabun-
 di, nondum tamen Sueci armis
 petebant, & copiæ Cæſariæ ex
 taliâ poſt res illic pacatas reduces
 multos illorum, in quibus Dux
 Wirtenbergicus, Sueviæque ad
 Franconiæ civitates fuere, ad fœ-
 dus ipſum ejurandum adegerant
 ſed terror is fuit, non diuturni cu-
 ſtos obſequii, cæteris autem ma-
 turandi neceſſitas, ut palam
 Rege auxilia arceſſerent. Primum
 qui id faceret exiit Gulielmus
 Haſſiæ Landgravius, in quem
 Tillius toto movebat exercitu
 fruſtra iterum Rege acie provo-
 cato, qui trajecto Albi etſi loci
 prælio non dabat, multis tamen
 eximiis equitum turmis nocturnâ
 irruptione obtritis, huad quaqua-
 lætam Tillio eam provocatione
 fecit. Tum Saxo & Brandenbu-

gicu

gicus, majori licet cunctatione,
ausi tamen denique & ipsi causæ
suæ quam à Cæsare desperatam
se ferre credebant, non minus
anxium vindicem quærere pa-
lam junctis viribus societatem
Sueci induunt; inde omne mox
Protestantium nomen in eodem
sacramento fuit, cunctique exutà
æqualitate iussa Regis spectabant.
Belli sedes prima novi consilii
merces Saxonia fuit, ubi Tillius
Lipsià oppidisque vicinis potius
tanto cumulo multiplicatæ belli
noli in explorato se fert obviam
sed Papenheimius navandæ ope-
ræ advidior toto æquitatu in ho-
stem evectus, ut aut deserendus
ut quamvis ancipiti ausu eripi-
endus esset, invitum coegerat in
discrimen venire) itaque hostem
quem tam sæpe in manibus ha-
ere optaverat, repente in late-
re habuit, & prope Lipsiam cla-

dem ætate nostrâ maximè memorabilem accepit, quæ omnem Catholicor. fortunam superiorum temporum proventu jam pœne oblitam sui uno momento evertit, seròque admonuit, quanto consultius sit civiles victorias maturatâ pace finire. Poterat ni rem discrimini committere properasset exspectare dum hostem distineret Tieffenbachius Saxoniam & Bohemiâ adortus, vel se ei jungerent copię Italiæ quas Aldringherius adducebat, sed hæ fugientem protexerunt, ac brevi iusti exercitus speciem reddiderunt, quibus Sueco, relicto Saxone ad invadendam Bohemiam (ubi tantæ ei res fuere ut primus post Palatinum Cæsaris hostium Praggæ urbis potiretur) in viscera s. Franconiæ temerè effundenti facile erat parem cladem reddere cum ad eum quoque Lotharin

giu

gius ex
(colleg
æstate
ignarus
alieni pe
Gallum
hostem
potior
tentem q
tus hoste
certa vict
tere quo
bant : o
fortuna
ente sp
precipita
quam erig
avidius
illa in
tiam tu
amoruer
am minu
cipis n
perium

gius exercitum suum aggregasset
 (collegerat eum proxima ille
 æstate Cæsaris juvandi studio,
 ignarus quam gravem à tergo
 alieni periculi appetiti vindicem
 Gallum relinqueret) ut triplicato
 hostem superaret numero. Sed
 potior Baviaræ Austriæque ab-
 lentem quasi in visceribus paven-
 tis hostem cura coegit omissa
 certâ victoriâ agmen eo conver-
 tere quo id genus consilia voca-
 bant, quæ plerumque adversæ
 fortunæ insolentiâ è summâ re-
 pente spe in novissimum metum
 præcipitata magis se colligere
 quàm erigere student, & quanto
 pavidius se à periculis subducunt,
 eo illa in se cumulativa trahunt.
 Tullum tum primum res adversæ
 admonuere quod inter prospera
 minus adverterat, quibus
 suspiciis militaret, ergo jussu
 imperium, executus, obsequi glo-

riæ famâ polthabitâ, dimisso Lotharingo copias ad Bavarîæ fines sistit, illo duntaxat tam brevi itinere propter comineatum inopiam ita imminutas, cum milites indignati sibi nec vincere nec vivere licere plenis turmis aut ad hostem transissent, aut deserta signa reliquissent, facis ut constet Lipliensi clade plus sanguinis, hic plus virium, illic haud innoxiam, hic gratuitam hosti victoriam concessam, cujus præmia brevis temporis successus repræsentavit, majore fere Germaniæ parte Suedicis armis quatuor vix mensium spatio domitâ, cum omnia aperta hinc à Catholicis desperatio, hinc à Protestantibus nimium hians & præpropera novæ fortunæ complexio quâ ne ipsi quidē caperent, præbuisset, essentque jam quod paulo ante Catholici, præteritorū futurorumque ex nimia securitate oblitī.

An.

Ex S
& p
prædâ in
in quo
expugna
equitum
itinere de
factâ de
in Suevia
Mano pr
& omne
minis, p
tione, p
atque fo
omnia vi
rendis pr
debantur
Moguntia
tiam, Pa
omnes Pr
loniâ, ill
ipsa urbs

AN. M. DC. XXXII.

REX Suetiæ subactâ Franconiâ,
 & partâ è Catholicis ingenti
 prædâ in Bambergensem agrum,
 in quo munita aliquot præsidia
 expugnanda supererant Hornium
 equitum præfectum mittit; cui in
 itinere desleſteti Hailbronna urbs
 factâ deditione aditum quoque
 in Sueviam aperuit, ipse secundo
 Mæno profectus Francofordiam,
 & omnes ejus tractus urbes vi-
 minis, promissis, pactis, proditi-
 one, perfidiâ, quæ perinde ei
 atque fortuna ipsa adfuere (sed
 omnia virtuti illius qui rebus ge-
 rendis præsens intererat, adscri-
 bebantur) inde trajecto Rheno
 Moguntiam, Spiram, Worma-
 tiam, Palatinatum & Rhenanas
 omnes Provincias quæ hinc Co-
 loniâ, illinc Argentorato (quæ
 ipsa urbs eum pro hospite dudum,

104 EPITOME RERUM

nondum pro domino expectabat) continentur, paucis exceptis locis in quibus Hispanica aut Bavarica præsidia inierant, sui juris facit. Alsatiæ Lotharingi miles incumbere solutissimæ ut nemo alius, disciplinæ, qui Cæsarianos in eo præcellebat, ut idem esset & furacissimus & fugacissimus. His hyems expeditionibus Regem intentum habuit, qui adultâ Francofurdiam reversus receptâ ad se uxore visus est successibus suis, quibus ad id temporis tam strenuè usus fuit, jam frui velle: sed quies militi necessaria ab eo ita usurpata est, ut in propinquo parta armis contineret, viribusque reficiendis operam daret, longinqua consiliis, astuque & ingenio moliretur, jamque non minus nonini studeret quam victoriæ, famâ emensurus quæ à re representandâ longius aberant.

Hinc

GE

Hinc mi
Helvetic
gationes
gi, in his
actumque
pugnand
que valid
exiliis ple
piduatis
tracta ibi
cedera,
inter lon
magis qu
citiam,
providen
corrupt
commun
pior sua
Cæsar co
contra pa
tiones fi
magis qu
occasione
runt, g

Hinc missæ ab eo ad Veneros, Helveticos, Anglos ac Batavos legationes, illæ ad dignitatem magi, in his & negotior. fides inerat, actumque de Coloniensi urbe expugnandâ quæ per se situ opibusque valida, & tum Catholicor. exiliis plena digna illiciendæ cupiditatis merces videbatur. Contracta ibidem arctiora cum Gallis fœdera, nam quæ antea pacta, inter longe distitos accenderant magis quam confirmarant amicitiam, nunc cum vicini essent, providendum, erat, ne eam jam corrumpere posset insociabile communis affectus vinculum propior sua cuique utilitas. Valde id Cæsar conquestus est, à Gallis contra pacificationis Italicæ sanctiones fieri, sed hi ad vincendum magis quam excusandum intenti occasionem fide potiore habuerunt, gnari victoriæ rationem

106 EPITOME RERUM

non reddi, & fallere nunc frustra-
 riq; prope sæculum vocari. Con-
 fœderatis Protestantibus suppe-
 ditatæ facultates (Germaniæ jam
 præda Germani ipsi emebantur)
 ut pro se quilibet proprium nomi-
 natum exercitum haberet, quæ
 res & Lunæburgicum retexit,
 ut expertam Cæsaris amicitiam
 fortunamque, quarum neutra ad
 eum diem illi improspira conti-
 gerat, novæ spei postponeret, &
 qui Danum pro vicino tolerare
 nequierat, Suecos pœne pro do-
 minis admitteret. Uni supererant
 Wittenbergici (nam Megepoli-
 tanos Duces ab exilio reduces so-
 lus victoriæ Lipsiensis terror in-
 avitas sedes restituerat) qui à
 Cæsario præsidio ex Italicis co-
 piis imposito liberandi essent sed
 ipsis quoque in tantum fortuna
 adfuit ut Leopoldo primum Cæ-
 saris fratri, post eo deprecatore in

SUIA

G E

aula Cæ-
 demto
 fides pe-
 dem se
 Suecica
 Ergo d
 suo per
 tum om
 tanquam
 ca servit
 gem ea d
 consistere
 buerunt,
 sed post
 di Prov
 flores ho
 neficii ne
 ria ulcisse
 Sueviæ R
 omnes er
 Catholici
 fortunæ
 variare i
 Suecor. t

aula Cæsaris persuaderent, si sibi
 demto præsidio mediarum partiū
 fides permitteretur, à Rege iti-
 dem se fidem habere ibi locorum
 Suecica arma nusquam visum iri.
 Ergo deducto milite ingenio
 suo permissi Religionem (qui
 tum omnium rerum color erat,
 tanquam credendi libertas Sueci-
 ca servitute tutius, quam in le-
 gem ea de re scriptarum obsequio
 consisteret) antiquiorem fide ha-
 buerunt, nec solum Sueci dedititij,
 sed postea in Austriacas Leopoldi
 Provincias Suecis ipsis inten-
 siores hostes fuerunt, accepti be-
 neficii necessitatem auctoris inju-
 ria ulcissentes. Ulmenses & cæteri
 Sueviæ Protestantes ibi fuere ubi
 omnes erant: nec mirum nam in
 Catholicis ipsis terror & adversæ
 fortunæ insolentia jam consilia
 variare incœperat. Trevirensis
 Suecor. timore, Hispanicæ tutelæ
 fasti-

fastidio ac suopte ingenio libertatis quam diu non ierviret haudquaquam patiente Gallicæ clientelæ se dedidit, Hermenstenio munitissimæ arcis Gallico imposto præsidio, & Bavarus ipse, quis crederet? addubitavit plusne sibi Gallisve crederet, mediarumque se pro tempore partium fieri passus est. Id autem erat nec sibi nec Gallis credere, sed necessarij vis consilij, nam cum à Tilli exercitu suas Cæsar legiones improviso avocasset, cuicumque quamvis infirmo hosti se obnoxij fore cernens, interea dum virium reficiendarum tempus haberet à Gallis ipsis exemplum an consilium mutuatus, ne caperetur captandum se præbuit, rebusque infecutis demonstravit eandem semper cum Cæsare & Catholicis sibi aleam subire destinatum, nec se unquam bonæ causæ fortunam

lon-

longinqui amici fiduciæ commis-
surum fuisse, cum Cæsarianos ea-
dem necessitas ad Walsteinium
ire compulerit, tunc aboliti Im-
perii memoriâ anxium amicum,
post apertum proditorem? Nec
tamen ille aliter haberi potuit,
quam permissâ rerum omnium
summâ, & quam vix ipse Cæsar
haberet potestate ut pares cum
Rep. quæ eadem in ejus arbitrio,
rationes haberet. Et sanè præteri-
torum temporum depravatio, cum
in re militari quæ haud dubiè
corruptissima, meliora omnes
laudarent, nemo tamen afferre
posset, artesque illæ quibus Sue-
cus ipse uteretur omnia militi
permittens, jam eo minus dam-
nari possent, nec mali remedium
ab alio, quam ab ipso mali aucto-
re sperandum foret, effecerat ut
Walsteinus unus summus bellator
haberetur, cujus opes explicato

110 EPITOME RERUM

Imperio comportatæ, cum alii suas aut præproperâ liberalitate effudissent, aut intempestivâ frugalitate tenacius cohiberent, ipse ultro erumpere gestirent, certumque esset Cæsarem cuivis duci potius res gerendas permissurum, quam ipsum se & Remp. in casum daturum. Ergo ad Walssteinii nomen tantum brevi militum Imperatori sub signis fuit, ut Suecus ferè disceret vincere se scivisse, victoria uti nescisse, qui non statim à Lipsiensi prælio in Bohemiam Austriamq; & in ipsum caput rerum victrices copias duxerit. Veris principio Tillius Horniû Bambergæ mœnibus cum clade expulsus non tamen longius persequi audet Regis timore, qui quasi fractis ea re induciis quæ nondum convenerant, irritatus, totis viribus moveri in Bavariam solo ultionis studio, cæterum rerum & Walssteinii ipsius, quem

GERMANICARUM. III

quem adhuc in ipso apparatu rerū
 opprimere vacuum erat, oblitus,
 & captā Donaverdā Danubii, inde
 Lyci amnis transitu potitus, Bava-
 rum nusquam jam quam in castris
 tutiorem intra Ingolstadii urbis
 mœnia redigit, ubi Tillius ex vul-
 nere dum Lyci trajectu hostem
 prohibere conatur, accepto mori-
 tur, vir summā armorum peritiā,
 fortunā quoque pari, nisi ad ex-
 tremum offendisset longa & raro
 perpetua felicitas. Succum ne
 cedenti Bavaro eodem cursu in-
 cumberet Augusta urbs Augusta-
 neque confessionis nomini suo
 asserendæ vindicta paulisper re-
 tinuit, quo ille titulo receptā urbe
 insignis, Ratisbonā, ubi idem illius
 desiderium (sed Bavarus duplicato
 præsidio rerum novandarum fa-
 cultatē abstulerat) frustra, Ingol-
 stadio pæne cum capitis pernicie
 tentato, cum fortè globus tormen-

to emissus ipsum cui infidebat equum prostravisset, totam quæcis Oenum Bavariam, licet in victoris arbitrium nullâ cunctatione se permitisset, insensus devastat, Monachio tamen, quam Bavari sedem Palatinus Regis asseda, ad quem nuper ex Hollandia rerum suarum recuperandarum spe advolarat, incendere moliebatur, vim eam abstinuit, seu urbis pulchritudinem, seu ipsa consanguineorum odia quamvis utilia sibi miseratus quatenus in invisum sanguinem non possent, innoxia tecta sævire. Prohibitum scelus quod jubere poterat, Regi in gloriam, Palatino in tanto majorem invidiam vertit, ut dignus esset cui restitutionis beneficium à Rege dilatum etiam negatum videretur. Hæc Sueco agent nunciatur ingentem recuperatâ à Saxone Bohemiâ & formidand exerci-

exercitus mole advenire Wal-
 steinium, & jam in superiore Pa-
 latinatu haud longe à Bavaro, &
 si cunctetur à se abesse: rapit pro-
 perè quæ ad manum erant copias,
 & sub Norimbergæ mœnibus ob-
 vio se sistit hosti, ibique ducendo
 bello castra communit, idem haud
 procul inde facit Walsteinius,
 uterque in id intentus, ne quo al-
 ter progredieretur, vicisse se ra-
 tus, si ne vinceretur providisset,
 ita major estatis pars extracta,
 latis illatisque cladibus anceps,
 donec Rex adventu novorum ex-
 ercituum quos è diversis locis Pa-
 nerius, Hassus & Vinmariensis
 adduxerat, jam ipse ingenii sui
 regendi haud compos dissentien-
 tibus reliquis omnibus ducibus,
 ad ipsa Cæsariana castra oppu-
 gnanda ducit. Temeritas clade
 non mediocri expiata, sed tamen
 rerum summa suo momento ste-

II4 EPITOME RERUM

tit, haud dubiè si perrupisset de-
bellatura. Succus fortunæ suæ
insensus, magis quæ sperata non
obtinuisset, quam quæ præter
spem obvenerant reputans, in
Franconiam, Walsteinus relicto
ad sua tutanda Bavaro, adjun-
ctoque ei Aldringerio in Saxo-
nem movet, cui post amissam Bo-
hemiam prosperiores interea res
in Silesiâ successerant Arnhemio
duce, à quo Cæsarius exercitus
cui Maradius, Schaumburgius &
Philippus Mansfeldius præerant
(id ipsum maximum erat rerum
impedimentum tot Ducum nu-
merus) multiplici clade affectus.
Voitlandiæ à Gallaffio, Misniæ
majore parte ab Holquio (hic
Stralsundam olim pro Dano de-
fenderat, quam Arnhemius pro
Cæsare oppugnabat, uterque bel-
lum secutus, non causam) subactæ
supervenient, Lipsiâ expugnata

ut

ut quidquid in totâ Germaniâ
 Cæsariarum copiarum erat, sibi
 affluefaceret paratu ejus facinoris,
 quo postea cecidit Papenheimium
 quoq; ad se evocat, legiones ejus,
 florem haud dubiè Cæsarii pedita-
 tus in se tralaturus. Hic in Saxo-
 niâ inferiori multis fortibus faci-
 noribus editis multiplici hosti
 Hasso, Lunæburgico, Baudisio æ-
 quo, iniquo loco, in acie, in agmine
 semper par, sepe superior, dum suo
 ductu rem gerit victor, sed ab Hi-
 spanis ad solvendam Trajecti ad
 Mosam urbis, quam extremo dis-
 crimine Hollandi urgebant obfi-
 dionem advocatus ab hostium ca-
 stris oppugnandis cum clade re-
 pulsus fuit, ab iis ipsis qui operam
 ejus postulaverant in propinquâ
 spe victoriæ desertus, quam gens
 perversissimâ gloriæ cupidine to-
 ti orbi sibi que ipsi gravis ab ami-
 co petere quam accipere, ac pe-

16 EPITOME RERUM

nes hostem videre maluit. Succus Saxoni totâ belli mole oppresso subvenire maturans Waltheinium prope Luzenium Lipsiæ suburbana urbem aciem ausum, quamvis jam hinc Gallasium in Silesiam, hinc Papenheimium in Westphaliam remisisset (sed hic in tempore reversus prælio occurrit) stultitiam eam non temeritatem existimans mutato consilio quo antea omnino summo discrimine abstinere constituerat, invadit. Ibi cruentissimo prælio decernitur, Rege ipso & Papenheimio in acie cæsis: nox diremit pugnantes, sed Waltheinius desertis tormentis nec pro victo, nec pro victore in Bohemiâ se recipiens rem Suedicam superiorem reliquit. Serviret haud dubiè Germania qui omnium civilium certaminum exitus; & proximæ forte Provinciæ, si Rex victoriæ suæ supervixisset, nunc

ean-

G
eand
sibi v
voca
minu
sui
prop
nequ
præla
pro in
re aff
extre
retur.
est m
forma
fratri
tum,

Foe
cie
ge q
inter
unt, &
fecisse

eandem occasionem auxilii specie
 sibi vincendi aliis, qui in partes
 vocati universis imminet, non
 minus affectatam, & nisi odium
 sui Germani maturæ deponant,
 propius ab ipso effectu¹ remotam
 reliquit. Hunc exitum ipse sibi
 prælagisse dicitur, cum sui cum
 pro immortalis colerent, brevi fo-
 re asseverans, ut mortalitatis suæ
 extremo experimento admone-
 retur. Regem Palatinus secutus
 est morte in gloriâ, & ad eandem
 formam vita fuit. Leopoldi Cæs.
 fratris funus eodem anno specta-
 tum, egregiâ sobole superstite.

An. M. DC. XXXIII.

FOeda rerum in Germaniâ fa-
 cies. Protestantes amisso Re-
 ge quamvis specimen partium
 interiisse visum, Hailbronnæ coë-
 unt, & quod vivo Rege nunquam
 fecissent, in mortui gratiam quem

K 5

pro

pro libertate suâ occubuisse credebant, Cæsari sacramentum renunciant, dissentiente Saxone & aliis Protestantium qui Suecos mallent amicos habere quàm dominos, sed major jam penes Oxensternium nuper alterum à Rege, nunc solum rerum Suedicarum arbitrum auctoritas erat, compositaque ejus præscripto novi sub omnium Imperii ordinum nomine forma senatus ipso præside; numerum explevit quanto quisque servitio promptior, & fidei crimine, quod inter desciscentes maximum, minus laboraret, & sedes Francofordiæ delecta, nulla de pace mentione, quæ partibus invicem cum utriusque fortunæ documento abunde expertis tunc maximè tempestiva videri poterat, sed illi ut antea Catholici, vicisse se & omnia habituros arbitrabantur, non pessimâ solum & immo-

dica

dica dominandi, sed etiam servi-
endi libidine, idq; primū in liber-
tate suā extremum vidit Germa-
nia, ut qui legibus sibi que ipsis
parere nollent, mortui Regis sa-
telliti obedirent. Aldringherius
promotis in Sueviam Bavaricis
copiis Memmingam deditione
recipit, Campidunensis majore
animo quam robore vi expecta-
tā contumaciam partium poenē
ultimo excidio infamarunt, &
Hornius subactā victor Alsatiā &
Danubium obuius cum clade in
Wirtembergiam rejicitur, jamq;
haud improsperam & congruen-
tem de se Aldringherius famam
præbebat, inter paucos Cæs. du-
cis eum sobrium (& natura vino
abstinebat) ad res gerendas ac-
cessisse, sed ad revisendam uxorem
cujus desiderium non æque ferre
poterat, longius profectus, negle-
cta omnia apud suos & hosti oc-
casio-

cationem reliquit paris referendæ
 cladis. In Alsatiâ legiones quibus
 Montecuculus Brisacci præfectus
 præerat occidione cælæ, & Dux
 ipse exercitum temeritate amif-
 sum morte suâ secutus est, Lotha-
 ringum res perditas restituere co-
 nantem à tergo Gallus adoritur,
 & totâ ditionis suæ Provinciâ
 exigit tam properè, ut ille pæne
 exul prius quam hostis Gallo sua
 profugus, Cæsari bellum relin-
 queret. Par & in Westphaliæ fi-
 nibus accepta calamitas, ubi Pa-
 penhemici exercitus reliquiæ (ro-
 bur apud Walsteinium erat) Me-
 rodio, Gronsfoldio & Beninghu-
 sio ductoribus Hameliæ muni-
 tissimo ad Visurgim præsidio
 quod Lunenburgici obsidebant,
 opitulaturæ funestissimâ clade
 delentur, Merodio in acie cæso,
 in quem culpam quam diluere
 non posset, conjicere cæteris qui
 effuge-

effugerant pronum fuit, ut illis
 ipsis res, quas deseruerant, denuo
 committerentur tanquam nihil in
 fuga flagitii, maiorisque animi
 fuerit non desperasse, quam sa-
 tisfecisse fortunæ partium suâ cul-
 pâ perditæ. Animadversum est
 omnium prope Cæsaris cladium
 primum caput fuisse capitum Du-
 cumque multitudinem; res accu-
 sata & damnata semper, nunquam
 emendata, ut nescio quo fato sem-
 per ducibus magis quam bello
 prospectum foret, eoque ubi jam
 antea multi nimique erant, etiam
 plures submitterentur. At Walstei-
 nius severior militarium culparum
 vindex videri voluit à multis non
 obscuri nominis ductoribus qui in
 Luzensi prælio officio suo lapsi
 fuissent, extremo exacto suppli-
 cio magis usurpandi juris causâ,
 quam quod illorum tantum ea
 culpa fuerit, an ut cæde insignium

virorum cui Cæsar ipse ne deprecando quidem intercedere ausus magnitudinem suam quasi regio facinore ostentaret, quæ interpretatio rebus insecutis obtinuit, & illi pro innocentibus periisse visi. Hæc in hybernis ab eo acta, quæ in ipsam ætatem produxit militi conciliando, cui longiorem nec inopem requiem dandam ferebat initio statim hybernorum in eam sententiã Cæsari scribere ausus nisi iusta militi indulgeantur se non utrum velit jam Cæsari ducẽ, sed seditiosorum caput fore, incertum excusandæ an minitandæ necessitati. Post quam præcipiti jam ætate in expeditionem in Silesiam itum, fama tenuit Saxonicas copias ipso advenientis exercitus impetu obteri potuisse, sed ne quid gereretur pax obtentui fuit, de quâ Arnhemio interprete hoste tunc, sed olim fidissimo ejus
asse-

assecla, trium mensium spatio nec quidquam actum, mirantibus omnibus & conquerentibus, cur dies rerum inutili negotiatione absumerentur: in aula Cæsaris id magis pro magni arcani secreto habitum, cujus sancta quedā ignorantia tutior esset, quam plura sciendi cura, eaq; in hominis fide fiducia inerat, ut proditiōē quoque non nisi Cæsaris beneficio moliturum crederent: hinc illi omnia ad facinus facilia, cum minus metuendum ei foret si deprehenderetur, quam si auderet, & pæne peractū scelus etiam laudaretur. At non in Hispanis tamen tanta torpeditio fuit, quin suspectarent rem, quæ qualis esset, in sola proditoris fide confisteret. itaque ut in omnes eventus subsidium pararetur, Cæsari auctores fuere evocandi ex Italia Ducis Feriæ Mediolani Præsidis, qui firmū magis quam copiosum

exercitum sub signis eduxit Brissacco subventurus, quod unicum Alsatiae claustrum & praesidium omnibus circa hostilibus extremae obsidionis discrimine Suedici premebant. Sentit Walsteinius artes, & jam supra obsequii necessitatem positus non dissimulavit sese intelligere, questusque id contra pacta fieri quibus ei promissum, nemini crediturum Caesarem nisi sibi, coegit eum illud tanquam apud aequalem excusare. Verum Hispanis & detexisse & irritasse hominem par ratio fuit, tantoque magis Dux Ferae appropere iussus, & res ipsa maturare cogebat quia Hornius Rheno trajecto in Helvetiorum fines novo ausu transgressus, qui id nemini externo unquam impune futurum jactabant, (sed & apud illos discors Religio aliud credere credique jubebat, & quanquam neutrarum par-

partium speciem præ se ferebant, more gentico diversa induerant, cum per occulta & fida magis alii istam, alii alteram partem foverent) Constantiam urbem opportunam magis muniendo quam munitam, & tunc inde unde paulo ante publica ab Helvetiis fides data erat hostem nullum adven-
 turum, nihil metuentem improvisa vi invaserat, multis Helveti-
 corum tam cupide adjuvantibus, ut rei ipsius auctores crederentur, sed illi nil publico consilio (non perinde publico permissu) actum excusarunt. Advenienti Feriæ se junxit Aldringherius Cæsaris jussu, permissu Walsteinii, quod ille tum magis spectare cogebarur, nil re-
 rum gesturus nisi quod ille imper-
 rasset, id autem ipsum imperaret ne quid gereret, mortem inter-
 minatus, ni pareret. Itaque quan-
 quam Hornium Constantiæ obsi-

dioni pertinaciter inharentem & post in ipsâ Alsatia prope Sulzium æquo loco duplicato majorem hostium numerum provocare ausum opprimere sine discrimine potuisset, maluit ille fortunæ gloriæ, victoriæque ac Cæsari ipsi quam Wallsteinio deesse, exhorrescens Manliana viri imperia, & nolens capite suo periclitari, plussine illi ad exequendum quam Cæsari ad impediendum scelus animi esset, nec Dux Fera, nil per se virium penuria audens, à socio impetrare potuit, ut Constantia Brissaccoq; discrimini exemptis idem opis ferretur Philippiburgo, quæ validissima Spirensis Diocæseos arx longa obsidione exhausta pæne inspectantibus illis à quibus subsidium frustra speraverat, deditionem fecit. At paulo post etiam atrocior nuncius perculit Bernardum Vinmariensem, qui

Hor-

Hornio antea junctus, sed eam militiam in qua hostis non esset aspernatus (nam quid Aldringherio liceret facile illi aut scitu aut intellectu fuit) iterum se separaverat, acto raptim in Bavariam milite, vacuum agmine Ratisbona oppido potitum esse, ubi praesidii magis instar quā praesidium erat, quod Bavarus ipse & illic & alibi Bavariae exonerandae imminuit, nec hostem quem procul à duobus validis exercitibus distentum iri credebat, nec cives ipsos metuens pronos licet ad res novandas, sed sine externo auxilio nil ausuros, majore fortassis sumtum & ærarii quam belli hostisq; cura, ergo omni opinione citius ille intempestive frugalitati superveniens in cervicibus, & mox in visceribus etiā fuisset, nisi Verdanus paulo ante gregarius miles, & tunc eximius equitum turmis in-

128 E P I T O M E R E R U M

signium facinorum merito, quibus ad iusti ducis nomen paulatim inclaruit, præpositus victoria exultantem sed multiplici clade castigatum intra Isaræ fluvii ripas coercuisset. Walsteinus interea & ipse in Silesiâ edidit seu veri & legitimi, seu assumulari & cum hoste ipso compositi decoris exemplum validis ad Stenavium Oderæ fluvii vicum hostium castris in quibus iusti exercitus Mathia Turriano Bohemicæ olim rebellionis capite & Tubaldio ductoribus confederant, unâ eâque incruentâ expeditione captis, nam Saxonicæ copiarum rebus domesticis, quas Holquius Misniam ingressus Lipsia expugnatâ, ubi post peste correptus obiit incertum si supervixisset Casari an Walsteinio magis fidus, latè agendo ferendoque depopulabatur, avocata abscefferant, atque ita Silesia
 omnis

omnis & Brandenburgici agri
 pars circumductis hostium duci-
 bus in deditionem venit, qui mox
 à navatà eà operà dubium per fi-
 dem an perfidiam (ita re semel
 suspectà seu bene seu male facta
 premunt) dimissi: inde ralata in
 Bohemiam hybernia, nec Cæsaris
 iussa periclitantibus circa Ratis-
 bonam rebus subvenire imperan-
 tis ultra valere, quam ut aliquot
 equitum alas eo mitteret, & Pas-
 savio locisque proximis imposito
 præsidio Austriam Bohemiamque
 in potestate haberet. Extremo
 anni obiere Isabella Longæva Bel-
 gii Gubernatrix, & Dux Feriæ,
 illa annis, hic rædio rerum speique
 frustra magnis animis cœptæ æ-
 gritudine extinctus, & Batavi
 Bergas ad Rhenum Hispanis eri-
 piunt duce uno idoneo destitutis,
 cum ibi quoque plures pari im-
 perio imperarent, sed imperata ut
 sit, nemo exequeretur.

An. M. DC. XXXIV.

Hornius Aldringerio & Hispanicis copiis, quæ in ipsa expeditione locis commeatu vacuis de industriâ circumductæ majus detrimentum quod nullo, quam si adverso prælio decertassent, acceperunt, in Bavariam redactis suo arbitratu in Sueviâ hyberna metatur, & veris principio Bibracum ac Memingam urbes recuperat, validam istam, sed ubi nullius præter milites, illam contra nullâ remunitam, sed veterani inerant, ita amministrante Ossa Commissario (de cujus sincerâ in Cæs. fide nemo non excepto solo Cæsare dubitabat) cui noxias per se Commissarii artes etiam ad arma tractanda, ubi majori præmio peccatur, extendere licuit. Eod. cursu Campeduno recepto Uberlingam ad lacum Bodanicum constantiorem

tiorem urbem quam fortio-
 rem cui aperto lacu libera subsidiorum
 facultas (sed non semper in tem-
 pore aderant) acerrimis oppugna-
 tionibus nec quidquam adortus
 Buchornio debili ibidem oppido
 præsidio imposito quod Cæsaria-
 ni neglexerant, oram illam totam
 diu Suedicis, armis infestam ha-
 buit. Inter hæc Walsteinius jam
 summæ potestatis quâ supra ipsum
 Cæsarem elatus erat, rei que
 ipsius nisi etiam nomen haberet
 pertæsus, certusque flagitii ad
 quod facillime ab ejusmodi vota
 transitur, patrati que potius quam
 suspecti, cujus par pœna, facinoris
 reus esse maturans omnes primo-
 rum ordinum duces in novi for-
 mam sacramenti adigit non per-
 missuros ei à Cæsare imperium
 abrogari. Apparebat plerisque
 quantum è Rep. peteretur, sed
 sævitiam hominis, quâ ille etiam
 aliâs

aliàs pro virtute utebatur, tunc ad peragendum scelus sola virtus erat, veriti subscripsere, eandem illi fidem servaturi, quam ipse Cæsari; fuere tamen nō pauci qui bonā fide perfidiam amplecterentur jam ab eo antea aut immensis largitionibus, aut earum rerum, quæ salvâ Rep. præstari non possent, promissis emti. Audita hæc in aulâ Cæsaris aut omnino non, aut in majus quam quæ reinedium admitterent credita nullum dabant consultandi medium quid agendum quidve omittendum esset, donec Aldringherius magis tandem Cæsari quam Walsleinio fidere ausus certiora attulit, conjurasse eum haud dubie, idq; cum illo facinus audire paucos, nutare plures, si cessaretur, passuros omnes: facildè ex eâ relatione explicatu consilium fuit, edictumque in legiones ne quis Walsleinio

nio perduellionis manifesto dicto
 fit audiens. Egghenbergius Cæ-
 saris ad id tempus unus summa-
 rum rerum rector potius quam
 consiliarius, tunc uti præcipuus
 semper Walsteinii suffragator à
 consilio exclusus, intellexit versum
 esse aulæ ingenium, itaque quod
 facillimè jam impetraturus esset,
 secessum in Stiriam, ubi ingentes
 eum Principis liberalitate con-
 cessæ possessiones exspectabant,
 petere præoccupavit brevi mo-
 mento tam prope ab exule quam
 antea à principe abfuturus, fato
 potentiæ raræ sempiternæ in ejus
 locum Trautmansdorfius aulæ &
 interioris amicitiae nomine poti-
 tus, rerum militarium regimen
 Schlikius accepit par negotiis,
 neque supra, quod unum Wal-
 steinium fato suo impegit. Dum
 Imperator consiliis terensido tem-
 pus magis imitatur principem

M quam

quam repræsentat, fortuna ejus proprio motu proditorem confecit, nam eo jam nomine suo monstratus Walsteinius desertusque ab eis quibus aliqua honesti cura, Pilsenâ quæ conjurationis sedes erat, Egram pertendens solos eorundem ad extremum consiliorum comites habuit Terschium, Kinschium, & Iloum, sed eadem adventus sui nocte a præfidiariis loci Scotis genere, Leslæo auctore, cum fociis occisus tantarum rerum omnem in partem quomodocunq; supervixisset ancipitem motum brevi exitu composuit, nemoque eo extincto aut conscientiam facinoris ultra executus aut ultus est, sola ut fortuna familiam Austriacam, quæ à lapsu tum prope absuit in fastigio suo conservarit, non adeo quod in tempore detecta, quam quod properè in capite ipso vindicata conjuratio spatium non dedit

dit clementiæ Cæsaris, quæ æque
 noxia, ubi nulla & ubi nimia, vel
 cum miserantis periculo cōiuncta
 est, in Cæsare tanta erat, ut si
 eum Imperatorem esse cæteri
 non meminissent, ipse obliturus
 crederetur: nam non defuere qui
 etiam mortuum Walsteinium
 proditoris crimine absolverint,
 eosq; qui primi eum deseruerant
 accusarent tanquam pari prauitate
 eundem quem antea corruperant
 foverantque, infamarint ac pro-
 diderint, & sublato Walsteinio
 Walsteiniani tamen animi super-
 fuerint. sed res quæ successerunt
 documenta dederunt bene fortu-
 nam Walsteinii morte usam, nec
 defuit Cæsari filius ipse Ferdi-
 nandus Ungariæ Rex principem
 locum implere, qui exercituum
 curâ in se susceptâ, quod omnium
 diu votum erat, & iunctis castris
 cum Bavaro, cujus simultatibus

per Walsteinii latus ad ipsum Cæsare pervenientibus ejusdem morte egregiè parentatum, Ratisbonam longâ oppugnatione multisque cruentis oppugnationibus fractam recuperat, non iis tamen conditionibus quas victor ipse, vicinusque magis Bavarus memor cladium inde illaturum sibi veller, sed recoëptâ quocunque pacto defungi cogebat hinc Vinmariensis magno exercitu virium destinendarum causâ Bavarix insidens, & Landshuto, ubi Aldringherius incertum hostili an proprii militis manu (nec enim deerant qui Walsteinii meminissent) occiderat, vi capto ferox, illinc trepidi nuntii significantes Saxones pleraque Silesiâ subacta in Bohemiam transgressos jam ipsis Pragæ mœnibus insistere. Non negligenda erant Regi præ alienis domestica, jamque cum delectâ copiarum parte

eò properabat invito Bavaro, qui
 uni bello incumbendum, nec ad
 omnem hostium motum summam
 rerum circumagendam censebat
 (sed sua cuique cariora) cum læ-
 tiora nunciantur Lamboium u-
 num ex Cæsariis ducibus quan-
 quam Maradius & Colloredius
 reliqui duo jam animis ad fugam,
 ipsi recessum vocabant, inclina-
 rent, capto ad resistendum loco
 idoneo irruentes temere Saxones
 magno primum damno repulsos,
 post ipso tenore victoriæ, cujus
 continuatio ad res finiendas effi-
 cacissima est, insecutum totâ pe-
 pulisse Bohemiâ. Ergo regi re-
 gredi & se Ferdinando Cardinali
 Hispaniarum Regis fratri, qui
 Belgio regendo destinatus insi-
 guem exercitum & veteranorum
 Hispanorum robur omnibus Ita-
 liæ præfidiis evocatorum adduce-
 bat in Baviaræ finibus jungere va-

138 EPITOME RERUM

cum fuit. Eo & Lotharingo ex-
 ule, quem copiis suis Bavarus se-
 ipsum jam militiæ desuetum ex-
 cusans præfecerat, comitibus Do-
 naverdâ & totâ Danubii orâ Vlmâ
 tenus recuperatâ in Noricum fle-
 xit, & Nordlingam validam urbē
 valido munitam præsidio obsedit.
 Hic Vinmariensis, Hornius, Crat-
 zius Cæſarius artē Dux & Ingel-
 stadio præfectus (quod prodere
 voluisse insimulatus, dubiam per-
 fidiam & anteactorum merito
 vix creditam manifesto transfugio
 patefecit) & Wirtenbergici de-
 lectus, segnis numerus ille quidem
 & armis oneratus verius quam
 instructus, unde tamen quatuor
 exercituum instar effectū est, col-
 latis cum Rege signis memorabili
 pugnâ vincuntur, Hornio ipso &
 Crazio, qui post pœnas pro per-
 fugâ capite luit, in acie capris, Vin-
 mariensi faucio cum paucis equi-
 tibus

tibus profugiente, cujus temerariæ ferociæ ejus diei calamitatem cæteri adscripsere, qui à summo certamine abstinere, præsertim jam idoneâ obseffis ad vim longius sustentandâ manu submissâ & commeatibus potius interclusis quod factu facillimum erat, Cæsarianos ad abeundum adigere suadebant. Par sine dubio Lipsiensi cladi reddita clades, sed non tam præsens aut tam proprium quam illic victoriæ præmium fuit, quia Cæsarius miles diutinis laboribus exhaustus tempestivius eâ & intemperantius forte quam par erat frui maluit, opulentissimâ Wirtembergiæ & proximis Cisirhenanis Francoviæque regionibus quæ longis usibus sufficere poterant intra breve tempus fulminis in modum ad ultimam inopiam evastatis. Hispani cum nullus jam æquo loco hostis se sisteret, nam

Verdanus equestres Ringravii alas, robur sine controversiâ Suedici equitatus, quæ à Vinmariensi pugnæ pariter capeffendæ quantum prope aberant haud expectata fuere non inter postremos ejus calamitatis lapsus, ad Rhenum affecutus fœdâ conciderat strage duce ipso occiso, mediam emensi Germaniam in Belgium perdenderunt, & Rex viennam rediit summa Imperii militaris Gallassio permiffâ, hybernis militi jam antea distributis, quæ Bavari properantius occupantes causam dedisse visi sunt & reliquis qui periculorum æquales præmiorum ultimi esse volebant, ut prosperarum rerum cursum eo citius illi quoque ad usurpandam quietem flecterent. Abitu Regis solutâ castrorum disciplinâ Galli trajecto ad Philippoburgum, quod immensâ auri vi à Suecis redemptum

tum possidebant, Rheno Haidelbergæ per arcem quam Sueci tenebant admissi, multiplices qui in urbe erant cum robustis copiis Cæsarios duces nec opinato oppressos ignominioso agmine quasi sub iugo deditos emisérunt, poterantque eos inultos delere, sed nondum aperti Cæsaris hostes videri volebant.

AN. M. DC. XXXV.

POST Norlingensem victoriam res Catholicorum ubique respirare, nec solum æquare fortunam Protestantium, sed superare videbantur. Iam primum fœderis Catholici auspiciis hujusmodi exercitus cui Philippus Mansfeldius præfectus, sub signis erat, quo jam ad superiores Tillianorum temporum successus si Dux idem fuisset, haud temere aspirare poterant, Franconiæ deinde major

M 5. pars

142 EPITOME RERUM

pars Herbipolensi arce recuperata ab hostibus purgata. Philippoburgum alteram inexpugnabilem arcem idem qui eam Cæsaris nomine pro præfecto obtinuerat Bambergius aditu occulto sibi que soli cognito & ut compererat, incustodito nocte ingressus incredibili felicitate intercipit, imensis præter urbem in quam ut destinata Germanici belli sedem eas Galli deposuerant, opibus potitus, quæ nomine direptæ prædæ militum, re in Ducum præfectorumque sinu fuere: nec ferè quidquam jam cis Rhenum erat, quod nõ Cæsariis armis teneretur, & Spira ipsa transmissio flumine in deditionem venerat, sed hanc mox Vinmariensis ex conglobatis victarum partium reliquiis & Gallicis auxiliis iniusti exercitus nomen refectis viribus per paciscendi simulationem interfecto aut in vincula

cula dato præsidio recipit. Augusta longâ & longinqua circumfidi-
 one, quæ Sueviam circumjectâ ea-
 dem quam hosti obsessores fece-
 rant, inopia desolatam perdidit,
 interclusis com meatibus ad extre-
 ma malorum redacta vix tamen
 à Suedicis præfidiariis, quibus in-
 termortuæ urbi ultima pertina-
 cia immori decretum erat, faci-
 endæ deditiois facultatem im-
 petrat. Jamque Lotharingius su-
 perato & ipse Rheno in Provin-
 ciæ suæ fines transgressus ma-
 gnum illic & in Galliis ipsis ad-
 ventu suo rerum motum factu-
 rus credebatur, ingenti ubique
 Cæsarianorum fiducia, sed fortu-
 na contra fuit non tam hostium
 virtute, quam victorū viriis. Mans-
 feldius circa Francofordiam in
 speciem obsidionis tota hyeme
 otiosæ adficens ita res administra-
 vit, ut licet vir esset qui bellica-
 rum

rum rerum consilia atq; una actiones suas magnificis orationibus nobilitate soleret, maximæ spei exercitum tanquam hoc ipsum in mandatis haberet, inopiâ majori quam ab eo hostis patiebatur, & omnium rerum corruptelâ ac negligentia confectum aut diffluentem ad vix digni nominis numerum redigeret, quod tamen ei per aulicam in Regiâ Cæsaris gratiam impune aut assensus consilii fuit non pati novis auctibus revirescere grave Principi subditorum Ordinum fœdus, Galli plerisque munitioribus Alsariæ locis à Suecis auro redemptis insidentes (eo evaserat illa deprædicata libertatis Germanicæ tutela, ut non solum serviret, sed etiam venundaretur) Lotharingum ita exceperunt, ut vana arma circumferentem multis millibus ferro fameque amissis nullo momento Pro-

G
Pro
tent
inha
copi
Rob
vetic
gen
tern
dina
docu
teri
con
nibu
riur
in
His
cific
riâ
host
iter
nov
ri.
nor
qua

Provinciarum suarum aditibus
tentandis irritum ingloriumque
inhærescere paterentur, ipsi lectas
copias in ore ejus prætervectas
Rohanensi duce per medios Hel-
vetiorum fines (tantum vetera ejus
gentis mutaverant, ut armatus ex-
ternus exercitus justo agmine or-
dinatus in sinu ejus conspiceretur;
documento itaque cuicunque al-
teri idem ausuro futurus, quantum
compertis eorum inter se factio-
nibus fidenter insultanti, si expe-
riundæ modo rei libido sit, liceat)
in Vallemtellinam emitterent,
Hispanos, quibuscum exolerâ pa-
cificationis Ratisbonensis memo-
riâ, brevi inter nationes naturâ
hostes fidei vinculo, in apertas
iterum inimicitias descenderant,
novis in Italiâ motibus infestatu-
ri. Jam miles Cæsaris Walsteinia-
norum temporum assuetudine,
quæ nisi justis stipendiis ad diem

N

repræ-

repræsentandis ut corrigatur sperare vanum est, hostibus amicisq; juxta gravis tanta immodestia ubique grassabatur & stativorum nomine in Provinciales sæviebat, ut invisa antea Suedicorum licentia desideraretur: accessit ad ea arctissimus annonæ frugūq; proventus, cum prius sata collectave militari petulantia corrupta aut dissipata jacerent, nec agri inculti nova sufficerent, unde dira & quanta nullis temporum monumentis nota fames, & ex fame pestis excepit, quæ duæ calamitates ea strage desævierunt, ut vix tertia hominum parte superstite nec melioribus postea temporibus insecutis Germania in Germania quærenda sit nullo quondam florentissimarum rerum vestigio, nisi quantum urbes vicique situ squallidi, solitudine horrentes omnia cultorum desiderio vasta ac deser-

deserta, quid ei vilis furor possit, ruinis suis contestantur. Unicum afflictis rebus remedium à pace sperabatur, quæ frequentibus legationibus ac congressibus Pirnæ alibique locorum inter Cæsarem ac Saxonem disceptata iis tandem conditionibus Pragæ convenit, quæ privatim Saxoni quam universo partium nomini utiliores æstimatæ nec internas discordias personarunt, nec externis, qui jam non ii erant ut leges ab aliis accipere, sed ipsi ferre vellet, satisfecerunt probè intelligentibus, neque enim res tam occultè jactata quin appareret pacata Germania arma in se versum iri: Ergo dulce pacis nomen, sed casso effectu in atrocius bellum evasit, cujus ipsius cura, quasi certâ pace & minus intenta, & disciplina etiâ fluxior fuit; quamquam omnes in Germania Protestantes

148 EPITOME RERUM

paucis inde aut nominatim, aut pro parte, aut suâ sponte exceptis (inter quos præcipuus fuit Wilhelmus Hassiæ Landgravius) pacem verbis acceptassent, Suecique idem pro tempore se facturos simularent, verum offensi postea Saxonis ut ferebant, secum tanquam cum victis non sociis agentis acerbitate, & post prorogatas cum Polono inducias novis è Sueciâ subsidiis confirmati quæstuosæ in privatum pacis convicium Saxoni & latæ è se opis oblivionem crudelissimo bello regesserunt: offerebatur & Vinmariensi gratuitus ad sua reditus, sed spes vana cum qui pacem belli amore exuerat, bellum pacis caritate depositurum; is ergo aperte Galli sacramentum accepit, & cum Cæsariani Spirâ, Vormatiâ aliisque ejus tractus urbibus in fidem receptis Moguntiam obsiderent, sociatis

ciatis cum Valletano Gallico duce castris adventus sui terrore eos in fugam conjicit : sed mox illi novis aucti viribus, adductis à Ferdinando Ungariæ Rege in expeditionem reverso, quam ita administravit ut raro in ipsis castris, nec procul tamen inde remotus Majestatem Imperii acrius ut videbatur absens intentaret, an quod inter militem inopem eum qui munificentiae summus esset, pecunia vacuum versari haud decorum credebatur, in Gallos infensus revecti in Mediomatricum usque agrum cedentes insecuti sunt, ubi cum summa rerum hæsit, nullo ullam in partem facto momento, nisi quod Cæsarianis ab hoste otiosis vacuum fuit Frankenthalium, Moguntiam, & cæteras circa Rhenum urbes hostilibus præfidiis liberare, sed quæ in Galliis hyberna animis destinave-

rant (quorum major eis cura quam
 ipsius victoriæ) in devastatis Asia-
 tiæ, Sueviæ, ac proximis regioni-
 bus figere coacti infauftam pacis
 securitatem & non minus gravia
 quam ab ipso hoste belli mala
 amicis fociisque retulerunt. Gal-
 lis hic triumphatis magis quam
 victis consimilis fortuna alibi quo-
 que locorum fuit. Nam in Italia
 Valentellinam bis cruenta clade
 repulsis Cæsarianis, quos à sum-
 mis Alpibus ingruentes compo-
 sito Hispani consilio à diversa
 Larii lacus ora eodem tempore
 adoriundi hostis frustra in id in-
 tentos destituerant, egregia fama
 tutati sunt, quam iterum Valen-
 tiam Hispanicum ad Padum op-
 pidum magnâ vi nec quidquam
 oppugnantes ignominioso infectæ
 rei exitu sædarunt, licet confœde-
 rati eos duo strenuè adjuvarent:
 hinc Sabaudia Dux, qui sine ulla

necessitate vendito .eis Pinerolo
 paterna ambigua, quibus ille solis
 Sabaudia Ducum dignitatem nul-
 lius nec amici nec hostis nisi suo
 arbitrio indigam stare censebat,
 perpetuo Gallicarum partium
 iugo illigavit; illinc Parmentis,
 quem in Hispanos nulla res alia
 armavit, quam earum miseria-
 rum quas vicinum suum Man-
 tuanum coactum pertulisse vide-
 rat, sponte experiendarum libi-
 do. Motum quoque in Belgio
 bellum profligatis prope Namur-
 cum Hispanicis copiis quas Tho-
 mas Sabaudi frater ducebat, fe-
 liciter auspicati, mox in indi-
 gnas populationes, quibus Bra-
 bantiam crudelissimè vexarunt
 delapsi Gallici magis tumultus
 trepidationem quam legitimi
 belli terrorem iis gentibus, Ba-
 tavis contrà qui icto cum eis fæ-
 dere florentissimas copias con-

N +
 iunxe.

152 EPITOME RERUM

junxerant (par Gallici exercitus
 robur fuit, vix ut memoria extet
 quandiu ibi Hispani rerum po-
 tiuntur numerosiores uno tempo-
 re hostium exercitus in eas Pro-
 vincias invasisse) tempestivam pœ-
 nitentiam injecerunt, quod non
 suis separatim consiliis auspiciis-
 que, quorum eos nunquam an-
 tea temere pœnituisset, hujus quo-
 que anni expeditionem decrevis-
 sent. nam brevi post ex tantâ spe-
 res eorum adeo mutarunt, ut
 Schenkiano munitissimo præsi-
 dio, claustro haud dubiæ Bataviæ,
 quâ se primis divortiis Rhenus in
 Vahalin Isalamque dividit, ino-
 pinata Hispanorum irruptione
 capto, infestum in intimo Provin-
 ciarum suarum corpore hostem
 haberent, insigni documento tam
 gravi expeditionum mole cœpta
 bella, non æque eventui respon-
 dere, quam quæ ita habili appa-

ratu geruntur, ut regi, & suis momentis administrari possint.

An. M. DC. XXXVI.

INfestissima reddit odia prioris amicitiae recordatio, quae ut in externis nunquam sincera existit, inter concordēs non longae vinculum caritatis, inter infensos major irarum incitamentum est, id Saxo à Bannerio Suecorum ductore perpeſſus, qui Saxoniam ad tempus decedens, sed amissis ad Havelam fluvium robustis legionibus, jam ex desperatione quoque ipsa, quippe cui nihil in Germaniam habenti nihil perire posset, accensis infensus odiis se in Saxonis militem Domizium obsidentem circumegit, & inde cum clade repulsum ad Kirizium è vestigio denuo affecutus fædiore strage dissipat, & Salâ fluvio superato, mediae illatus Saxoniae armis

N 5 armo-

armorumque terrore ingentes
 undique pecunias, quæ ei prima
 ad perpetuandum bellum diligen-
 tiam fuit, extorquet omnia ferro
 flammâq; permixturus nisi arctis
 Saxoni rebus Hazfeldius Cæsaris
 jussu subvenisset, qui Bannerium
 ad Servestam optimâ equitatus
 parte mulctatum in Magdenbur-
 gicū agrum rejicit: urbs ipsa, nam
 ædificiis incensis muri veterum-
 que munitionum opera extabant,
 cæsis iterum ad Tangermundam
 Bannerianis, qui subsidio adventa-
 bant, deditionem pacta, eundem-
 que casum secuta est Werbena
 munita ad Albim Havelamque
 confluentes arx & major Bran-
 denburgici agri pars. Ad Wirsto-
 chium fortuna iterum variavit,
 ubi Bannerius Cæsarianos Saxo-
 nesque justo prælio ideo quia se
 fugere putabant fugatos vincit,
 fama; tenuit inter Saxones fuisse
 non

non paucos qui armis Cæsariis,
 animis Suedicis pugnarent, &
 duplicis per se generis auspicii;
 exercitus ut uni duci ad regendum
 nimius rursus si duo imperent ad
 commune periculum capeffendum
 minus concors, dum carptim pu-
 gnat & suum quisque momen-
 tum sequitur, distractis viribus in-
 firmior fit una uni hosti ad resistē-
 dum. Bannerius recuperatis post
 victoriam quæ amiserat Magde-
 burgo excepto, Turingiam Mis-
 niamque turbinis in morem per-
 currens Erfordiam oppidum, un-
 de in ipsam Franconiam emissæ
 ab eo prædatoriæ manus, inde fle-
 xo itinere Torgam ad Albim ex-
 pugnat, eoque fine anni hujus ex-
 peditionem sistens id solum stu-
 duit ut vi, minis, populando, uren-
 doq; quam maximam pecuniæ vim
 colligeret, ut militis è Suetiâ
 submittendi certus ita nullius
 niti

156 E P I T O M E R E R U M

nisi quod ipse sibi pararet stipendii securus. Pari exemplo Landgravius deponendorum armorum quæ magis in tempore proferret, simulatione jus à Cæsare consecutus hybernorum in quibus ipsi commodum Provinciis metandorū, inde Hanaviam inexpugnabile prope Francofordiam oppidum ad extremum obsidionis à Cæsarianis redigi passus, repente eos à tergo aggressus fugat, & Paderbornensem, Monasteriensem Episcopatus, & Vechtio expugnato quidquid Bremâ tenus cis Visurgim est regionum, ipsamque Phrisiam jungendæ cum Hollandis manus causâ subactam exactionibus & rapinis dilacerat, & quanquam Hassiæ suæ idem à Ghezio Cæsariano duce fieret, patrimonium tamen ille suum in armis esse reputans perseveravit sanguine quærere, quod alii longo sudore para-

paravissent. Principio æstatis Vin-
 mariensis Tabernas Alsaticas (su-
 periore anno Cæsariani eas occu-
 parant) recuperat, frustra præfi-
 diariis obsidione diu strenue tole-
 ratâ opem à Gallassio expectan-
 tibus, qui Stoltio ad Rhenum
 otiosis stativis insidens in hostem
 nisi duplicato majorem exerci-
 tum haberet, ducturus non erat.
 Advenere ei, sed re jam transactâ
 novi è Silesia Butlero ducente de-
 lectus, tùm demum Rheno tra-
 jecto laboranti ausus est subve-
 nire Burgundiæ, in quam neutra-
 rum ad id tempus partium (Hel-
 vetii fidejussores erant) non in-
 dicto à Rege Galliæ bello missus.
 Condæus Dolam obsidebat. Prior
 obsessis Lotharingius opitulatus
 est, & urbe discrimine exemptâ
 conjunctis cum Galassio viribus
 in ipsam se Lugdunensem Gal-
 liam populabundus effudit, jamq;

158 E P I T O M E R E R U M

Viriduno ad Ararim opportuno al
 bellum porro porrigendum loc
 potitus stabilem in hostico po
 dem fixisse videbatur, si idem in
 Gallasio consilium fuisset, se
 is rebus ad res gerendas necessa
 riis, tormentis præsertim, & in
 strumentis aliis urbium expu
 gnandarum se diu destitutum
 post præterlapsis jam cum æstate
 occasionibus & hybernis imbr
 bus supervenientibus non jam in
 tempore instructum arctis in
 super com meatibus hinc Alsatiâ
 quæ tota in hostium manu, hinc
 ipsis Provincialibus quos Cæsa
 riani assuetâ rapiendi licentiâ
 ipsis hostibus infestius in se arma
 verant, horum autem armis & à
 fronte, à latere cinctum excu
 sans transferendi in Gallias belli
 spem ostendit tantummodo, sta
 timque in Germanias irritam retu
 lit, ubi hybernis iterum occu
 patis

patis quin ea in hostico obrineret Hispanorum culpam fuisse arguit, qui Verdano, Piccolominio, & flore tam equitatus quam peditatus Cæsarii à se abducto Corbejà in Picardiæ finibus munitâ urbe captâ, cum sicut inter se & illos convenisse dicebat, in plana Galliæ descendere, sibi que ad Lingonum fines, ut juncto virium robore Suesfionensem Comitum præter cujus copias nullus tum eis par in Galliâ exercitus sub signiserat, debellare maturarent, occurrere debuissent, potiori propriarum & propriorum sibi rerum curâ ad reliqua Picardiæ præsidia Belgio imminencia expugnanda adjecto animo composita secum consilia & certam victoriæ spem quæ in celeritate posita erat, corrupissent spatiumque Gallis sese confirmandi dedissent, qui eodem tem-

pore in Italia castris trans Tici-
 num in ipso suburbano Mediola-
 nensi agro prope Olegium posi-
 tis ab Hispanis, quibus robustæ
 Germaniâ legiones novæ eo anno
 subsidio venerant, iusto certami-
 ne fusi cis flumen rediguntur,
 summâ tamen rerum nihil ullam
 in partem variante nisi quod To-
 ratiis, magnâ vir inter Gallos mi-
 litari gloriâ, sub ignobilis vici ex-
 plorando aditu globo trajectus
 eis ereptus est, & Dux Parmensis
 totam ditionis suæ provinciam
 hinc ab Hispanis omni clade belli
 evastatam, illinc ab ipsis Gallis
 Placentiam compositis insidiis
 pæne interceptam vidit, serâ ami-
 corum quos deseruisset, quosque
 nuper adscivisset æstimatione. Fi-
 ne anni Ferdinandus Cæsaris filius
 redux ab expeditione quam, ut
 priore anno, in propinquo absens
 consiliis rexit, indictis Ratisbo-
 nam

GE

ram
 creatur
 rentibu
 paulo
 re nihi
 quam
 anarch
 etiam
 decisse

FEr
 tis
 animi
 pietat
 casus
 fregit
 libera
 quaso
 diant
 hude
 acces
 equi
 Hact

am comitiis Rex Romanorum
 reatur, non ad extremum dese-
 entibus Germaniam fatis, cum
 paulo post insecuta Cæsaris mor-
 e nihil ad plenam ejus perniciem
 quam diuturnum interregnum &
 anarchia, quæ ut re obtinebat, ita
 etiam ipso nomine imminebat,
 decesse videretur.

An. M. DC. XXXIV.

Ferdinandus secundus Imp. fa-
 tis concedit Princeps universis
 animi bonis, sed unâ in Deum
 pietate, ad quam omnes fortunæ
 casus prosperos retulit, adversos
 fregit, rectissimè excellens, nam
 liberalitatem, clementiam reli-
 quasque virtutes si modum egre-
 dianatur excuset rectius quam
 laudes. Verdanus Hermentanium
 accessu inviam arcem circumfusus
 equitum turmis eminens obsidens
 Haßos commeatum inferre mo-

lentes toto cœsos campo exigit
 frequentibus huiusmodi expedi-
 tionibus quæ melius manu quam
 consilio geruntur assecutus ut et-
 iam illis sufficere crederetur, sed
 annus insequens experimentum
 contra dedit. Mediâ hyeme Ban-
 nerius Lipsiam oppugnat, quæ
 urbs toties capta didicit tandem
 præsidium à virtute petere, & vi-
 illatâ strenuè defensa docuit ar-
 ma ut fortibus honesta, ita etiam
 ignavis tutissima esse, ab eo ex-
 perimento nullam ille validio-
 rem urbem ultra tentare ausus
 miseræ Saxonie excidio Regi
 suo qui ibi supremo vulnere vo-
 tivum Germanicæ libertati san-
 guinem effudisset, parentare per-
 severavit, non immemor interea
 capte Torgæ mœnibus ita se
 immunire, ut ad eum depellen-
 dum omnium Cæsariarum virium
 moles eo convertenda esset Gal-
 lassius,

affius, Hazfeldius, Marazinius,
 Cæsari, Ghezius Bavaricus, Gli-
 zingius Saxonicus duces affuê-
 re, accessit post & Lunæburgi-
 cus (civilium ille bellorum de-
 sultor mox in his, mox in illis
 partibus erat) & novis cum
 Croatarum subsidiis Suarzenber-
 gius, tantusque ducum ac le-
 gionum, in quibus gregalem mi-
 litem sæpe, nunquam ordinum
 ductores desideres, numerus ex-
 titit ut ostentandæ semel rei
 causâ Gallassius insignem ma-
 num ex solis militiæ præpositis
 constantem in hostem iusto præ-
 lio invadendum opimis dandis
 vel capiendis spoliis emiseric:
 at Bannerius tamen diu cuncta-
 tus est fugere magnâ seu fortitu-
 dine, seu calliditate ad Saxo-
 niam ille funditus perdendum
 intentus, ut intra quem finem suæ
 populationes sterissent, inde amici

Cæsarii militis inciperent, & id
 paucos dies fugæ supersedendo
 affecutus impune se in Pomera-
 niam proripuit, Cæsarianis in tan-
 tâ multitudine hostem elapsam
 persequentibus acrius quam in-
 clusum custodientibus, qui tamen
 ad Cultrinium facilem defensu
 Oderæ fluvii pontem haud dubie
 in manibus hæssisset, nisi Branden-
 burgicis loci dominis præsentior
 ea ratio visa fuisset hostem unaq;
 amicum transmittere potius, quã
 utrumque in cervicibus habere,
 Saxone non minus læto quod ab
 isto quam quod ab illo respiraret.
 Ita eo anno res Suedicæ intra
 Pomeraniæ fines redactæ sunt
 Saxone, Brandenburgico, Lunæ-
 burgico sua per otium recuperan-
 tibus, Gallassio, penes quem
 summa exercituum cura, sægni
 per totam æstatem militiã tan-
 dem adultâ hyeme in ipsam pe-
 netran-

netrante Pomeraniam Tripfescio,
 Wolgasto, post Domino ipso ar-
 mis expugnato; Anclanium,
 Stralsundia, Stetinum vim illa-
 tam facile sustinuerunt liberis
 mari superiis, & Cæsarianis ob
 com meatuum inopiam, quæ eos
 tanquam umbra semper insequē-
 batur, nullam justam obsidionem
 aggredi ausis Vismaria, Rostochiū
 & reliqua Megapolitana ora, quæ
 se suis opibus defendere poterat
 neutrarum, quæ id non poterat
 utrarumque partium fuit. Res
 Hassicas Landgravius Gulielmus
 morte quam hic annus vidit, vitæ-
 que sua juxta pessumdatas ne
 etiam in posterum erigi possent
 Gallis liberorum tutela testamen-
 to commendatâ permisit, idem
 supremum Sabaudi morientis ju-
 diciū fuit dubium caritatēne
 illecti an fraude uxoris quæ Gal-
 liarum Regis soror suspicione non

caruit maritum habuisse quam
 habere maluisse, fuitque gravissimi
 id belli præsentis seminarium
 quo sub tutelæ nomine assueto
 regibus colore dominatio quæri-
 tur. At non Gallis eadem apud
 Rhætos gratia perseveravit, qui
 eos finibus suis longè fœdissimo
 hoc anno abitu excedere coe-
 gerunt, quam illi ignominiam
 jactatis ingentem semper mu-
 tabilem, & libertatem suam ab ea
 maximè virtute æstimantem in-
 gentibus congiariis ultro emisse
 visi sunt, faventibus Hispanis,
 sed pari contra licitatione simi-
 lem haud dubiè sibi mercem
 præstinantibus. Vinmariensis tra-
 jecto supra Argentoratum Rhe-
 no magno novorum tumultuum
 terrore Germaniam implet, sed
 Verdanus tandem Hermensta-
 nio ab extrema inopia ad dedi-
 tionem coacto victor ne porro
 pro-

progredieretur compescuit, post
 quæ flumini inædificarat muni-
 mentis expulsum illis finibus
 omnino ejecit, at felicior ei fuga
 quam sua Verdano victoria fuit.
 nam in opulentam Delspergen-
 sem vallem faucibus incolarum
 incuria neglectis penetrans libe-
 ralia hyberna habuit, Verdano
 Brisgoio deserta, sterilesque Her-
 cinii saltus, & inania Sueviæ in
 præmium gloriæ simul & stipen-
 dium cesserunt. In Belgio Bata-
 vi Schenchiano munimento an-
 no superiori recepto Bredam
 non dimidio tot mensium spatio
 quibus ea urbs Spinolam fatiga-
 vit, Hispani Venloun & Rure-
 mundam in duplum compensa-
 ta unius urbis jactura, cujus ta-
 men permutationis Hollandos
 non pœnitebat, recuperant. Gal-
 li Damvillerium aliaque mino-
 ris nominis oppida in Lucenbur-
 gen-

gensium, Atrebatium, & Hannoniæ finibus expugnant, domesticam quoque rusticorum seditionem in Pictaviensi agro experti, 13 At non Richelio ingenium infra rusticos, qui superioribus annis Memoransium & primaria nobilitatis capita eisdem humoribus agitata misso à paucorum capite sanguine curarit, ut non tunc quoque consiliis manuque inconditam paganorum insaniam compesceret, idem Lusitani in Regem suum ausi, sed compositi tunc magis quam coerciti tempus illud crudæ adhuc rebellionis subsequenter demum annis ad maturitatem perduxerunt.

An. M. DC. XXXVIII.

V In mariensis refecto in Delphingensi faucibus pro libertu exercitu improvise inde emergens per Basileensem fines, qui se

e ad resistendum impares & me-
 liarum partium fidem conniven-
 do licet alteri tamen coli jactant
 ad Rhenum pervenit, eoque tra-
 cto Sechingam, Valdshutum
 incolis quoque profugientibus
 vacua oppida, Lauffenburgam
 ubi, quod quærebat, insignis ope-
 ris pons fluvium jungebat, & vix
 digni nominis præsidium contrà
 ac Verdand firmiorem ac suum
 militem eo imponere gestiendi
 affirmatum inerat ne majoris
 alendi præsidii necessitas quæ in-
 de ad Brisaccenum præfectum
 Reinahium pecuniæ exactiones
 deferrebantur minueret, terrore
 armorum occupat, Rinsfeldam ubi
 alter non minus firmus pons, ope-
 ribus cingit. Ubi id in Bavaria &
 apud Cæsarem auditum, con-
 festim Verdanus, Sabellius, Sper-
 reuterus, Enchefordius & Fursten-
 bergius emittuntur ut hostem

trans Rhenum rejiciant : nemo ex
 vulgo erat qui à tot ducibus rem
 non optimè , ex rerum peritis ite-
 rum nullus erat, qui non pessimè
 gestum iri crederet habuitq; res
 prædamnatum à ratione & tot
 priorum successuum exemplis
 eventum. Vinmariensis eos adven-
 tantes quamquam primo nō susti-
 nuisset & Rinsfeldam coactus ad-
 misisset, postero die in eam negli-
 gentiam effusus tanquam ipse nus-
 quam esset audacter aggressus vix
 dimidiæ hore spatio exercitu to-
 to foedissimâ fuga dissipato omnes
 illos duces excepto Furstenbergio
 qui naviculam ad Rhenum nactus
 aufugiendi habuit facultatem , &
 plerosque præterea majorum mi-
 norumq; ordinum ductores capit,
 inde Rinsfelda deditione receptâ
 totâ effusus Sueviâ & depopulato
 cursim agro Wirtenbergico Fri-
 burga Brisgojæ armis capto lon-
 ginqu

inqua Brisaccum circumfisione
 ommeatibus prohibendis, ubi
 ciebat majore industria pecuniam,
 quam frumentum rerumq; ad lon-
 giorē obsidionem necessaria-
 um invehendarum consilia tra-
 tata esse premere instituit. Evo-
 catur ad res lapsas restituendas
 Ghesius Bavaricus Dux eique à
 Cæsare Sabellius qui clam ex
 hostium manibus effugerat adjun-
 gitur: duo iterum duces, duo
 diversorum auspiciorum exerci-
 tus fortunam ut apparet malè ge-
 stam quia plura uno capite rexe-
 rant, pejus correxere, prope Wit-
 tenviherium à multo minoribus
 Vinmariensibus copiis, cum Sa-
 bellius in primo, Ghezius in po-
 stremo, nec tamen ille ut hunc ex-
 spectaret, hic ut illi succurreret
 agmine curaret flagitiosa magis
 quam damnosâ fuga funduntur:
 tùm Brisaccum jam justæ obsidio-

nis operibus cinctum. Sabellicus Lambojus, & Golzius uni duces suffecti, sed Ghezio parere iussi. Compositum cum Lotharingo ac Mercio fuerat ut eodem tempore hi cis, illi trans Rhenum Vinmariensia castra invaderent: illi die ex compacto obito, cunctante Ghezio facile superantur, iste quasi res ibi perditas de industria expectasset per se castra adortus, quanquam duobus jam munimentis à Lamboii milite expugnatis, porro percurrere proclive esset, receptui cani iussit & re infectâ tanquam hanc imperii tesseram accepisset ut veniret, videret, fugeret, retro acto agmine Brisaccum indefensum, ipse iussu Cæsaris à Bavaro in vincula ductus: sed post duos inde annos sine mulctâ dimissus ancipitem famam reliquit perfidiâne peccasset an socor-

ocordiâ, quæ ei pro innocentia
c forsitan pro sapientia fuit. Ita
nunitissimum oppidum in hostis
potestatem venit, quod ipse postea
admiratus est quia à se capi, mi-
ranturque nunc omnes qui amitti
potuerit, cum ejus arcis conser-
vandæ salus tot simul capitibus
tam anxie curaretur: sed hæc
ipsa curatorum multitudo cum
aliter alterum turbaret exitio, ne-
moque sollicitus fuit, quod sum-
mæ salutis caput, ut convectis in
anteceßum copiis, longiori, ne-
cessitati provideretur, id quidem
Reinachius per se facere debue-
rat, sed fama tenet uxorio illum
quam suo magis imperio res ad-
ministrasse. Tanta Brisacci amit-
tendi sollicitudo fuit, ut res quo-
que Pomeranicæ negligerentur,
quas Gallassius gerere jussus con-
siliorum affiatim, subsidiorum ni-
hil habuit, cum in Provinciâ in-

vicem à se & ab hoste evastatâ
 miles sine stipendio sine hyber-
 nis in diem & casu vivere cogere-
 13 ntur, nulla re ad victitandum re-
 liqua præter cænum & cœlum,
 & eruta fortè in ipsis devastatis
 agris defossi humo ab incolis
 frumenti vis exprobasset ma-
 gis inopiam populatoribus suâ
 culpâ factam, quam sublevasset.
 At Bannerius expeditis mari
 com meatibus non solum susten-
 tandi sed etiam augendi emendi-
 que militis (non ære id sed so-
 lâ victus copiâ præbitâ fiebat) fa-
 cultatem habuit, ergo transfu-
 giis Cæsarianorum & domesticis
 è Suetia supplementis brevi ex-
 ercitus viginti amplius millium
 militum eduxit, & Wolgastum
 ac Daminum uno tempore arctâ
 obsidione circumvallavit. Urbem
 illam quam diu Webelius susten-
 tavit, ne spe quidem subsidii in-
 ter-

tersepto per longum terræ spa-
tium aditu, hanc prope quidem
adveniens verum Peinæ fluvii
cui insidet præruptis ripis impe-
ditus irritis Gallasius suppetiis
sed convectis ante discrimen
cibarius ita juit, prosperiori
famâ quam Brisaccum veteris
illa hæc nuper parte possessio-
nis arx in annum insequentem
victorem distulerit hostem: æsta-
tem autem absumpsit, ut trajecto
sæpius ab alterâ in alteram par-
tem Albi, quum Bannerius solis
commearibus qui eo duntaxat
fluvio subvecti omnibus circa va-
stis desertisque haberi poterant,
interpellandis studeret, nomine
magis quam numero exercitus
incolumi conservato nihil hosti
ignominia deberet, donec tan-
dem hyeme ingruente fami cedere
coactus militem novissimâ inopiâ
conflictarum in Bohemiam hye-

matum reduxit. Lunæburgius hyberna Cæsarianis ab eo petentibus intrepidè præcidit, jam dudum misso cum Suecis quasi mediarum partium sequendarum consilio: intellexit Gallassius quod qui talia tali tempore deliberant, haud dubiè desciverunt, ergo ne paratâ perfidiæ occasione, quæ maximum ejus maturandæ incitamentum, in medio hinc à Suecis, hinc à Luneburgico deprehensus opprimeretur, tanto magis se subducere festinavit: tùm Bannerius libero Albis transitu in Lunæburgicum agrum sine maleficio, sed inde in Misniam & Turingiam cum hostilium omnium cladium terrore transgressus receptis ad se Suedicis qui ad Vifurgim res curabant ducibus, mediâ iterum Germaniâ victor impune volitans docuit efficacissimum servitutis telum esse, quos
sub-

subjugare velis, dividere. Palatini liberi conscripto Anglorum & Batavorum ope non contemnendi roboris milite Meppenam à Suecis venditam (adeo ne gratuita quidem sed magno ab exteris pretio redempta odia inter se Germani exercent) omni copiarum genere replent, ut eam pro summâ belli arce & armamentario habeant, sed urbs hæc improvisa eis invasione intercepta, ipsi justâ deinde acie ab Hazfeldio cæsi, captus alter, alter profugus paternam fortunam veterû irarum admonitam potius quàm satiatam longo infelicis familiæ infortunio senserunt. Hispani in Italiâ insignem Bremii à Gallis intra fines suos inædificatam munitiorem, mox Vercellas urbem validissimam ad externum quoque hostem arcendum circumvallatam, quæ opera Galli bis frustra

178 EPITOME RERUM

transgredi conati, iisdem artibus quibus illi tot celebres Belgii urbes à Batavis ereptas sibi videre, majore adversus oppugnatuos quam oppugnandos hostes diligentia capiunt. Profuit eis & in Belgio cunctatione ad quam naturâ inclinant, ommissa Batavos Calloensi novo præsidio in ipsas Antverpiæ cervices moliendo illaborantes inchoatâ statim re invasisse, parique & animo & consilio Geldriam urbem ab eisdem obsessam non dato circumvallandi spatio junctis Lambojo duce Cæsariis legionibus hoste magnâ clade fugato liberant, eademque eis fortuna adversus Gallos Audomarum & Hesdinum obsidentes adfuit, nam & tunc Cæsario milite Piccolominio ductore opitulante sua egregiè tutati axilioris res summo in discrimine reliquerunt. Gallus tot post annos quæ-

G
quæsi
lium
tale
haud
jam R
tres i
specta

SOL
Im
anni s
rar de
pendi
cis u
neant
longe
gum
Com
per R
redita
fed
poter
nequ

quæsitum longo matrimonio
 ium hoc anno natum ultra mor-
 tale gaudium accepit, magna
 haud dubiè Galliæ bono ex certa
 jam Regni successione, quam fra-
 tres impatientius ac liberi ex-
 spectant.

An. M. DC. XXXIX.

Solutis omnium Circularum
 Imperii conventibus quos fine
 anni superioris Cæsar indici iusse-
 rat decreta publicantur, quâ sti-
 pendii summa, quibusque in lo-
 cis ut æquum omnes onus susti-
 neant, miles hybernet: audita à
 longo intervallo inter arma le-
 gum vox statim conticuit, &
 Commissarii arbitrio suo ut sem-
 per Rempublicam tanquam hæ-
 reditatem partiri leges laudabant,
 sed necessitatem unicum hodie
 potentiorum telum quæ ipsi ferre
 nequeant, aliis imponendi, legi-
 bus

bus anteponebant. Bannerius in
 Misnia Salisium Cæsarium du-
 cem Gallassii in hyberna euntis
 agmen tardius assequentem pro-
 cellæ in morem obtritis quas re-
 gebat legionibus capit, ab ea pu-
 gna victor Saxoniam iterum to-
 tam depopulando Zuichaviam
 subigit, sed à Fribergæ non in-
 firmæ urbis oppugnatione repul-
 sus fiduciam dedit Marazinio al-
 teri Cæsariano duci vindicandæ
 prioris ignominia, ergo inconsul-
 to Gallassio, ne dum expectato
 (cujus se gloriam eo facto ex-
 quaturum sperabat, communica-
 tam cum superiore pro amissa
 reputans) in hostem, cui interea
 evocata à Visurgi copiae suæ su-
 pervenerant ignaris Cæsarianis
 & omne victoriæ momentum in
 earum absentia verti ratis, inex-
 plorato ducit, à quo gnaro quan-
 ta confidentia veniret exceptus

DANIEL SACERDAS ac

GERMANICARUM.

7
 e brevi certamine victus exerci-
 tum foedâ clade amissum foedior
 ingâ deserit, uti omnis arrogantia
 nec ad officium suum ante disci-
 men ferox, nec in fugâ pavidâ ad
 secus suum respicit, & ille tamen
 ost impunitus veluti innocens
 superfuit: fugientis vestigia Ban-
 nerium in mediâ Boemiâ viscera
 induxere, ubi ille Leimarizio, Brâ-
 nislis opdidisq; circumjectis poti-
 us, ipsis Pragæ mœnibus justæ sæ-
 pe oppugnationis terrorem osten-
 dendo, ac libero in Moraviam &
 Austriam ipsam si fortunæ suæ in-
 sistere voluisset, penetrandi aditu,
 Imperatorem coegit omnia simul
 propinqua ac longinqua circum-
 spicere subsidia. Bavarus peten-
 dis suppetiis proximus erat milite
 jam suo longis hybernis à præ-
 teritæ expeditionis infortuniis sa-
 tis refecto, sed is suo ipse disci-
 mine anxius, quippe populatores
 Q hosti-

2 EPITOME RERUM

hostium in Palatinatu superiore
 jam pasim conspici nunciabatur
 dum inter ferendum differendum
 que auxilium dubitat, hoste ab ea
 de ipsa dubitatione prompti à ter-
 go ultoris, si victoriæ rectà insiste-
 rer, & distento & ambigente, spa-
 tium dedit suas interim Hazfeldic
 in Boemiâ è Westphaliâ traducen-
 di copias, cujus adventu res ira
 cōfirmatæ ut tamen urbibus dun-
 tazat defendēdis hostem se Cæsa-
 riani sustentaturos sperarent, is e-
 nim & ipse eo tendebat locis quæ
 cæperat summa industria permu-
 niendis & fœdū interea in modum
 quocūq; se extendere poterat Bo-
 hemiâ devastando (sæpius una no-
 cte plura quā centū arcium, pagorū
 urbiumq; ac vicorum incendia nu-
 merare licuit) ut quam diu posset
 sedē belli in gentiliū Cæsaris Pro-
 vinciarum solo haberet: novo itaq;
 ad eum penitus exigendum & du-

D. VS. N. S.

GERMANICARUM.

e & exercitu opus fuit ac summæ
 ei militaris præpositus Leopoldus
 Imp. frater, additusq; ei qui
 pecie obsequii regeret Teutoni-
 us Magister (Gallassius missionē
 impetravit, dubium promptius ne
 latam an acceptam) exercitum
 Piccolominius de Belgio adduxit,
 abi insignis ei hoc anno à Gallis
 Theonvillæ obsidione pulsus victo-
 ria contigerat, quam in ipsam Gal-
 liam ferēte fortunâ Hispani inter-
 pellarunt Hespino ab alio Gallo-
 rum exercitu circumfesso auxi-
 lium orantes, sed priusquam eo
 veniret urbs in hostium potesta-
 te, ipse nec quam omiserat, nec
 quam secutus fuerat, rei compos
 fuit, sed dum omnia hæc in Regiâ
 Cæs. consultantur, deliberantur,
 facta consultis junguntur, præsens
 se totus circumegit annus, & inse-
 quēs demum documentum dedit;
 quam benè Cæsar, petito à domo

Q2

suâ

suâ supremi armorum regimini
 auspicio res gerandas, quibus ipse
 præesse noller, fratri permiserit.
 Sueci Damino hoc anno longam
 per inopiam recuperato Pomerania
 in justæ Regni Suecici Provin-
 vinciæ formam redigunt, extincti
 quidem priorum Ducum stirpe
 jure ad Brandenburgicos devolu-
 tam, sed victoria id Suecis tran-
 scripsit nullo novo exemplo, ut
 quod quis aliis opitulandi præ-
 textu suum fecit, suum & nuncu-
 per & sperabant, ut à Germani
 concessum olim externis sit de
 Prussia, sic se Pomeraniam & in
 pace habituros: pari fere ex causa
 Brisacci possessio Gallos & Vin-
 mariensem dum eam uterq; ad se
 trahit, non obscurâ similitudine di-
 straxit, illis plus in auro quod à se
 suppeditatum, isto plus in virtute
 quâ rem confecisset, pretii jurisq;
 inesse autumantibus: evocatus ille
 qui-

eodem sæpe in Gallias magnâ
 æmiorum spe, sed pro stulto re-
 utans qui suæ potestatis esset,
 ienæ ut fieret, nihilo secius ta-
 men Galli miles, at non satelles
 se perseveravit, ejusque jussu
 burgundiam aggressus Pontarmino
 apud incolis omnibus flammâ
 ferroque trucidatis, (seu ad juben-
 dum ei scelus animus suffecit, seu
 ad verandum defuit) extremam
 hanc nomini suo immanitatis la-
 cem imposuit: nam dum novam
 in Germaniam expeditionem me-
 ditatur paulo post peste sive quo
 alio lethi genere periit, nec enim
 defuit qui veneno interceptum
 crederet, atrociorē semper remo-
 re erga eorum virorum exitus,
 qui non solum hostes à magnis
 injuriis, sed etiam amicos ab im-
 modicis vel opibus vel meritis,
 quibus pro gratiâ odium repen-
 ditur, ita affectos habent, ut quos

perferre nolint, efferre desiderant
 qui extinctum jactantissimè luxu-
 runt, cum soli ex ejus morte com-
 pendium ceperint, suspiciones
 præbuerunt quæ captasient habere
 quam exspectare, & incerta muta-
 tionem amici; pœnitentiam pro
 peratâ compendii possessione præ-
 venire maluisse. Primores Vinma-
 rienſium caſtrorum amiſſo capi-
 discordes dum alter alteri parere
 recusat, tandem in eo concorde
 fuere, ut Brisaccum, se ipsos, fusu-
 fundendumq; sanguinem, ac do-
 mini prioris memoriam Gallico
 auro venderent, milite cui neque
 boni intellectus, nec mali cura du-
 ces bellumq; sequente. Tantum
 Gallis in eo sitū fuit, ne copię illa
 caput haberent, ut Palatini filium
 ex Angliâ ad eas properantem ve-
 riti ne si ille exercitum pronum
 occupanti invasisset, res suas cur
 Cæsare neglectis se componeret,

Contra fidem gentium in itinere
exceptum longâ custodiâ deti-
uerint, nec injuriam eam Anglus
d quem præcipue pertinebat nisi
nani rumore conquestus est do-
nesticâ Scotorum rebellione sol-
licitus, qui nec toti servituti nec
tori libertati assueti facilem dant
materiam externis, ac maxime
Gallis res Anglicas turbare mo-
lientibus. Bavaricus exercitus
quamvis statim à morte Vinma-
riensis magnarum si vellet rerum
occafio invitaret, Rhenum trajice-
re cunctabundus cum interea com-
positis Galli cum Vinmariensibus
transitionis pactis Palatinatum in-
valissint, nec ille tamen vel tum
impedisset ne locis aliquot ibi
commodis potiti, etiam Rheno
ipso superato, in mediæ Germaniæ
intimo Wetteraviæ sinu hyberna
occuparent, multum sinistri rumo-
ris & suspicacis silentii præbuit.

88 EPI TOME RERUM

Galli acceptum superiori anno
 Hispaniâ dedecus Fonterabie
 Cantabrica urbe, terrâ mariq; ob-
 fessa cum totius exercitus castro-
 rumque excidio repulsi hoc anno
 rursus abolere, & Salsas mediter-
 ranæ oræ arcem Occitanæ Pro-
 vinciae suæ non secus atque oculi
 innatum ulcus jam dudum excin-
 dere cupientes, magno rerum ap-
 paratu diu oppugnatam capiunt.
 Fortuna vertit consilium, Gallosq;
 post eventum magis juit habere
 quam evertere arcem, sibi quoque
 jam possidentibus opportunam
 sed brevem iterum hunc eis victo-
 riæ fructum reddidere Hispani,
 maximisque & ipsi apparatus,
 quorum vix dimidia pars si in
 tempore instructi fuissent, ad con-
 servandum locum suffecerat,
 amissum Gallis extorquent, nec
 vero Hispanis ipsis diuturnam læ-
 titiam Catelanorum, quorum in
 fini-

finibus ea arx, tumultuantium
 post rebellantium, inde aperte
 desciscientium fecit defectio, quæ
 adulteratæ veterum Gothorum
 Alanorumque reliquiæ dum non
 tolerant injurias quas hybernantes
 apud eos milites nec præ-
 scriptum stipendium accipientes
 (adeo illa tot toto terrarum orbe
 obstetricandi bellis necessitas in-
 exhaustissimum etiam Hispanicæ
 Regiæ ætarium evacuârat) jure
 quodam suo ut alibi in Provincia-
 les usurpabant, remedium multis
 frustra querelis in aulâ quæsitum
 ex bello invenere.

An. M. DC. XL.

L Eopoldus Cæsaris frater re-
 ceptis ad se Piccolomini le-
 gionibus viribusque ita auctis ut
 non ultra captivæ hostem insulta-
 re Bohemiæ patiendum videretur,
 ad prima & dubia signa veris

Qs

m

in eum movet Koningsgratio pro-
 pinquo Pragæ non contemnende
 oppido haud longis ante tempo-
 ribus capto, si id ei validius, quod
 magno studio faciebat, emunien-
 di tempus concessum fuisset, lon-
 gum in eadem sede & difficile
 bellum facere molientem: exce-
 pit expeditionem non dilato rei
 agendi tempore, & prono mo-
 mento quod plerumque qui prior,
 aggreditur habet, à duce novi
 decoris avido properatam præ-
 damnatus virtuti Austriacæ, & ra-
 ro non secundus quando ipsa in
 rem præsentem venit, fortunæ
 eventus, oppidumque illud primo
 impetu recuperatum tantum in
 omnes Bannerii copias terrorem
 vulgavit, ut à pugnando ad con-
 vasandum conversa cura (nec
 enim subitæ profectioni apta tot
 torâ desolatâ Bohemiâ comporta-
 tarum rerum moles) mox audita
 Bran-

andisii expugnatione ne conva-
 ndi quidem exspectato tempo-
 re, sed raptim asportatis quæ im-
 edimenti minus adferrent Leit-
 marizio & reliquis quas occupa-
 erant urbibus, cum ipso comme-
 tu quem ducendo bello conve-
 rant, desertis ad confines Mis-
 iæ Bohemiæque montes se reci-
 perent, locorum ingenio tantisper
 dum prædam in tutum præmit-
 terent, se tutaturi: inhærebat
 fugientium tergis Cæsarius miles,
 nihilq; sibi ad cessandum tempo-
 ris indulgens novo diuque exspe-
 ctato duci, qui spem magni no-
 minis tam læto principio imple-
 tum ibat, virtutem gloriæ ejus in-
 fervientem magno ubiq; ardore
 approbare satagebat, nil igitur an-
 tecapti Succis montes nisi ad fu-
 gam tutius persequendâ profuere,
 magnam tamen impedimento-
 rum partem aut igne corrumpere
 aut

2 EPITOME RERUM

aut hosti cedere coactis, atque ita
paucorum dierum spatio, quod
multorum mensium quamvis pro-
speræ fortunæ opus etiam perit
rerum fore opinabantur, tota ab
hostilibus armis purgata Bohemia
bellum in Misniam transmisit.
eam ingressus Cæsarius exercitus
electissimis Bannerii equitum tur-
mis, quas Pfulius ducebat, equestr
turbine ab alariis antecursoribus
protritis, Suecum cunctantem nec
tantam in hoste celeritatem pro-
videntem admonuit, ut graviore
quæ instabat imminentium quoque
legionum tempestati è Misniâ se
in Turingiam subduceret, ubi fu-
gentem Galliæ Longovillano du-
ce & Vinmariensium copiarum
reliquiæ exceperunt, Hassi quoque
à tergo erant & Lunæburgici illi
suarum haud dubiè partium fœ-
minâ liberorum tutrice & mariti
testamento & suâ sponte jam du-
dum

GERMANICARUM. 193

am Gallico auro & Suedicâ fa-
 ctione ad perpetuanda turbanda-
 rum rerum consilia arctius quàm
 exsolvi posset, illigatâ, de Lunæ-
 burgicis quibus adhuc neutri par-
 um addictis utrum vellent lice-
 er, meliora Cæsariani sperabant
 occupaturos eos hanc quæ in ma-
 tu sempiternæ occasionem glo-
 riæ, ut junctis nunc maximè op-
 portuno & forsan nunquam re-
 lituro rerum finiendarum tem-
 pore cum reliquo Rom. Imp.
 corpore consiliis ac viribus tam
 diu optatam ab hostibus, Suedi-
 cis præsertim non alienis, si major
 eos vis apud Gallos excusatos
 redderet, pacem aut ab invitis
 maturam stabilemque victoriam
 parere, & tandem aliquando unâ
 debellare adjuvarent: sed præva-
 luere inimica Germaniæ fata, &
 Lunæburgicus Suedici satellitis
 satrapa, & Prætorii ejus affecla

R

(nam

(nam quidquid gerendum, & alio in
 auspicio ejus & in famam Suedicobritu
 nominis cedebat) quam sibi, maxerem
 joribusque suis, & tot consanguin
 neis Principibus, quos perpetuum
 magni beneficii auctoramentante P
 sibi obnoxios facere poterat, maxorum
 gis quam ut se ipse exteri domi ostende
 natus mancipium fieri pateretur, terrami
 similis esse maluit, nec color eum is cons
 suus quasi expertas Cæsarii mili- us si n
 tis rapinas exhorruerit à gravissi- teruisse
 mâ quam eo facto meruit famâ que pe
 vindicat, nam idem ei & quale- excess
 cunque aliud asciti vel socii, vel Bavar
 quod verius, domini ingeniū per- copia
 ferendum, & quod ab alio necessi- pressur
 tate coacto, nec diutius quā ipse- tate n
 met in alias terras bellum à se exo- curâ cu
 nerasset, forte passus fuisset, idipsū cii qu
 ex alterius magis ancipiti libidine sempe
 non forte, sed certè metuendum ad id
 erit. Lunæburgicis ergo & Hassi- militis
 cis auctus subsidiis Bannerius jam tempe
 ultro

& retro in Cæsarianos se obvertit,
 oppugnaturum se eos tot novis ad ve-
 rem adjunctis exercitibus haud
 quaquam ambicens, sed illi in-
 iunctis Salæ fluvii ripis castra me-
 ante Piccolominio, peritissimo lo-
 corum capiendorum duce, tales se
 ostendere ut ipse quoq; æqui loci
 erramini diffidens stativa stati-
 is conferret, satis in præsentia ra-
 tius si ne quo illi progredierentur
 enuisset, tandem pabuli aquarum-
 que penuriâ prior è locis occupatis
 excessit: tendebant in Franconiâ
 Bavaricæ separatim à Cæsarianis
 copiar, has se solas & neglectas op-
 pressurum sperans magnâ eo cele-
 ritate movit, sed intetâ illic omnia
 curâ custodita reperit, (hæc Mer-
 cii qui castris Bavaricis præerat,
 semper strenui tunc & cauti, quod
 ad id tempus in eo desideratum,
 militis laus fuit) & Cælariani in
 tempore totis viribus subsidio pro-

facti adfuere, itaque ne non sui
 locis deprehensus pugnare coge
 retur, retro in hastiam flexit: se
 quitur junctus Bavaro Cæsaria
 nus, certus prælio experiri si æqui
 conditione sui copiam hostis præ
 beret. at ille bellum habere quan
 finire malebat, nec cogi potera
 (quamvis sæpe ostentandæ re
 causâ, nunquam tamen nisi iniquæ
 Cæsariis loco in aciem eduxisset
 à tergo duabus Hastiæ firmissimi
 arcibus, à latere Visurgi & to
 munitis ei fluvio impositis præsi
 diis tutus, ita æstatis major ab
 sumpta pars pugnandi à Cæsaria
 nis desiderio, ab hostibus contrâ
 frustrandâ omni nisi certâ victo
 riâ committendæ rei facultate
 Inopia in ambobus castris maxi
 ma, major apud Cæsarianos &
 facere eam & pati assuetos, nec
 mirum in tanta inutilis turbæ, tum
 militiæ præpositorum cum plures
 ferè

erè essent qui ducerent quam qui
 dicerentur, multitudine, sed mira
 militis & vix credibilis tolerantia
 lucis sui aspectu, qui eadem to-
 rando exemplum simul præbe-
 bat & animum ad meliorum re-
 am fiduciam. jamque hyemsim-
 onebat & propinqua hyberno-
 um, unica post stipendia ordi-
 atim solvi desita milites spes, il-
 ad premebat in hostico ut haberi
 possent. Proximæ Brunsvicenses
 & tot aliquot jam annis intactæ bel-
 o regiones & tum hostilia agi-
 antes super cupiditatem irâ ac-
 censam opportunam reliquo quo-
 que bello sedem ostentabant, sed
 Visurgis superandus erat, & in eo
 rerum summa vertebat. placuit
 ergo experiri negotiū, quod Haz-
 feldius Huxterio urbe, ubi pons
 flumen jungit, valido licet præsi-
 dio incessâ, sed si tormentorum
 apparatus in tempore adfuisset,

198 E P I T O M E R E R U M.

vim ut post patuit non moraturā
 strenue expugnandā feliciter au-
 spicatus, uno tamen die tormenti
 morantibus (seu res ipsa, seu ec-
 rum quibus commissā erat dili-
 gentia quod Hazfeldius postea in-
 culavit, lentior extitit) hosti poste-
 rior fuit, qui comperto Cæsariano
 rum cōsilio fluvio raptim trajecto
 (nam Munda sui inde haud pro-
 cul distans urbs ac pons præsidi
 expeditum transitum dabat) mon-
 res oppositæ Huxterio ripæ im-
 minētes validis primo stationibus
 mox tormentis quoque adductis
 firmare maturans Cæsarianos ini-
 qui per se loci tum & ab hostibus
 inessē superandi difficultate coe-
 git, contracto, qui nulli jam usui,
 ponte, irritas spes suas retro rele-
 gere, & hyberna ab amicis assi-
 gnanda exspectare : nec hostis
 defuit abeuntium tergis insistere,
 à quo Bredavius strenuus equi-
 tum

um dux, insidiis exceptus, & magna cum turmalium suorum manu occisus funestum expeditionis annique hujus finem Cæsarianis fecit. Idem in Italiâ fidus Hispanos afflixit anno quidem superiore majori Pedemontii parte tum suis, tum Thomæ Sabaudi auspiciis (frater hic Ducis nuper defuncti liberos ejus, & si quid eis humanitus cōtigisset jam proximum successionis suum jus Gallicæ tutelæ fiduciæ haud satis tuto credi arbitrabatur) occupatâ, inter quæ urbs ipsa Taurinum, præter arcem tamen Gallico præsidio infestam fuit, nulla adversæ rei offensione perpetuo victores, sed hoc anno urbem Casalensem (infauftum nomen, at rebus tum ad votum fluentibus brevi ex nefasto fortunatum fore sperabant) oblidentes in propinquâ expugnandi spe repente à Gallis Har-

courtio duce, ad quem Monfer-
 ratensium Provincialium volunta-
 riæ multæ catervæ è loco propin-
 quo & præsens aurum ad rem
 tam præcipitem sistendam poten-
 tius ferro remedium ad manum
 habente occultè conductæ se ag-
 gregarant, oppressi castrisque &
 impedimentis omnibus exuti, fine
 anni Taurinum quoque quamvis
 variis omnis generis incæpris ur-
 bem liberare studuissent, ab eisdẽ
 Gallis recuperatum viderunt. Ii-
 dem & in Germaniã de Brisacco
 & Alsatiã invadendã aliquid som-
 niantes, sed copiis quas huic ex-
 peditioni destinatas Cæsar ad
 ipsum caput rerum in fratris Ar-
 chiducis castra revocarat destitu-
 ti, multa agendo nihil agentes
 majus dedecus quam damnum, sed
 in Belgio insigne vulnus accepe-
 runt, Atrebatium urbe, quia tar-
 dius succurrentes circumvallari
 passi,

assi, à Gallis captâ, magnâ sed
 immodica horum gloriâ,
 quasi jam nihil supersit quâ ut di-
 piciant Gallix quem virium sua-
 um terminum velint. Medio an-
 i Imperator ordinum Imperii
 omicia Ratisbonam indixit, quæ
 magna exspectatione & frequen-
 ti, magis tamen legatorum quæ
 Principum conventu obita nunc
 quoque suspensos totius orbis ani-
 mos tenent, quis eorum ab ad-
 verso vel propitio Numinis nutu
 eventus Germaniam maneat. In-
 ter præcipuas quæ adhuc definitæ
 actiones decreta omnium præte-
 ritis bellis latarum illatarumque
 injuriarum obliviones haud dubiè
 salubris, si tam in nostrâ potestate
 oblivisci esset quam tacere: sed si
 hoc pretio quod quæritur Pax
 reconcilietur, imperabit absque
 dubio sibi quisque, ut tum primum
 se natum arbitretur.

An. M. DC. XLI.

VIx se Cæsariani in hybern
 receperant, quæ ex utilitat
 paucorum magis quam æqu
 partita jure pleraq; ab hoste lon
 gius aberant, cum exinde Ban
 nerius restauratis in agro Bruns
 vicensi viribus animum cepit pe
 Misniam & Voitlandiam in Pala
 tinatu superiori, ubi Chambium
 ignaviâ præfidiariorum statim e
 se dedidit, mox sub ipsis Ratis
 bonæ mœnibus sese ostentandi,
 eoque terrore comitia illic con
 scripta, quod solum labentis Im
 perii sustentaculum subruendum
 supererat, disjiciendi, sed magno
 Imperator animo & restitit ipse
 intrepidus, & suo exemplo reli
 quos continuit, ne morientis Reip.
 curam exitiosâ & ultimâ fugâ
 defererent. Vrbs interea ido
 neo instruitur præsidio, quo
 illa

a primo adventu hostium care-
 at (magno discrimine, si omissis
 i populationibus quas totâ Fran-
 conia percurſa in ipsam Sueviam
 pertulerunt, occasionem usurpas-
 ſent Imperatorem, Aulamque
 innem & Imperii Ordines aut
 roſugos illinc cum dedecore
 exigendi, aut immorari auſuros
 ullis audito ſeculis exemplo cap-
 ivos in triumpho deducendi) nec
 niles Cæſarius ex hybernis coire
 cunctatur, jamq; novum ex Austriâ
 quoq; evocatarum legionum ro-
 bur aderat, quas Ghelenius duce-
 bat, reliquum exercitum Piccolo-
 minius ac Mercius: sparsæ erant
 & hostium copię, Vinmarienses
 in Franconiâ prædam ſequeban-
 tur, Bannerius Chambii delectâ
 illic belli ſede ſubſtiterat, Schlan-
 gius equitû præfectus Neoburgi à
 Bohemicæ haud procul ſilvæ prin-
 cipio tendebat, hunc toto exer-
 citu

citu circumdātum, in infirmo tamēn oppidulo aliquandiu resistere ausum cum turmis omnibus equitum quas habebat Piccolominius deditioe capit, cum eodem tempore Ghelenius hosti à tergo ingruens Chambium versus moveret, unde Bannerius compertā Schlangii clade properē se in Bohemiam proripit, premente à tergo Ghelenio, reliquis ut fugā exitu intercluderent se à fronte obicere contendentibus: erat haud dubie in manibus Bannerius & toto cum exercitu deleri poterat, sed dum illi aut tardius moriuntur, aut commodiora magis itinera quam hostem quærunt, bellare forsā quā debellare malentes, aut quivis ad se summæ rei decus trahit, nactus est ille facultatem illæso in Misniam evadendi agmine, certā apud Cæsarianos finiendi aliquandō belli fiduciā

post

et in rei infectæ sensum majori
 dolore conversa, quia tam
 prope ab effectu remota fefellit:
 facile scitu erat per quem steteret
 tam præclarus triumphus Im-
 peratori è conspectu eriperetur,
 solitâ facilitate nec in rem
 præsentem, nec in præteri-
 tum, ne animadvertendum esset,
 inquisitum. Hosti in Misniam, ubi
 Vinmarienses se ei junxe-
 runt, regresso strenuè Cæsariani
 cumbere perseverarunt, & Salâ-
 vium frustra illo impedire co-
 nante superantes nunc circa Hal-
 erstadiæ moenia hærent, ubi Ban-
 erius morbo extinctus extremâ
 oratione vehementer ad pa-
 cem cum Rom. Imp. componen-
 dam adhortatus esse dicitur, con-
 scientiane an affectandâ etiam ad
 hostes gloriâ, cum suis belloge-
 cendo egregiè satisfacisset, quasi
 illis pace suadenda prodesse vo-
 luisse.

luisset. Paulo ante Georgius quo
 que Lunæburgicus fatis concessi
 Wolfenbuttelæ, iisdem quibu
 olim Papenheimius obstruend
 fluvii alveo operibus expugna
 vit, recuperandæ intentus, cuju
 si eadem quæ Bannerii morien
 tis mens fuit, sui que illam sequun
 tur, plus Germania defuncto
 quam viventi debebit. Lotharin
 gius compositis cum Gallo rebu
 magnâ veteres amicos necessi
 tate submittendi quotannis nov
 exercitus, quem ille nihil ultra
 quam amittat, liberat, nec ei invi
 dent, si eodem apud Gallos que
 frater ipse Regis honore sit futu
 rus. Lusitani repetitâ superiorum
 annorum rebellionem novum sibi
 Regem legunt Bragantiæ ducem,
 primæ inter eos nobilitatis, & à
 veterum quoque Regum sangui
 ne non alienum, miram illic &
 insignem fabulam, cum Cate
 lani

hi non minus pertinaciter per-
cellioni suæ incumbant, dare
meditante fortunâ, quando jam
dicatus, imperiaque, ac regna
edit, magis exitiosa quibus ea
signat, quam quibus eripit. Ra-
tionis bonæ comitiis pacis aliquâ tan-
tem ratione reperiundæ deside-
rio illaboratur magnâ sollicitudi-
ne, sed illa in hostium arbitrio,
quibus tum cordi erit, cum Ger-
manis bellum vetere quâ omni-
bus olim gentibus præstiterunt,
disciplinâ gerendum cordi erit,
nunc exteri eam laudem occu-
pant, horum inimiciis facile se
Germania exsolvet, cum & ami-
citiis se illorum absolverit; inter-
nam pacem stabiliet libertas cum
modo Religio ex præscripto legû,
supremi magistratus reverentia
cum obsequio usurpata. Quemad-
modum, ut Politicorum scitum
habet, plerumque cum Principe
For

S 2

208 E P I T O M E R E R U M

Fortuna mutari solet; sic quoque fortuna Suedicorum à Banner obitu aliquantulum nutare coepit. Nam in Saxonia Quedlenburgum, Bernburgum, Quersfurtum, Cygnæa & loca nonnulla alia in manus Cæsarianorum venerunt. cæso quoque in conflictu Ioanni Ludovico, Rheni Comite. Adduxit tamen, mense Majo, Kaigius, is, qui Ratisbonam olim cui præsidio tenuit, & contra exercitum Imp. defendit, novem legiones ex Suedia, quibus copias labascentes firmavit, sequuto post mense Octobri Torstenfonio: quo tempore Londini Wilielmus Aurasiensis Princeps, cum Maria, filia regia matrimonio conjunctus est, dubium majori Hollandorum commodo an detrimento: Nondum enim incendium Hyberno-Anglicarum discordiarum restinctum fuit, quin potius, licet sumto de

Vice-Rege Hybernico capitis
 applicio, magis magisque invaluit,
 que perniciosissimam tandem
 ravissimorum odiorum & aperti
 ter Regem & Senatum regium
 belli flammam exarsit. Hollandi,
 ipsi quoque in Tragœdia suas
 artes agerent, & falsam coherent
 icinitatem, Gennepam, fortissi-
 mum ad Mosam propugnaculum,
 alidâ circumfusione cinxerunt,
 nec prius, quam facta deditione,
 quæ mense Iulio honestis condi-
 tionibus, sequuta est, discesserunt:
 quo ipso tempore etiam Aria, Ar-
 tesia oppidum munitissimum,
 quod Lisa flumen interluit, à Gal-
 lis occupatum est, Lambojo licer
 & Becklo, fortissimis Ducibus id
 prohibere conantibus. Ante ve-
 ro, quam hoc in Germania infe-
 riore gestum fuit, inter Cæsaria-
 nos & Suedicos ad Wolfenbutte-
 ham calidè admodum pugnatum

est; quo in conflictu amplius du-
 millia Cæsarianorum occisa, totidemque cum triginta signis capti
 fuerunt. Consultatum est in An-
 glia de Palatino in Principatum
 restituendo deque Legato eam
 ob rem ad Comitia Rarisbonensia
 mittendo: ad quod obtinendum
 Rex ipse scriptum edidit, uni-
 verso Senatu regio in eam sen-
 tentiam eunte, suisque suffragiis
 confirmante. Ad Terragonam
 rem malè gesserunt Hispani, sub-
 missis à Condæo ex præsidiis, &
 Classe Hispanica in portu Tarra-
 conensi cæsa. Quam tamen Gal-
 lorum felicitatem paulo post casus
 adversus turbavit. Siquidem Co-
 mes Soyssonius & Bullionius, ac-
 ceptis ad Sedanum copiis auxilia-
 tricibus, Chattilonium Gallorum
 Ducem adorti, non tantum ab ur-
 bis obsidione repulerunt, sed in-
 genti etiam clade affecerunt, oc-
 cisis

his amplius millenis Gallorum,
 inter quos etiam fuit ipſius Chat-
 lonii filius, captis vero amplius
 mille & quingentis, cum impedi-
 entis omnibus & immenſa pe-
 uniæ ſumma: ipſo tamen Soyſo-
 nio, pilâ plumbea per caput ad-
 iuncta, cum octingentis militibus
 occiſo. In Sileſia Saxonici Cæſa-
 rianis conjuncti Gorlitiū, præ-
 cipuum Luſatiæ ſuperioris oppi-
 dum, obſidere cœperunt, maſculè
 illud defendente Wankio, duce
 fortiſſimo: qui, omnibus licet Cæ-
 ſarianorum copiis diverſis in locis
 oppugnantibus admiranda tamen
 animi magnitudine, obſidionem
 in ipſum uſque Septembrem ſuſti-
 nuit, famam meritis & laudem
 præclariffimi & ſtrenuiſſimi Du-
 cis: quo die liber ipſi cum præſi-
 dio exceſſus ex urbe datus fuit. In
 Saxonia Oſterwicū, Goſſaria,
 Flornburgū & alia quædam

cæsis quadringentis equitibus
 Königsmarkianis, in Cæsariano
 rum potestatem pervenerunt
 Wolfenbatteliana obsidio, per
 aliquot hæctenus menses à Suedi-
 cis continuata, parum feliciter
 successit, accedentibus ad maxi-
 ma, quæ ab obsessis acceperant
 damnâ, Luneburgensium & Vin-
 mariensium dissensionibus, qui a-
 critter inter sese contenderunt,
 utris castri necdum expugnati,
 possessio deberetur. Hoc nimi-
 rum erat, ursum vendere ante
 confixum ursum. Benigniore ta-
 men paulo post fortunâ usi sunt
 confœderati Suedici. Resciverat
 Broyus, Suedicos pabularum ex
 castriis exiisse, itaque de opprimen-
 dis illis cogitationes suscepit, &
 bis millenis equitibus iisdem in-
 fidiatus est. Sed consilium ejus
 detectum est, & ingruentibus
 maximo numero hostibus potissi-

a pars Cæsarianorum occisa, re-
 qui vero in fugam coniecti sunt.
 Capti fuerunt Leonstenius &
 Goldakerus Duces, inter reliquos,
 rimi, cum octingentis, equiti-
 us & hippotoxotis: ex Suedico
 utem exercitu occubuerunt du-
 enti, desideratis Nassovio Co-
 nite & Mullero, Ducibus fortissi-
 nis. Irruperunt hoc tempore
 Galli in Flandriam, occupatisque
 nonnullis locis præcipuis, ingenti
 clade universam illam Regionem
 affecerunt, potiti Bassæ, urbe
 nobilissima, atque omnibus rebus
 ad defensionem necessariis instru-
 ctissima, Francisco de Melo inte-
 rim, Arienſe oppidum, validissima
 obsidione cingente. Durantibus
 vero Ratisbonæ comitiis, à Cæs.
 Majestate Edictum promulgatum
 & statibus atque ordinibus Im-
 perii traditum est, de Amnistia:
 quod literis publicis deinceps

commissum fuit: non cessantibus
 adhuc dum Suedicis Wolfenbut-
 teliam, quibuscunque viribus op-
 pugnare: dum objectis plurimi-
 aggeribus & obstructo flumini
 alveo, perfecerunt, ut aqua non
 nullis in locis ad sex usque cubi-
 tos intumesceret: quâ inunda-
 tione ædificia & substructiones
 aliquot collapsæ sunt. Paulo ta-
 men post, non absque admiratione
 & præter multorum spem atque
 expectationem, obsidio illa, peri-
 culi & sumptuum, ut videbatur
 plenissima, soluta fuit, avocante
 Principe Luneburgensi ab exerci-
 tu copias suas, discedente à fœde-
 re & in partes Cæsaris transire,
 vel certè à bello deinceps absti-
 nere, cogitante. Atque sic literis il-
 lis non ita pridem ad Cæsarem,
 fatis quidem aculeatis, sponsia in-
 ducta est. His ita gestis Ratisbo-
 næ, Comitiiis mox dissolvendis,
 postre-

ostremo deliberatum fuit, de tri-
 utis porro, in usus militares con-
 tuendis exigendisque, debello
 continuando; deque demittendis
 xquàm multis urbibus Imperia-
 bus præfidiis & Gubernatoriis.
 us. Post quæ, sub Octobris ini-
 um Cæsarea Majestas Ratisbo-
 a discessit, atque secundo flumi-
 e, cum Aula universa, Viennam
 eversus est, comitantibus eum
 id ripam Danubii, Principum
 legatis atque Senatu urbis & ex-
 plolis ab omnibus propugnaculis
 & turribus machinis fulminatri-
 cibus. Quo mense, Hassiaci in
 Archiepiscopatum Colonensem
 irruperunt, mox vero iterum da-
 tis utrinque & acceptis damnis,
 recesserunt. In Saxonia Einbec-
 cum à Cæsarianis oppugnatum
 & conjectis in urbem ignibus
 ad deditionem coactus est, exci-
 tato in urbe horrendo admodum
 incen-

incendio, quo quarta ferme pars ejus exusta inque cineres redacta fuit. Et quanquam caeso & profligato, Rosa equitum Suedicorum Ductore Piccolomineus Goringam obsederat, omnibus viribus eam oppugnans: paulo tamen post, cum de accessu Torstensonii auditum est, obsidionem solvit, reque infecta discescit. In Suevia interim magnam animo spem conceperat Sparrius, de subigendo occupandoque Hohentwila, castro munitissimo, in quo jam prius alii vires suas, sed tentaverant frustra. Itaque nova illud & coronali quasi circumcissione obsidere coepit, explosisque in illud de vicinis locis tormentis plurimis, conjectisque globis ignivomis concutere & terrere conatus est. Verum res ex voto sententiaque non succesit, neque obsessis propter loci sublimitatem atque

que distantiam, multum detri-
 menti allatum est. Quin potius
 sub imperio Widerholdi, Stre-
 uissimi Ducis & Defensoris, viri
 gacis admodum ingenii, factis
 eberrimis eruptionibus, Cæsa-
 ranos magno animi robore ag-
 ressi, dici non potest, quantum
 infestant, quantisque cladibus
 affecerint. Conatus equidem fuit
 Sparrius, dictum Widerholdum
 utteris ad ipsum datis, partim am-
 plissimis pollicitationibus partim
 gravissimis comminationibus pro-
 positus, ad sese pertrahere, eique
 persuadere, ut & sese & Castrum
 Cæsar. Majest. dederet. Verum
 is contra firmo defensionis pro-
 posito, illa omnia spreuit elusitque,
 neque sui juris aut arbitrii nego-
 tium esse, sed ex æquo ad omnes
 fœderis socios pertinere, rescri-
 psit. Quapropter Sparrius re de-
 sperata, exercituque frigore par-

T

um

atum

tim & tempestatum injuriis, pa-
 tim quoque frequentissimis hosti-
 irruptionibus ferme penitus attri-
 to, & quod Erlachium cum auxi-
 liis jam jam adpropinquantem
 metueret, obsidionem solvit, tar-
 ta quidem festinatione, ut plu-
 rima impedimenta bellica, tor-
 mentorum, item globorum, far-
 torum & pulveris pyrii copiam
 maximam ibidem reliquerit: quæ
 Twilenses post ejus discessum in
 Arcem intulerunt. Didicit utique
 Sparrus, non esse idem, metal-
 la ex montibus effodere, atque
 castrum saxis solidissimis inni-
 xum, subruere: ampliorem lau-
 dem consequuturus, si armis alio
 conversis, temeritatis atque auda-
 ciæ notam non subiisset. De-
 lecta fuit mense Octobri exitio-
 sa adversus Britanniae Regem
 Scoticque regni Procere con-
 spiratio, quæ plurimos interque
 eos

s quoque esuitas multorum
 iminum reos fecit: qui propte-
 a in nervos & vincula compa-
 i, pœnas dederunt. Causa fuit
 ud atque occasio enatorum, gra-
 ssimarum & perniciosissimarum
 iscordiarum seminum, quæ tem-
 oris progressu in apertum &
 anestum bellum eruperunt. At-
 ue ne Italia, plurimis aliis re-
 nis laborantibus prorsus libe-
 a à bellicis motibus abiret, præ-
 er quod Gallo cum Hispanis
 es fuit, etiam inter Pontificem
 Romanum, interque Ducem Par-
 mentem, similtates non leves,
 quæ dudum gliscere inter utrum-
 que cœperant, invaluerunt: oc-
 cupato à Pontificio exercitu Ca-
 stro, loco omnibus rebus necessa-
 riis instructissimo. Dux ipse pau-
 lo post à Pontifice excommuni-
 catus, omniaque ejus bona Fisco
 Pontificio subjecta fuerunt. Quæ

T 2

bel-

belli tam exitiosi, (ut videbatur
 flamma, ne vicinos Italiae Principes
 alios invaderet, milites ubique
 ab iisdem conscripti, inque ditio-
 num suarum limites deducti sunt.
 Mense Novembri Bruxellis diem
 suum obiit Ferdinandus Austria-
 cus, Cardinalis & Infans Hispaniae,
 Provinciarum Belgicarum Gubernator:
 quem biduo post Princeps à Stadian,
 M. M. Ordinis Teutonici sequutus est,
 succedente Leopoldo Wilhelmo, Archiduce
 Austriae. Deliberatum est Viennae
 hoc tempore de restituendo Palatinatu,
 intercedentibus Danicis, Anglicis,
 Saxonis & Brandenburgicis Legatis,
 propositaque sunt certa quaedam
 deliberandi capita: Sed quoniam non
 omnes, quorum quidem intererat,
 adfuerunt, in aliud tempus
 negotium rejectum est. Appulit
 etiam ex Suecia ad littus Pomeraniae,

niæ, Leonhardus Torstenso-
 us, subvectus in locum Bannerii,
 usque in militia successor, cum
 stonis præter-propter millibus,
 constitutis Stralesondæ, quæ
 necessaria erant, cum cæteris sese
 onjuxit, firmoque progressu in
 axoniam properavit: cujus ad-
 entus, dici non potest, quantam
 perturbationem, trepidationem,
 nutationemque excitaverit, sub-
 ata protinus Gottingensi obli-
 gione. Sed & in Anglia novi ex-
 iterunt motus, multis in suspicio-
 nem conjurationis adductis, mul-
 tis etiam in carcerem coniectis,
 qui igni Hybernico oleum affu-
 derunt, & seditione excitatam vel
 apertè vel clam & quasi per cuni-
 culos, sustentarunt. Conscriptus
 fuit etiam exercitus in Hyberniam
 mittendus, & decretum factam,
 ut Romano-Catholici omnes in-
 tra decem milliaria Londino ab-
 essent.

essent. Ipse etiam Rex men-
 Decembri, urbem Regiam in-
 gressus, maximoque applausu
 lætitia exceptus fuit. Ex quo ta-
 men non obscura indignatione
 & simultatum signa inter Reges
 & iudicium Regum observata
 fuerunt; quæ si deleri potuissent
 & dum in herba fuit malum
 castigari, nunquam tantam sen-
 sisset Regnum Britannicum cala-
 mitatem, quantam in hunc usque
 diem expertum est: non ægrè hoc
 ferentibus aut dolentibus, sed po-
 tius sibi gratulantibus, inque
 sinu gaudentibus illis, qui bel-
 lum in Germania duci, non ge-
 ri, atque restitutionem Palati-
 norum prohiberi optabant. Blan-
 dita, iterum Hispanis est Fortu-
 na, extremo anni mense. Nam
 Aria; ultra menses quatuor ob-
 fessa, ab iisdem recepta est, fa-
 ctis, non quas victi, sed victores
 volue-

pluerunt, conditionibus, & in-
 enta in urbe maxima omnis ge-
 eris instrumentorum militarium,
 liarumque; ad urbem defen-
 endam necessariorum rerum
 opia. In qua, durante obsidio-
 ne, ex annonæ penuria, tanta
 uuit excitata fames, ut felis octo,
 canis decem & quinque floribus
 venditus fuerit; milites armo-
 rum lora & amenta consumpse-
 rint, imo neque ipsius Gubernatoris,
 canibus venaticis peperce-
 rint. Mortui sunt fame amplius
 mille & sexcenti Gallorum: &
 quibus urbe excedere licuit; mor-
 tuis quam vivis similiores vide-
 bantur. Et hic quidem exitus
 fuit, anni supra milles. sexcentos.
 quadrag. primi.

AN. M. DC. XLII.

NEq; vero lætiora fuerunt hu-
 jus sequētis quadragesimi se-

T 4

cun-

varum

27

ju-

te,

te-

ad

t,

n-

-

pi

cundi auspicia, strenas & apophoreta distribuentibus Vinmariensibus. Copiæ enim Gallicæ, Vinmarienses & Hassiacæ, postquam in Fuldensi Principatu & Monasteriensi Episcopatu hybernassent, iussu atque autoritate Regis Gallicarum in Colonensem Archiepiscopatum, itemque in Clivensium, Montium & Iuliacensium regiones, arma sua convertentes, loca illa circumquaque tributaria sibi facere tentarunt, transitum ipsis ad Vesaliam trans Rhenum permittentibus Belgis. Erat in eo totus Lambojus Comes, ut eos præverteret, suasque cum Hazfeldii copias conjungeret. Sed illi consilium ex arena capientes, firmo progressu in eos moverunt, summam rerum tenentibus Ebersteinio & Guebriano comitibus, primam vero aciem ducente Rosia. Fuit ad Kempam locus planus

is & apertus, duplici vallo triplici
 que fossa munitus. Eum occu-
 rare, antequam universus exerci-
 tus conveniret, Dux Guebrianus
 tentavit; sed repulsus est, fortiter
 admodum pugnante Lambojo,
 Tesserariorum summo Præfecto.
 Postea quam verò omnes copiæ
 convenissent, viam ipsi sibi ad
 Cæsarianos distinctis in locis pa-
 tescecerunt, & primâ quidem coi-
 tione acerrimè rem egerunt. Pu-
 gnatum est benè diu Marte ad-
 modum dubio. Sed tandem ce-
 dere campo Cæsariani coacti
 sunt. Cruentum plane fuit hoc
 prælium, multoque sanguine con-
 stitit. Occubuerunt in eo ex Cæ-
 sarianis ad tria millia, capta au-
 tem quatuor millia, inter quos
 fuerunt præcipui, Lambojus ipse,
 Mercius, Eppius, Rodowanus &
 alii plures. Venerunt in Vinma-
 riensum potestatem signa cen-

T 5

tum

varum

tum & quadraginta sex, cum machinis & impedimentis omnibus. Fuit insignis illa victoria, & ve hoc nomine pluris facienda, quod multa confestim oppida & castella deditionem fecerunt, vix etiam hostis vires experta, ut Moveſium & Kempa, quæ licet recepto in urbem præsidio, fortiter sese defenderit, paulo tamen post, hostibus oppugnationem urgentibus, ad deditionem compulsæ est. Deprehensa hæc fuit ingens annonæ copia. Addidit non parum animi tam felix successus non tantum Calcariensibus, sed etiam in Saxonia Gottingensibus, ut crebris excursionibus prædas agere, Cæsarianorumque vires atterere & frangere non dubitarent, imprimis Königsmarkius, qui propè Halberstadium, quatuor legiones oppressit, cæteris vero non levem metum atque terrorem

rem incussit, non parum adju-
 menti hanc ad rem conferente,
 summo militiæ Suedicæ Præfe-
 cto Torstensohnio, qui nuper ad
 exercitum, ut cum Imperio esset,
 advenerat, habitoque ad Tan-
 germundam delectu, jurejuran-
 do eundem sibi obstrinxerat. Ubi
 etiam de cælo observatum fuit,
 apparente in nubibus protensa
 manu, gladium cruentum vibran-
 te. Quod portentum plerique de
 prælio mox committendo, quo
 de rerum summa contenderetur,
 interpretati sunt. Ubi tamen non
 multum absuit, quin in maximas
 infidias & discrimen præsentissi-
 mum adductus fuisset Exercitus
 Suedicus, si quidem à Seckan-
 dorffo, instituta & aliquo usque
 perducta conspiratio ex animi
 sententia successisset. Sed digna
 peridiæ atque proditiōis suæ
 præmia paulo post accepit. Tur-
 batum

batum quoque est porro in Anglia, remotis à dicendis suffragiis officiisque publicis per edictum promulgatum & ab ipso Rege confirmatum, qui sacris initiati essent. Juebantur eodem, intra viginti dierum spacium. Insulâ excedere omnes Sacerdotes Romano-Catholici, constituto in transgressores capitis supplicio. Id quod Pontifici Romano bilem ita movit, ut deferendo Hybernis auxilio, deque vindicandis Judicii Regii injuriis cogitationes susceperit, in cujus rei suspicionem Hispaniarum Rex quoque tractus fuit. Interim Vinmarienses & Hassiaci, universum Ducatum Juliacensem, intercedente licet atq; deprecante Principe Neoburgico, longè lateque vastarunt, cuncta oppida & loca vicina deripuerunt, cæteris vero tributa imperarunt. fuit in non leve periculum ad-

ductus

n-
uis
m-
ge
ati
ra
ulâ
o-
in
io.
em
nis
cii
ce-
li-
tus
&
ju-
q;
gi-
cta
nt,
nr.
ad-
ctus



~~78~~ 324

2. 15^c

